

廣順州志序

臺自道光八年需次貴州前  
後凡十六年癸卯歲權廣順  
篆入境見其山川聳特峰巒  
皆拔地而起林木叅天幽秀

廣順州志序

序

兀律泉流亦清泚曲折漾衍  
信黔土之奧區鍾靈之勝境  
也下車伊始諷訪人才多當  
代物望然徵前言往行懿美  
所存則察、無稽焉其以入

版畝二百年來兵燹之餘文  
獻無徵之故與夫治一邑者  
必周知一邑之川原險易賦  
役繁簡大而人物風俗細及  
物產蟲魚故必有志乘以資

治也而廣順無之載訪康熙  
中葉有前牧劉元軾曾為輯  
略短幅未刊今又百五十餘  
年末由稽攷亦守土之遺憾  
已適周小湖郡憲有脩府志

之檄徵取邑乘應命無從爰  
約紳耆前安徽歙縣大令金  
鶴皋鼎壽翰林檢討但小雲  
鍾良諸君分事采訪乃即職  
官一門署中存卷於嘉慶十

八年以前履任者不能序次  
其他類然遑云考據六閱月  
而近事搜羅畧備期於成帙  
迺二十五年二月臺丁外艱  
回里遂不果今年六月聞兩

淮都轉但雲湖先生有志稿  
未刊因買棹邗江以所輯者  
就正雲湖先生出所撰稿本  
見示乃三十年前徵文改獻  
典核詳明舉其大而不遺其

細去浮崇實文約事談較所  
輯本尤善又屬甘泉蔣文若  
照儀徵吳熙載廷颺叅訂益  
以新采應載之文舊案可稽  
之事釐為十三卷蓋事為初

始豈無挂漏之譏惟願後之君子撫斯土者正其湮譎補其闕略庶使得斯志足以爲治不唯可以報采風之命抑亦可以盡親民者之心也豈

非厚幸與

道光二十六年歲次丙午十月前署廣順州知州事候補知縣皖江金臺譔并書



原敘

郡縣之有志所以資治也其山川形勝人民風俗苟不能盡  
覈則不可以爲治譔者或失則繁流而忘返或失則畧陋而  
不賅求其文簡事備近代如武功朝邑蓋寥寥矣廣順隸版  
圖才二百數十年地近苗疆向無志乘

國初州牧劉君輯稿未竟蓋始事尤難也且輿地初開記載散  
軼其不能詳者并從蓋闕其有可據者謹纂舊文條山川採  
風謠稽冊籍臚而次之惟州治居府西南重岡疊阜山廣簞  
廣順州志

原敘

一

深夷叢要地是維形勝志輿地第一夷漢雜居疊罹兵燹饑  
饉頻仍耕鑿是急麥豆秫稷各有所宜惟正之供厥彰定制  
志食貨第二經界既定保聚興焉城郭旣繕壇壝植焉孰經  
紀是孰鞏固是入其境而知其政是不可不諭也志建置第  
三民奠厥居飽食遊嬉禮讓未興剽悍成習敦崇風化咸沐  
教澤志學校第四文教旣輯武備是資有苗頑蠹莽利伏戎  
旣驅鱗介而衣裳之又剡若落而守衛之無事則周防之有  
變則膺懲之與其慝作而僅乃勝曷若思患而預爲防蓋不

於坎險之時而於既濟之日矣志苗防第五官職舉而民事  
治官職曠而民生偷或尸祝焉或巷議焉君子觀於此可以  
瞿然與惕然懼矣志官師第六五行之秀隨在而生一代之  
才乘時而見山川鍾毓風氣日開流譽含章實光邦國志人  
物第七牂牁古郡僅志范書考獻徵文繫其寥落

國朝文運宏化天下斐然有作卓爾不羣志藝文第八左氏並  
存國語莊生乃列外篇綴拾設聞亦資攷覽雜記附焉文凡  
八篇遠近之跡沿革之宜土俗所由淳民生所共賴雖不敢

廣順州志

原敘

二

妄附古人亦庶乎可以佐治理焉

嘉慶丙子春三月廣順但明倫撰

道光八年予視學黔中同年但君雲湖以所輯廣順州志稿八篇郵寄見示讀竟服其留心桑梓得未曾有之事也年來按部十一州徵文考獻恒苦闕佚廣順隸版圖未久向無志乘見諸載籍益復寥寥雖欲稽其政治殊歎無從雲湖此書實屬規始乃能文簡事覈條理截然於建置沿革苗防諸大端尤極詳備昔李吉甫作元和郡國志謂執此可以善治此書有焉余嘗慨今之士人手執制藝一編呻其佔畢叩以古籍不知也問以時事不知也呀唔終日所學何事雲湖乃專

廣順州志

胡序

一

人所不事爲諸生時卽留心如此宜甫其登臺省卽有所建白如前年所奏黔中保甲苗匪二事具見斟酌得宜本此學以歷官任事何在不可以澤民來書謂此其嚆矢不欲示人余正欲君速成之實爲廣順之急務也爰書數語用質初心道光庚寅夏五月益陽胡達源書於貴州督學使署



道光九年先宮詹視學黔中林翼隨侍三載徧歷十一府屬者兩次車塵馬跡所至皆重山複嶺先宮詹嘗謂翼曰黔古荒服也自漢置牂牁犍爲越嶲夜郎四郡爲益州宋元以來始有貴州之目水不注於桑經山不列於益記故言貴州者往往有荒陋忽之之意然自明置專藩哀爲郡邑暨乎中葉風會日開典章漸備以年來所經歷山接蠻叢江通雲夢幽秀雄奇不可殫述豈惟滇粵之要津抑亦靈奇所鍾毓古之名賢鉅公往來此土者固多卽志乘所載里閭所生忠孝文章修行立名之士亦復不少我

廣順州志

胡敘

一

國家文教遐敷精華日出濟濟多士其篤生正未可量林翼謹識斯語及服官京邸納交黔中人士率多殊尤異敏廣順但雲湖先生與先宮詹爲會試同榜誼氣相符重以姻婭林翼因又獲交哲嗣小雲太史風雨過從備問山川風俗且盛稱其鄉先達劉松齋清名重朝野載在志稿蓋雲湖先生所輯而未及刊者也辛丑冬先宮詹棄養林翼奉諱返里門道出邗上時暎夷窺擾浙粵雲湖先生觀察常鎮謂鵝鼻嘴爲入

揚子江門戶議嚴防守格於大府旋調兩淮都轉壬寅夏陝  
夷豕突入江薄省垣一如所料先生駐揚州聲色不動坐鎮  
危城夷聞有備不敢窺犯江北賴以獲安丙午春余以入都  
復經邗上會前廣順刺史金春谷臺議輯州志先生乃出舊  
稿見示證以小雲所云益翔實矣夫郡邑有志所以資治廣  
順爲黔省右臂滇粵入黔之要隘其間道里險易風俗醇漓  
非惟治廣順者所宜知卽治全黔者亦所宜知也是書考證  
精覈又益以採訪近事詳據官牘守斯土者足以爲治是亦  
廣順州志

胡敘

二

先生留心經世之一端也而金君權篆一年遂有是舉亦可  
謂能見其大矣夫廣順黔省一隅耳山川生色尤在人才乃  
前有劉公今有但公數十年間後先輝映豈非先宮詹所謂  
篤生之材正未可量者歟先生暨金君問序於翼翼讀卷端  
先宮詹題識綦詳不敢復贅贊一辭謹以昔之所承與刻畫  
之緣起附書焉以告來者

道光二十六年閏月既望前翰林院編修貴州候補知府益  
陽胡林翼敘

道光丙午夏雲湖大公祖出廣順州志稿屬蔣孝廉照與廷  
颺覆校其初稿爲公未仕時在里中築集者也公讀書目下  
十行志切經世之文於古今治亂興廢之所關山川道里形  
勝要害政治利病之所在留心紀述無虛時日頗念黔中自  
通志而外文獻寥寥而廣順又向無志乘故據所見所聞日  
益集之而成稿八篇藏之篋中通籍後入庶常授編修歷官  
臺諫其奏查苗疆保甲貴州黨匪二疏特詳於情實今載入  
州志武備篇中懷寧金君春谷前年任廣順州欲輯州志以  
廣順州志

李吳序

一

憂回里今來邦上請於公公出舊稿備采云去家三十載故  
蹟強半遺忘近事應增者已事采訪公牘既定者尤宜覈  
惟是公之留心當世之務也不惟於桑梓慎之自公由臺請  
出任監司歷官湖南北山東西十數年所至政成民和頌聲  
載道遠近所共聞及任江蘇常鎮道乃道光二十一年也時  
暎夷窺浙東公雪夜至海墻勘險要以防堵策疊請於大帥  
不果行明年履兩淮都轉任而暎夷豕突入江陷鎮江揚州  
戢嚴公乃空庫塞河發倉賑貸詰暴安民修城池平市糶練

勇設伏蹙夷不敢窺江寧揚城轉危爲安纖塵不到則屬等親見之事實受之福彰彰可攷歷歷在目宜揚之士民家戶祝文以彰之歌以頌之圖以紀之者也校志稿畢客有請臚其事於志中者公曰無是例也金君鑒前事之易湮備將來之續採乃以諸公事之可述者並條列於篇曰政蹟備采錄附於志後並冀後此凡有可記之事可載之人與文續刻之亦可以見金君慎重之意云儀徵吳廷颺謹識

余輯廣順州志敘目詳矣稿成於嘉慶丙子年家居誦習之暇凡鄉里之事有可紀述者隨時隨事條錄而記之後見田氏山蕘黔書張氏壽穀續黔書頗有關廣順事求明李檉全黔記畧郭子章黔中止權記黔記黔小志不可得得滇黔紀遊洞溪織志十數種無關治體亦畧載之遂據載籍考古之沿革與今之建置風俗附苗以見異兵事陳往以詔來至於他篇無實可據者或僅存三數事以待續纂於官書冊籍則未之見也畧仿武功朝邑爲之得八篇蓋自雍正初年苗疆

廣順州志

不但敘

一

底定兵事始息文獻無徵藝文一志除奏疏外尤寥寥也自己卯入都一行作吏閱今二十八年故鄉山川道里遠近高深遺忘強半其最關民事者田賦營汛解支必躬親其政者有案牘可稽余欲詳核之而不可得也竊謂撰志難撰貴州之志尤難廣順山磎荒徼苗漢雜處其中扼要逕途險易非親歷不可詳悉也刀耕火耨民間作苦之地廣狹肥瘠種植之宜非親察不可調劑也營汛關隘建置非常事不能損益也經界不正則貽爭端科派未允則滋弊竇至於遇物能名

山川能說固非易易大雅貽譏猶其小也且始事之難難於  
續纂苟能善矣志所應爾一有舛譌來者難誣故雖久於其  
地尙未能悉舉况僅以地圖察其扼塞則方寸之間相去數  
十百里徒事記憶能無謬乎是以藏之篋中未敢自信今年  
夏金君春谷過訪邗江以刻州志事見詢余喜其切於政治  
之大者因檢舊稿屬揚州蔣文若吳熙載覆勘出與金君相  
商權而金君於二十五年已屬吾鄉金鶴臯諸君勤爲採訪  
成帙編查案牘詳載奏疏於藝文又得詩賦巨細畢登近三  
廣順州志 二但敘

十年中選舉人物羅列無遺如劉君之政蹟潘氏之貞節諸  
篇誠足爲里黨光至並余之愿官亦附記備採實滋慚焉然  
總其成者金君任之有不能力爭者要皆此州志乘之囑也  
後之君子本金君之意增之芟之詳之正之期有當於治理  
豈不懿哉

道光丙午秋七月廣順但明倫撰於兩淮運署

廣順州志修輯姓氏

主修

署廣順州知州

協修

廣順州

廣順州復

總纂

賜進士出身兩淮兵備衙都轉鹽運使司前

廣順州志

修輯姓氏

分纂

江蘇甘泉

江蘇儀徵

賜同進士出身前

賜同進士出身

分校

附

增

賜進

賜

賜

增

生寇自修

附

生但慶良

監

生但培夏

採訪

舉

人蔣全善

舉

人詹玉珂

貢

生姜元周

貢

生周良醇

廣順州志

修輯姓氏

二

貢

生鄒嶧靈

廩

生金鼎焯

附

生蔣翼廷

附

生吳國元

附

生鄭成周

附

生文師尙

監

生伍德峻

廩

生周榮



增

生文化淳

武

生蔣定揚

武

生胡占春

武

生雷必宣

武

生謝龍標

生

生

生

三

修輯姓氏

廣順州志

生

生

生

生

生

生

生

生

廣順州志凡例

一 廣順向未刻志書 國初劉君雖有未竟之稿而散佚不傳但君原稿八篇實創始也稿成已有年 臺 第益以近事而大端一主原稿有引圖經者本通志所引實未見圖經一書也

一 但君志稿僅八篇已備沿革營建苗防人物諸大端而公牘冊籍有未覈名計數者今詳覈補之

一 原稿專論苗防蒐輯詳審而兵餉之事或畧今據公牘

廣順州志

凡例

一

錄之總以武備冠以兵制苗防附焉

一 志稿人物一篇首先選舉餘以次而集不別分列女蓋擬漢書人表自少典以及鄭袖之例也茲因篇帙較長遂別出選舉列女兩冊

一 風俗原敘於物產之前教養兼資也今更採數事益之專立一篇次於諸政之後與原意不背亦取篇帙稍勻爾

一 志書皆有祥異一篇茲以廣順所記無多故併入雜誌

一藝文有近今採入有遠方投寄者亦間存之

一是書採葺於道光乙巳中間以<sub>臺</sub>回籍復稽時日今春

刻於邗上事因創始間有疑聞途路載遙逕速成之難

免脫漏閱者諒之

道光二十七年四月既望皖城金臺識

廣順州志目錄

卷首

序 修輯姓氏 凡例 全圖

卷一

建置沿革表

輿地

沿革

分野

疆域

里寨

山川

形勝

附

氣候

附

遊觀

附

廣順州志

目錄

一

卷二

食貨

田賦

課程

額徵

積貯

解支

戶口

蠲恤

物產

卷三

營建

城郭

橋梁

廨署

倉廩

壇廟

寺觀

附

卷四

學校

文廟

學額

廩餼

學田

書院

附

義學

附

卷五

武備

兵制

營汛

俸餉

校場

苗防

附

鋪兵

附

廣順州志

目錄

二

卷六

職官

服色土知州

附

名宦

卷七

選舉

卷八

人物

宦績

文學

孝友

義行

方技

仙釋

隱逸

耆壽

卷九

列女

卷十

風俗

苗防

方音附

卷十一

藝文

上下

疏

碑記

傳

記

序

文

賦

詩

廣順州志

目錄

三

卷十二

雜記

卷末

政蹟備采錄

附

藥

圖









新城圖




州署圖




學宮圖



文昌閣圖



倉聖宮圖



天馬呈圖




(原書二圖)  
靈龜獻瑞  
南湖秋月  
各缺(半)






麥綠烟霞



東壁晚暉



山西夜合



聖水調符




雲峯留跡




鹿仙臺天



玉屏擁翠



天橋壽雪






唐帽窠栽

道光丁未仲夏月

山陰徐君牛



建置沿革表

統部

府

州縣

三代

禹貢荆梁二州之

南境

戰國

楚黔中郡兼為夜

郎且蘭諸國

史記西南

夷傳注正義曰今瀘州南大江南岸本夜郎國

廣順州志

卷一

建置沿革表

秦

黔中郡

史記西南夷列傳

漢

高帝五年

武陵郡

後漢書郡國志武陵

郡注秦昭王置名黔中郡高帝五年更名

武帝建元六年

牂牁郡

漢書唐蒙通夜郎改

為牂牁郡

元鼎六年

牂牁郡兼為武陵

元封五年

郡 漢書

屬荆益二州刺史

漢書地理志武陵郡屬荆州牂牁郡屬益州

後漢

三國

牂牁武陵及興古

郡 晉書地理志

晉

益州牂牁郡及寧

廣順州志

卷一

建置沿革表

二

泰始七年

州興古郡荆州武

陵郡 晉書地理志

分益州置寧州益

州統部八牂牁屬

焉 晉書地理志

太康二年

牂牁郡 宋書州郡志 晉太康

二年寧州增牂牁郡

永嘉二年

分牂牁立平夷夜

宋

郎二郡

晉書地理志

寧郢二州

宋書州郡志

州刺史領郡牂牁太守興古太守

齊

南牂牁郡

南齊書州郡志

梁

荒廢

陳

天嘉元年

分荊州置武州治

廣順州志

卷一

建置沿革表

王

武陵縣

陳書文帝紀

兼屬蠻獠

元和志夷州本

徼外蠻夷地自漢至陳并屬牂牁郡歷代恃險多不賓服通

典隋書寧州至梁末為西爨蠻

所據則牂牁興古二郡此時已

入蠻

周

費州

舊唐書地理志費州漢牂

牂郡地

牂牁黔安二郡及

明陽郡地

舊唐書地理志

開皇

牂牁郡

隋書地理志牂牁郡開皇初置牂州

大業

入於蠻

通典牂牁巨帥姓謝氏舊臣中國代為本土牧守隋末大亂遂絕

廣順州志

卷一

建置沿革表

四

唐

武德三年

牂牁國

貴州通志乾隆府廳

州縣志

四年

牂州

唐書地理志牂州武德三年以牂牁首領謝龍羽地置四年更名牂州後仍改牂州為牂州

五代

復為蠻地

羅施鬼國

文獻通考

八番地

貴州通志

宋

開寶間

羈縻地  
宋史西南溪洞諸蠻傳及宋史地理志

元

順元路

元史地理志置八番

大萬谷落總管府  
方輿紀要云開寶中蠻酋普貴內附置大萬谷落總管府授之嘉定間移府於今治今貴陽府城北有廢大萬谷落總管府

廣順州志

卷一

建置沿革表

五

順元等路軍民宣慰使司都元帥府治順元路屬湖廣行中書省

至元二十二年

置順元路軍民安撫司并置亦奚不薛總管府皆統於八番順元宣慰司  
元史地理志

二十六年

明

廣順州志

卷一

建置沿革表

六

金竹寨 元史地理志新添葛蠻安撫司下有金竹等寨屬管番民總管

金竹府 改金竹寨為金竹府

置乖西軍民府貴陽等處長官司俱聽宣慰司節制貴州通志

古珉縣 屬金竹府尋廢乾隆府廳州縣志

以八番羅甸宣慰使司隸四川行省  
尋改隸湖廣 元史世祖本紀

洪武初

四年

六年

九年

分屬湖廣四川雲南三布政司 一統志

貴陽軍民府治新貴

置貴州宣撫司

改金竹長官司隸

四川行省 明史土司列傳地理志作五年

升宣慰使司屬四

川行省

六月屬四川布政

隸貴州軍民指揮

十年

使司  
改安撫司十二月

十五年

置貴州都指揮使

屬四川

司  
明史地理志其  
民職有司仍屬  
湖廣

二十年

屬貴州衛

永樂十年

直隸貴州布政司

廣順州志

卷一 建置沿革表

七

明史土司列傳

十一年

置貴州布政使司  
屬貴州布政司

與都指揮司同  
治明史地理志

正統三年

直隸貴州布政司

明史地理志

成化十二年

程番府  
明史地理志成化十

七月屬程番府  
明史

二年七月分貴  
州宣慰司地置  
程番長官司

地理志



隆慶二年

萬曆二十九年

四十年

廣順州志

國朝

康熙二十六年

程番長官司

貴陽府

明史地理志隆慶二年六月移入布政司治城與宣慰司同治三年三月改名貴陽

升貴陽軍民府

六月屬貴陽府

明史

地理志

置廣順州隸貴陽府  
明史土司列傳

卷一

建置沿革表

八

貴州布政使司

貴陽軍民府

廣順州

復曰貴陽府

廣順州志卷一

輿地志

沿革

廣順州於禹貢爲荆梁二州之南境荒服秦昭王始置黔中郡漢武帝建元六年使唐蒙通夜郎改爲武陵郡元鼎六年平西南夷爲牂牁郡貴陽以上二十四邑皆其地也三國時諸葛武侯封牂牁蠻酋濟火爲羅甸國王蜀漢分建寧牂牁立興古郡今安順府晉永嘉中爲平夷郡又分牂牁立夜郎郡宋

廣順州志

卷一

輿地志

一

齊因之梁荒廢陳置武州治武陵兼屬蠻獠周置費州隋開

皇中置牂州大業初改爲郡治牂牁

方輿紀要牂牁郡隋初置兼置牂州唐武德初

改縣曰建安又有新興縣賓化縣并廢今思南府有廢牂牁郡一統志在府治西漢平南夷置○按今思南府爲唐貞觀間之思州五代時入於蠻牂牁去今貴陽府甚遠思州亦遷徙不一牂牁故界有不可指者矣唐爲牂牁國方輿紀要貴州敘云唐時羅羅鬼主居之羅羅本羅甸之盧鹿郡後譌爲羅羅武德三年首領謝龍

羽遣使來朝以其地爲牂州四年更爲牁州後復名牂州爲

下州開元中降爲羈縻州

方輿紀要大業初改州爲牂牁郡唐武德二年復曰牂州改縣曰建

安四年又改州曰牁州尋復故開元中降爲羈縻州屬黔中都督府復廢志云牂州南有新興廢縣唐初與州同置又有



賓化廢縣亦隋初置屬  
五代時楚王馬殷遣八姓討兩江溪

洞留軍屯戌分據其地為八番為羅施鬼國地  
方輿紀要或云貴州境即

殷周之鬼方也故猶有羅鬼之名○按羅甸國在唐書稱牂

牁蠻國其王號鬼主別部曰羅殿王五代時曰羅施鬼國元

又稱羅氏鬼國又唐時稱羅羅鬼主又稱曰羅甸國王蓋羅

羅本羅甸之盧鹿郡後誘為羅羅大率皆古之牂牁郡地而

字以音譌文  
隨時變者也 乾德五年知南寧州蕃落使龍彥瑫等來貢詔

授彥瑫州刺史仍為羈縻州  
方輿紀要金竹安撫司下云宋為羈縻蠻境又引志云宋為南

寧州  
開寶間蠻酋內附置大萬谷落總管府授之  
亦唐會曰中羅甸王

地今大定府之黔西  
州威寧州之畢節縣 元至元十五年羅氏鬼國主阿榨西南

廣順州志  
卷一 輿地志 二

蕃主韋昌盛並內附詔阿榨韋昌盛各為其地安撫使佩虎

符十六年潭州行省遣兩淮招討使劉繼昌招下西南諸番

以龍方零等為小龍番等安撫使仍以兵三千戍之  
方輿紀要引通

志元初為羅甸鬼國尋改羅甸軍民安撫司至元十六年改

順元軍民安撫司於治北增置亦奚不辭總管府二十四年  
復增置順元路并貴州 十七年改羅氏鬼國為順元路宣慰  
於司治內以統降附者  
司隸潭州行省又置順元路安撫司所轄溪洞長官司有貴  
州等處  
靖道謨貴州考今永寧州之清鎮縣黔中貴州之名始此 二十四年十二月金竹  
寨主掃閭  
二字從歷代職官表 以所部百二十五寨內附二十六年六

月西南夷中下爛土等處洞三百寨百一十來歸附得戶二千餘閏十月西南生番心樓八族計千一百六十戶內附以

八番羅甸宣慰使司隸四川省改金竹寨爲金竹府屬管番

民總管乾隆府廳州縣志安平縣宋爲羅甸國地在元爲金竹府地尋改隸湖廣置古珥

縣屬金竹府尋廢通志廣順州南一百里有古珥廢縣一統志云按黔記通志俱作古筑考元史金竹

府下止注古珥縣而無古筑黔記通志之稱筑疑卽珥字之

譌也又考珥本珥字珥與缸同缸羊聲相近故俗譌爲羊其

爲古珥益明矣乾隆府廳州縣志說同今廣順州治元爲金竹府今永寧州及安平縣亦其

地方輿紀要廣順州開州本水西地皆崇禎三年開置明洪武四年改置金竹長官司

廣順州志

卷一

輿地志

一統志金筑廢司注引黔記明洪武四年會長密定歸順罷

金筑府置金筑長官司於斗笠寨永樂十一年密定子得珠

遷於馬嶺之陽曰壩寨卽今州治也仍隸四川行省五年順元宣慰司翠靄與

同知宋蒙古歸附置貴州宣慰司設都指揮使司八番諸蠻

內附俱授爲長官司十四年以密定獻馬五百匹升爲安撫

司與宣慰俱隸四川布政司宣慰司領官司二十三年安撫司領官司四十六年遷

治杏林峰一統志金筑廢司注引黔記二十九年隸貴州軍民指揮司永

樂十一年改宣慰諸司遷於馬嶺之陽卽壩寨也正統四年

仍隸貴州布政司成化十年設程番府於程番長官司以宣

慰司所領之諸番安撫司所領之四司屬焉金竹長官司屬

程番府隆慶二年移程番府治於布政司治城三年復名貴

陽府二十九年升金竹隸貴陽萬厯三十九年金竹土司金

大章乞改土歸流四十年始名廣順州隸貴陽軍民府

國朝因之蓋廣順州不能盡金竹府之地金竹府不能盡羅甸

之地今但據廣順州境內事志之

### 分野

廣順於天文爲參井之分野

按黔境越在荒服保章氏所未載前人以地近荆梁分翼軫參

### 廣順州志

#### 卷一

輿地志

#### 四

井之餘審矣漢武所設之益州乃越犒犍爲牂牁三郡魏太史陳卓謂牂牁入參五度而班固謂東井與鬼秦之分野西南牂牁越犒二州皆宜屬焉則自平越以上皆屬參井今貴陽省垣在牂牁郡地廣順距省垣甚近地僅百里其爲屬參井無疑至於占驗之說恐百里地未足以當列郡之應也故從畧焉

### 疆域

里寨附

廣順在貴陽府西南一百十里東西距二百里南北距七十

里東至普定縣界十里西至安順府界二十里南至定番州

界五十里北至鎮寧州界五里東南至定番州界五十里西

南至定番州盧山司界五十里東北至安平縣界二十里西

北至鎮寧州界五里由貴陽府治七千八百二十里達於

京師以境內地編為十里曰忠順州東南三十里曰從仁州東六十里

有天生橋水穿山腹而成人行其上如臥波長虹曰長治州南

三十里曰歸德州東四十里曰太平州北二十里曰來格州南三十里曰久安

州東六十里曰來遠州西五里曰維新州東十里曰首善州東五十里十八枝

曰改雅州南四十里曰松岡州南五十里曰開弄州南五十里曰歸善州南六十里

里曰梭把州南六十里曰湖井州南六十里曰谷增州南五十里曰雞場州南

七十曰猛昌州東四十里曰擺塘州東四十里又有一枝曰板當撥歸

廣順州志 卷一 輿地志 五

歸化廳又有七枝曰牯羊曰紀堵曰板蟲曰長寨曰遮貢曰

擺偷曰谷隆撥歸長寨廳管轄其在十里十八枝之中分村

寨凡二百九十五其在忠順里者曰大寨曰擺雅寨曰洪湯

壩曰蔭青寨曰尅茅坡曰大壩曰龍井曰茶菸去州二十五里曰猛

坑有永安橋曰向寨州南三十里有永安橋曰牛場曰樂酌寨曰岩腳寨曰

擺邦曰拉高寨曰牛鸞寨曰大河寨有長春橋曰尅細寨有留雲橋曰

尅丙曰尅灑沖曰小壘曰擺紀寨其在從仁里者曰天鵝寨

曰同齡寨曰黃泥堡曰龍昌坡曰翁岡河曰尅臥山曰阿露

寨曰掌尅寨曰扯扒寨曰蓋永寨曰毛草寨曰黃麻寨曰長  
沖寨曰老化街曰老虎洞曰楊艾寨曰劉家莊曰尅儒寨曰  
谷精寨曰打朗寨曰擺寡寨曰曹家莊曰尅偷寨曰擺茶寨  
曰正龍山曰擺籠寨曰擺牛寨曰擺尅寨曰團寨曰蘆狄寨  
曰擺巷寨曰石莊寨曰蘆官堡曰黨武寨曰革林昌曰黃家  
寨曰下壩寨曰松壩寨曰葵花寨其在長治里者曰冗著寨  
曰擺牙寨曰羅勇寨

螺擁山下

曰長號寨曰思京寨曰魯牙寨曰

擺強寨曰擺紀寨曰改窩寨曰猛猖寨曰猛簸寨曰琵琶寨

廣順州志

卷一

輿地志

六

曰冗凱寨曰納占寨曰花惹寨曰革猛寨曰保合營曰白雲  
山曰毛栗寨其在歸德里者曰翁貴曰鼠場寨曰谷村曰平  
寨曰破岩寨曰冗堡曰翁吟河曰新寨曰猛永曰紅岩曰白  
羊寨曰新哨曰莫家寨曰長板寨曰哨口哨曰高塘曰翁樓  
其在太平里者曰破籠寨曰燕旗關曰麻線河曰滾塘曰小  
岩底曰打扣寨曰團坡曰紅岩寨曰讓賊曰冗溝曰翁打饒  
曰小壘曰翁槁其在上來格里者曰石頭寨曰擺朱寨曰猛  
枯寨曰大保寨曰板者磻曰中寨曰革讓寨曰擺墜寨曰凱

蜡沖曰擺窩寨曰擺王寨分爲上下曰董籠寨曰冗哨寨曰  
谷田寨曰宋改寨曰河邊寨曰擺地寨曰馬鞍山曰野鬼寨  
曰補了營曰板橋山其在下來格里者曰板長寨曰下冗灘  
曰上冗灘曰壩樓寨曰平寨曰高寨曰披弓寨曰忠代牛寨  
曰牛滾坡曰龍潭寨其在久安里者曰燕樓寨曰谷通寨曰  
思惹寨曰谷蒙寨其在來遠里者曰後頭壩其在維新里者  
曰牛丫營曰團坡曰補羊寨其在首善里者曰翁稿寨曰普  
安塘曰傍邊寨曰水車壩曰青岩場曰龍耳寨曰黃連寨曰  
廣順州志

卷一

輿地志

七

柿花寨曰馬齡寨曰蝦蟆塘曰海棠塘曰擺古寨曰擺豕寨  
曰革樓寨曰縱葉山曰擺平寨曰打牙寨曰凱耳寨曰關口  
寨曰洞口寨曰長沖曰汗溝曰馬家莊曰易家田其在改雅  
枝者曰令卡坪上曰青滕萊布曰革當寨曰改雅寨曰馬沖  
寨曰翁戎寨曰阿鵝寨曰旁邊寨曰冗春寨曰栗木寨曰牛  
角寨曰打邦寨曰洞口寨曰大沖寨曰馬田寨其在松岡枝  
者曰擺所場曰松岡寨曰綠媚沖曰構皮沖曰縱葉山曰擺  
岡寨曰枸雍寨其在開弄枝者曰開弄寨曰公翁寨曰小梧



寨曰蛇場寨曰交馬寨曰上鵝寨曰麥茅寨曰楊家苑曰馬  
鞍山曰龍家苑曰平王寨曰擺龍寨曰華騷寨曰松直寨曰  
高車寨曰板蟲寨曰冗雷寨曰董報寨曰平寨其在歸善枝  
者曰打趾寨曰甘告寨曰簡譚寨曰革詐寨曰林秧寨曰擺  
月寨曰松章寨曰林謝寨曰林釜寨曰鬼山寨曰董敖代曰  
革詐寨曰撒撓弄曰貢寨曰孔詐寨其在梭把枝者曰羅家  
苑曰平寨曰那昂曰下谷斷曰革台寨曰上谷斷曰松枝寨  
曰革掃寨曰楓香寨曰下板蟲曰自首寨其在湖井枝者曰  
廣順州志

卷一

輿地志

八

思岡寨曰湖井曰馬頭山曰威遠曰阿昂寨曰擺貴寨曰革  
猛寨其在谷增枝者曰岩底寨曰大谷增曰冗翠曰猛北寨  
其在雞場枝者曰平寨曰乾河曰小寨曰阿栗寨其在猛昌  
枝者曰麥光曰馬厰壩曰瓦窯曰尅住曰顯明寨曰大麥播  
曰小麥播曰鶴子岩曰麥西壩曰獐猪寨曰平橋曰官墳山  
曰楊柳塘曰栗木曰羅根曰黃土橋曰墨綠

傍有墨  
綠橋

曰關口

寨曰海馬塘曰格浪壩曰新寨曰楊梅寨其在擺塘枝者曰  
擺塘場曰濫山曰大平山小平山曰打開沖曰大平子曰桂

角沖曰安波籠曰打扣寨曰猛角曰楊家寨曰何申寨曰擺  
筍曰擺魯寨曰令季寨曰大河寨曰革籬寨曰馬井曰牛角  
寨曰將軍山

山川

形勝 氣候 游觀附

廣順境內多山無名者不能紀紀其大者其鎮山曰白雲山  
在城東四十里層峰疊嶂如奔馬渴虹至此而止兩水在其  
左右山頂常有白雲覆之陰晴皆見山因以名相傳明建文  
帝常遯跡於此上有羅永菴一名白雲寺前有跪井一名跪

廣順州志

卷一

輿地志

九

勺泉汲者必跪始得

通志古蹟載跪井有恒雨不溢恒陽不  
涸時有雙鯉出沒其間出則雨沒則晴

其應不爽詳菴  
文徐宏祖游記

乃神龍所獻以飲帝者菴後巖畔又有流米

洞

詳菴文徐  
宏祖游記

流鹽洞以供帝膳帝去後卽止今石上猶有鹽

鹽形菴前有杉二株爲帝手所摩至杪絕無附枝田雯有白

雲山論

見菴  
文志

天台山在州南五十里相傳有黑白鹿往來其上吳中蕃有

黑鹿賦

見菴  
文志

上有方廣寺久圯

唐帽山在州東二十里在小程番長官司北又司東四里有

五魁山以形似名土人常避兵於此

天馬山在州城後端巖聳峙高於羣山相傳夜與保合山相合明金筑司署建於此

雙薦山在州東北山脈與天馬相連學宮建於山之陽

保合山在西門外上建關帝廟古木參天蒼蔚隱秀舊志稿載關帝廟有二此其一也

報捷山在州東南五里學宮當其前

玉屏山在州正東十里

廣順州志

卷一

輿地志

十

謝恩山在州東十里金筑土司襲職回登山望闕謝恩故名  
簸箕山在州東六十里

眞五山在州西相近有靈龜山

螺擁山在城東二十里有深淵四時不涸色碧如藍徐宏祖游記云白雲山初名螺擁山以建文君望白雲而登爲開山之祖遂以白雲名之一統志有螺擁之名謂山形如螺擁而不載建文遺蹟時猶諱言之也土人譌其名爲羅勇又譌羅永今山下有羅勇寨土人居羅勇而不知卽螺擁土人知

白雲而不知卽螺擁也

麓石山在州北十里

一統志上有洞相傳昔有人藏金器於其中人不敢取

王道巖在北門外係王道修鍊之所

雲臺山在城西南二十里峰高頂平孤卓如臺

雷打坡在廣順州北二里山石皆爲雷所擊故名

其水則有蜃洞在州東從仁里天生橋下石如蜂房蟹筐形狀奇異下有溪曰尤愛溪水出山腹中東折復入山腹瀉爲

瀑布注於濟番河

通志濟番河在府城西南三十里

廣順州志

卷一

輿地志

十一

乾溪在州南五里雨集成溪雨止則涸

虎洞在天生橋北有澄潭

南湖在州南門外源出於州西仕貴潭匯玉帶河小河雨水鏡朗淵渟與天馬山光相掩映康熙三十一年劉公築隄州之勝境也

九曲河卽玉帶河水由西北而南又折而北紆迴而南而東爲曲有九沿城一帶瀦澗曲折平靜深秀

聖水在州西來遠里之後半坡人汲則湧不汲則止

穿洞在州西來遠里之旁空玲蒼翠儼若飛雲游人罕至  
海馬洞在州西二里相傳見海馬自洞中出洞在路旁圓美  
可觀其水秋冬不涸

懸羊洞在州南十里內有石如羊倒懸亦謂弔羊洞

冒井在首善里馬林場水逢春夏湧甚遇晴必先清三日雨  
必先濁三日凡水湧時常獲魚數百斤康熙間有鄉民獲巨  
魚一尾帶一銀牌上刻雲南洱海四字

龍井在擺古寨土名百股井左右石龍椅各二中有清泉常

廣順州志

卷一

輿地志

三

湧不竭夏涼冬溫

龍泉在州東十里

福泉在州南故老云泉傍舊有降眞籐爲妖土人伐之建寺  
其上

犀牛潭在新盤井相傳有犀牛出現故名之

龍女井在擺老寨俗傳龍王女居焉石上有油壺梳篋等形

故名

四方河水入南明河

貴州通志在府城西南五里  
源出廣順州匯於南明河

一宿河在從仁里相傳明建文帝入白雲山時宿此又有洞曰一宿洞以帝宿至今無蚊

麻線河在城北二十里附晏斯盛水道記麻線河自廣順州經安平縣東南界東北流爲落陽河又東北至清鎮縣城西爲滴澄河又北與安順府東南之九溪河北界之三岔河谷龍河下流合而東北流來注之又有三湖水自脩文縣北流來注之又東左合白花箐水又東左合沙溪水有渡曰黃沙渡又東有羅傅大河自永寧縣東南過遵義府西南流來注之又東過脩文縣養龍司北是爲烏江今有渡曰烏江渡關曰烏江關黔蜀要津又東得刀靶水又東得養馬水又東至開州東北遵義府綏陽縣西南有渡曰茶山渡有水自桐梓縣西南徑正安州西至石子坡南過遵義府西南入湘水右合綏陽縣北之源溪水郎水傘水厚水南流來注之又有三江水自湄潭縣北合窄溪渡上關花

廣順州志

卷一

輿地志

三

水溪大洞溪湄溪馬渡溪角路溪大溪諸水從廢容山司至望浦合流北來注之又南有渡曰落汪渡右合渡口水又南有洗泥河水注之又東南至巖門有南明河水自西南來注之

南明河圖經南明河在貴陽府城南門外源出廣順州界東

北流徑府城至下流爲牛渡河至巴香合流入烏江附晏斯盛貴州

水道記南明河出貴陽府廣順州東北阿沙壩之龍潭合濟番河會一宿河尤愛溪上馬橋河四方河過白納司至府城西南左受黔靈山諸泉水及擇溪貫城河水東過府城南右得富水又東南得龍洞河黃泥哨牛渡口諸水東西箱子口刺平司迤北至巴香合平伐三岔河八字河所匯貴定縣城西之甕城河再過平越府西界之清水河一曰皮隴江者東北經開州東南由天星橋八吊口縣花渡而東北會於巖門巖門在開州東甕安餘慶二縣西北有渡曰巖門渡爲黔楚

蜀通津波流湍激合沓湖激固衆壑之關竅亦一川之樞要矣又東至龍泉縣西南有渡曰葛閃渡又東南有觀水高平水袁家渡水白厓河水匯爲江界河合餘慶縣之白泥河水佛山河北流來注之又東至桶口有水自餘慶縣東南界北流滿溪合石阡府之龍底河凱科江洋溪深溪樂回溪等水東北流注之又東爲三江口思石平遵通津也江楚商旅由銅仁陸行者多自此濟蜀賈鹽艘溯思南而上者亦多泊此其西有得勝關又東北有水自龍泉縣東南流來注之又東流過思南府城南是爲德江又東得鸚鵡溪水又有思邛水從邛江縣西北之朗溪流來注之又東過婺川縣東西有樂豐河得煎茶溪水登龍河水合洪渡河倒羊溪水東流來注之又東過婺川縣東北界而達涪州爲涪水通於蜀入於江唐史稱城樂縣西一百五十里有涪陵水方輿勝覽稱思州有巴江水者是也

夫白雲障其左保合環其右天台列其前天馬倚其後重岡

## 廣順州志

### 卷一

#### 輿地志

古

疊阜山廣箐深此州之形勝實貴陽之輔車諸苗叢集中要地也且其地界蜀粵冬不祁寒夏無盛暑多雨少晴田功之興雖遲於中土而果實之熟百蔬之成則較中土爲甚早

國朝治化覃敷二百年來民樂其業無遐逸豫然其山川雄秀嶽崎險峻天施地生匪由人力貴陽游觀之所不惟田氏所詳徐君所記足以資見聞卽覽志稿所存亦足見山嶽之鍾靈人文之秀逸已故附著於篇用資攬勝

天馬呈圖 州治之北高山特起莊嚴雄秀西南北三面諸

山拱揖環衛州城依之玉帶河曲繞其下匯湖於南天然圖畫也

靈龜獻瑞 州西南距城數百步有三阜相從宛如下水之狀其臨河一阜獨高圓而聳起古木參天上建關帝廟樓觀隱露於林竹間東對蒼聖閣文昌閣儼然畫意

南湖秋月 玉帶河清波潏洄至城南匯爲湖潏澹如鏡秋澄夜靜桂魄虛涵蒲藻漾紋於水面樓閣倒影於波心凭欄一觀飄然有凌雲之意氣

廣順州志

卷一

輿地志

五

墨綠煙霞 在玉帶河下游五里映青玉屏諸山之溪復由東南來環抱之蔚然深秀雨餘初霽煙霞掩映眞曠觀也東壁曉暉 玉帶河紆迴東去有山脈隱起迴障之南岸崛起土山上建先農壇山麓石色斑斕名龍爪磯北岸爲晏公隄奎閣高聳其上如砥柱曉輪初上霞采高鶩文物聲名皆兆諸此

西山夜合 州西門外隔河有山聳秀天馬山在其北嘗暮與相合蓋山脈自燕旗分布二支越十里許至此首尾相



顧其氣或相聚也自建通濟橋乃不復合至今猶以夜合  
名山

聖水調符 泉在州西五里水甘而冽淳蓄不滓人汲則湧  
不汲則止遇旱祈之多靈應舊名曰聖水與省志之聖泉  
同亦山川靈秀之所蘊也

雲峰留蹟 州東四十里萬山羅列環抱中峰深隱古木參  
天上有石洞天然一榻明建文帝瞻白雲而至止因以名  
山今朝暮間猶有白雲結蓋凝聚不散

廣順州志

卷一

輿地志

七

天臺仙鹿 州南三十里山延袤廣敞可數里衆峰羅列如  
樓觀之有平臺也舊有方廣寺先爲明建文帝所寓世傳  
有黑白二鹿往來其上人見之爲祥

玉屏擁翠 山在州東八里端正秀峙狀若屏風草木青蔥  
四時不改碧霞四照是爲東壁圖書

天橋壽雪 白雲山有水自山澎湃而出更有山阻之山腹  
關一洞如長虹亘天水從洞出巨浪奔騰噴珠漱玉遠觀  
之神爲恂恍水珠旁映白巖儼如飄雪

唐帽巍峩 州東三十里有山特起形若紗幘名曰唐帽近  
視之僅與羣山齊等遠觀則勢凌霄漢羣山爲之俯首  
右  
二景題詠  
皆見藝文

廣順州志卷二

食貨志

田賦

貴州田地自來無丈量頃畝每歲該納糧差俱於土官名下總行認納明宏治十五年如洪武年間例通省夏稅麥穀若干秋稅糧米若干萬曆六年貴陽思州鎮遠都勻等府有頃數若干見貴州通志廣順州則不可得而詳也明季兵燹之後民間無終歲之蓄我

廣順州志

卷二

食貨志

一

朝浩蕩之恩令天下滋生戶口永不加賦貴州軍伍屯田許民間占爲永業不取其值廣順秋糧一概折色正供之外無他賦焉

原額全熟田三萬二千三百二十九畝四分三釐一毫三絲八忽九微七塵五纖九渺

原額全熟折色米一千六十九石一斗七升二合八勺四圭一粒一粟該折色例充馬館銀五百三十四兩八錢六釐四毫二微五纖五渺

原額全徵條編鹽鈔門攤戶口食鹽銀一千五十一兩三錢  
九分五釐一毫八絲九忽三塵七纖六渺

以上通志乾隆四年徵收開載數

課程

原額全熟官莊賑田二十七畝該全徵本色倉斗穀二十七

石 康熙時未立學  
石學附定番州

今查原額四萬一千二百三十七畝荒蕪田三千七百四十  
八畝前奉撫院陳勸民開墾行查荒跡俱成瘠山礮壑不復  
田矣實在成熟田三萬七千四百八十畝

廣順州志

卷二

食貨志

二

額徵

原額折色米一千三百六十三石七斗五升六合七勺三撮  
一圭六粒七粟該折色例充馬館銀六百八十一兩八錢七  
分八釐三毫五絲一忽六微三塵三纖五渺田蕪無徵米一  
百二十三石九斗五升八勺二杪三撮八圭六粒八粟無徵  
折色例充馬館銀六十一兩九錢七分五釐四毫一絲一忽  
九微三塵四纖實有徵米一千二百三十九石八斗五合八  
勺七杪九撮三圭九粒九粟有徵折色例充馬館銀六百一

十九兩九錢二釐九毫三絲九忽六微九塵九纖五渺

原額條編鹽鈔門攤戶口食鹽銀一千三百四十兩一錢五

分四釐四毫一絲七忽二微四纖九渺田荒無徵銀一百二

十一兩七錢五分二釐四毫五絲九忽五微七塵九纖六渺

實在有徵銀一千二百一十九兩一釐九毫五絲七忽六微

二塵五纖三渺

原徵丁差銀一百五十七兩丁逃無徵銀三十八兩實在有

徵丁銀一百一十九兩

廣順州志

卷二

食貨志

三

一存留本州經費銀二十六兩四錢 表箋銀六兩 歷銀

二兩四錢 春秋祭祀銀九兩 春牛花鞭銀九兩

額徵地丁正銀一千七百一十二兩六錢四分五釐

官莊學莊丁銀

內在

隨徵地丁耗銀二百四十四兩八錢四分一釐七毫六絲

額徵官莊穀米豆

一額徵破籠莊租穀市斗二十四石

除撥支孤貧口糧外餘穀變賣解庫

一額徵孛羊莊租穀市斗九石六斗

一額徵毛粟寨聖莊穀市斗三十二石

變價銀二十  
八兩解庫

一額徵農田穀市斗六石

一額徵各廟柳犯穀市斗五石

以上共穀七十六石六斗

一額徵洪湯壩米市斗九石七斗七升

變價銀十兩零二  
錢一分七釐解庫

一額徵燕旗關官莊米市斗八石

一額徵巴毛哨官莊米市斗二石四斗

一額徵涼水營擺強官莊共米市斗三石八斗

廣順州志

卷二

食貨志

四

以上額徵米共二十三石九斗五升內除一十三石

五斗撥支孤貧口糧外所餘米石共變價銀四十七

兩二錢九分二釐解庫

一額徵熱水大壩大小高山平山官莊豆市斗共九石九斗

七升

一官莊應納地丁

正銀八兩四錢七分四釐  
耗銀一兩一錢八分六釐三毫六絲

內熟

解庫

原額設孤貧一十三名每名日給口糧米八合鹽柴銀五釐

俱係預行墊給奏銷後赴司請領還項道光十七年奉文額支加增二名所需口糧鹽柴現任自行墊給無領

積貯

一額貯常平倉穀一萬四千二百一十一石二斗三升九合二勺

一存貯溢額穀七百二十九石八斗

一存貯社倉穀二百二十一石二斗

一現任每年重農案內捐輸穀二石

廣順州志

卷二

食貨志

五

一農田穀一十五石

以上共穀一萬五千一百七十九石二斗三升九合

二勺 貴州通志舊載廣順州實貯穀四千五十石五斗二升重農穀一十八石 欽奉穀六石一斗

解支

一每年本州應領養廉銀六百兩赴司請領

一每年本州應領俸薪銀八十兩春夏二季地丁扣留坐支

秋冬二季赴司請領

一每年各役工食銀一百九十二兩春夏季地丁扣留坐支

秋冬赴司請領

一每年津貼銀三百兩按季赴司請領

一每年鋪夫役食米折銀約共除小建外計銀一百零八兩

閏月照加按季赴司請領

一奉撥清鎮縣秋糧米四百六十八石輓運州倉支廣順汛

兵糧按月付給

一每年儒學正應食俸工馬乾銀七十兩六錢六分六釐每

季領銀一十七兩六錢六分六釐五毫春夏季地丁扣留秋

廣順州志

卷二

食貨志

六

冬季赴司請領 訓導同

一每年吏目俸薪銀三十一兩五錢三分每季應銀七兩六

錢三分二釐五毫春夏季地丁扣留秋冬赴司請領

一每年地丁銀內扣留春鞭祭祀銀一十四兩除五兩發辦

春鞭外餘銀九兩春祭 山川社稷 文廟 文昌宮祭品

銀四兩五錢秋祭照發

一每年藉田穀市斗六石作倉斗一十五石除三石變價起

解藩庫存十二石以作祭 先農壇黍盛



一每年清明七月望日十月朔日祭厲壇係捐廉辦理無項  
開支

戶口

原額戶口一千一百一十九戶

原額人丁八千四百六十七丁內除七千六百八十二丁俱  
係苗狆原未審丁徵銀外止有流寓附籍本州額丁七百八  
十五丁內除節年清編抵補外尙逃亡人丁一百九十丁康  
熙三十五年編審實在徵差人丁五百九十五丁

廣順州志

卷二

食貨志

七

原額徵丁差銀一百五十七兩內除丁逃無徵銀三十八兩  
康熙三十五年編審實在有徵丁差銀一百一十九兩又三  
十五年至五十年增徵差人丁一十六丁康熙五十年編審  
實額徵差人丁六百一十一丁實額徵丁差銀一百二十二  
兩二錢又康熙五十五年至雍正九年編審新增  
盛世滋生人丁三百一十三丁永不加賦

長寨廳實額戶口一千六百三十七戶

今戶口原額一千一百一十九戶人丁原額八千四百六十

七丁內除七千六百八十二丁俱係苗狎原未審丁徵銀外  
止有流寓附籍本州額丁七百八十五丁內逃亡人丁一百  
九十丁舊徵差人五百十二丁康熙三十一年增二十七丁  
三十五年增五十六丁原徵丁銀一百五十七兩丁逃無徵  
銀三十八兩實在徵有丁銀一百一十九兩

嘉慶十七年奉文查造漢戶五千三百九十六戶男婦大小  
二萬八千五百六十九名口苗狎八千二百五十八戶男婦  
大小六萬七千四百六十五名口

廣順州志

卷二

食貨志

八

蠲卹

正供之數有經蠲卹之典必詳

聖世恩波洋溢往往偏隅下邑

賜予之數溢於輸賦廣順舊志稿

劉志

闕而不詳謹按通志載順

治以來蠲卹之數歷歷可稽雖通言一省而隸是省者胥被  
皇仁謹書之以志其盛庶後之續是志者加詳備焉

物產

廣順地巖而土瘠山多而水少無溝洫水利民田多資雨澤

故有雨師愛黔中之說山高箐深虧蔽日月一日之間乍寒乍暖百里之內此燠彼涼田功三月始犁四月播種五月插禾九月納稼東作稍遲則苗不茂夏初無雨則收必歉入秋有大風則秀不實謂之青空農民歲入除正供外恆不敷食所賴勤於種植漢民田亦多佃給熟苗種之以其完租無欺罔之習苗人雖尺壤必種無曠土無游民山坡隙地雜種燕麥苽麥水稗旱稗之屬以佐饔飧故民鮮隔歲之蓄其穀宜稻有紅殼糯牛毛糯老鴉糯數種須膏腴田始可種收成較晚用作酒極醇又用作饘食有米花米月穿絞各種亦精

廣順州志

卷二

食貨志

九

緻黏穀亦有紅黏白黏紫莖黏專作飯若作酒則味淡又有晚稻略似糯收亦較遲可作酒而遜於糯

宜麥有麥大麥燕麥數種又有三月黃宜苽麥秋種秋收又有苦苽小四月黃小麥最後五月乃登

秋宜芝麻宜蘆稜一名高糧宜玉粟一名玉麥一名玉蘆俗收一名蜀麥稱陸穀北方呼為棒子

江南呼為芭蘆似蘆稜而肥矮六七月頂上作花穗如秕麥每節出苞白皮包裹皮中含棒本粗末細粒攢上整密成行

大如榴子有黃白紅紫四色或蒸或炒或磨宜薏苡宜菽有為糜賴以濟荒墾山種植常接畛連畦焉

豆小豆黑豆綠豆赤豆白豆豇豆扁豆四季豆名穉豆者即黑小豆也雜稼宜藍宜菸俗呼為

下種莖高尺許粗大者如杯本似白菘而葉大數倍六七月抽莖開花如杯而小圓而無瓣有五尖淡紅色結實大如指

頂黃白色蒂下有蓋似燈籠草實而小底平圓末銳狀如雞心中空作柱柱上黏細子如蠶砂土人取其葉曬乾加菜子

油其嫩者 其蔬宜菜 有數種油菜以收子青菜四 宜蘿荷 有

紅青數種又 宜番椒 俗名大椒 宜薑宜葱宜蒜宜芥 有青紫 有胡蘿荷 又名辣子 宜薑宜葱宜蒜宜芥 白數種

宜韭宜薑宜蔓青宜芹宜苧香宜苧蒿宜菠宜葛宜苣

又有野生 宜山藥宜諸宜芋宜木耳宜雞縱 有紫白二種紫 者曰野苧 宜山藥宜諸宜芋宜木耳宜雞縱 者不可食初秋

生蔓草中始奮如笠既如蓋漸則紛披如雞羽故曰雞縱以 其從土中出故曰縱蒸食甚美然不可多得不如瀆產之廣

田雲黔書云惟紫者可茹白者能傷人蓋誤雞縱少紫者間 有之人不食白者多而味極佳蒸煮皆宜雖天花及鮮口糜

皆不能及唯同時有山蕈五色皆備較雞縱多而賤僅如杯 大味亦甘美然多毒各色皆然亦不止白者能傷人也丁樟

有說見 宜香蕈宜筍宜馬藍宜薺宜蕨 俗名魚 宜蕨 生山地 雜記 宜香蕈宜筍宜馬藍宜薺宜蕨 腥草 宜蕨 中白者

廣順州志 卷二 食貨志 十

為薇紫者為蕨善治之可食 宜繁纓 俗名鵝兒腸 宜雞腿根 根濾為粉荒歲賴以救饑 又有雞腸草

根如初生細蘿蔔根其 宜胡椒菜 一名焐菜一名辣米菜 其 肉白色拔取食之味甘 野人連根食之味辛辣 其

蔬宜瓜 王瓜冬瓜 宜瓠宜茄其果宜桃宜李宜杏宜梨 其種 不一 番瓜絲瓜

以棠梨桑樹接之乃佳自北 宜山梨 一名穉野梨也 而來者名秋白紫酥二種 大如杏味甘 宜林檎

宜花紅宜柿宜櫻桃宜枇杷宜石榴宜粟 又有小粟生於山 是處皆有之高

二尺實大於 宜核桃宜葡萄宜薺 俗名土栗 宜慈菰其木 蠶豆亦佳

宜松宜柏宜杉宜梓宜楸宜油桐 收子作油入漆及油 器物船為時所需 宜梧

桐宜椿宜樗 農桑輯要材密而葉香者為椿材疎而葉臭者 為樗今土人統名為椿率皆樗也不值而自生

且易長數歲輒連抱其材並不中爨宜楓宜漆宜阜筴宜柳宜檉俗名觀音柳

宜楊宜棠梨宜木瓜宜櫻宜桑宜楮俗名紙皮樹宜蠟樹最易長凌冬不凋

立夏前後取蠟蟲之種裏置樹上半月其蟲化出造成白蠟通雅云江南北放蠟者曰水蠟樹種之池塘隄上根可以

固宜冬青俗名凍青經冬不凋五月開白花又有一種葉似女貞而微圓結子紅色即本草之冬青宜椒

俗名花椒其竹宜金竹宜綿竹大者可作輜桿又有苦竹刺竹水竹紫竹其花宜梅宜

山茶花大如盤有紅白紫三種宜望春一名玉蘭宜海棠有鐵梗西府垂

絲三種地近蜀故尤多宜山礬宜繡毬宜桂宜芙蓉宜木槿宜梔子宜

紫薇宜迎春宜薔薇宜十姊妹花似薔薇一蒂十花其七枝者曰七姊妹宜茶藤

廣順州志 卷二 食貨志 十一

宜木香宜月季宜牡丹宜芍藥宜葵宜六月菊宜雞冠宜玉簪宜鳳仙宜觀音蓮高四五尺葉大如芋抽莖開花大如碧蓮花其中有長蕊形如觀音佛像故名

宜映山紅一名杜鵑一名躑躅宜萱宜芭蕉宜蘭出天馬山見藝文志續黔書其菜

宜麻宜苧其草宜虎耳草宜仙人掌宜羊桃宜葛蒲又有石菖蒲

宜萍宜蘋宜荇宜藻惟長壽草則天馬山所獨有者見藝文志續黔書其藥宜黃精宜前胡宜車前宜忍冬宜枸杞宜茯苓宜紫

草宜苦參宜夏枯草宜半夏宜牛蒡宜貫仲宜劉寄奴宜何首烏宜雄黃宜天南星宜桔梗宜葶藶宜五靈脂宜天門冬

宜黃柏宜谷精草宜益母草宜雞冠蘇宜香附宜牛膝宜郁

李仁宜常山宜蒼耳子宜地榆宜白芨宜白薇宜續斷宜天

麻宜勾藤宜青蒿宜無名異宜地錦宜棗棠宜冬葵宜天葵

宜瞿麥宜瓜蒌宜木通宜荊芥宜五味子宜地骨皮宜麥門

冬宜山慈菘宜陳皮宜青皮宜枳殼宜厚樸宜豨薟草其羽

毛鱗介之屬則有鳧雁鴛鴦鷺鷥鸕鶿鴨雞雉翟鷓鴣秧雞

竹雞鴟一名伯勞鶉鴝俗名綠脰蝙蝠俗名鹽老鼠其糞燕

鴟鴞布穀杜鵑鶯畫眉山和尚大如鵲淡灰色翅尾皆黑略

廣順州志 卷二 食貨志 三

人言又有烏略相似或以為即練雀白頭翁鶉鴝俗名八哥青鵲俗名四喜鴛一名啄木鳥

慈烏一名老鴉鴉一名老鴉鷹鷂皆與他處略同唯發科鳥鳴後於

布穀風物記云凡鄉會試之年其鳴於某方不已則某方中

式者必多但不恒經見至若虎狼豺鹿狸兔糞為望月沙入藥麋麝

亦有之而馬牛犬豕之類並與他處同水族則有鯉鱖鱗鱖

蝦蟹蠃蚌之屬蜂蝶蟬螢俗名楊癩子蛇蚓蟻皆恒有者食物

則有山園之茶俗名叢茶家釀之醋貨於他省者惟紙一名皮紙以其棉結

經久異於南紙以楮皮為之出翁貴者為上擺所次之狗場營又次之與油與石灰而已

廣順州志卷三

營建志

廣順初無城郭天馬山之陽舊有土城基臨玉帶河有街分上中下而三上卽西門中卽南門下卽東門東門之外小街而北爲北關崇禎二年知州李紹沆請建城工未竣格於都司陳謙之議改建於玉帶河之對岸名曰新城於是州志爲舊城而新城駐分防千總

北關在小街之外康熙四十六年州牧張承明捐貲建地係廣順州志

卷三

營建志

一

荒郊羣盜出入自建關後移民二十餘戶居之戶給銀一兩民賴無恐近爲場地烟戶日稠逢卯日集

土地關在南門正南五里

白崖關在州東十五里又東五里有翁桂關

乾溪關在州西四十里又西五里有文馬關

燕旗關在州北十三里

一統志作  
燕溪關

石燕關在州東北十里道光十一年州紳但明倫議建設汛

駐兵防苗匪行旅便之

但明倫石燕關設汛記  
關距州治  
十里山高谷幽紆迴盤曲大道出其

巔遇大風雨土中出石狀如燕因以名關西來自關口村入谷二里許始達於關由關而東將三里爲牛了營其間寂無人居地甚幽僻關之北麓有河河之外有村皆犛苗居屬於安順府鎮寧州以故商旅之出於是關者往往被劫卽渡河去雖控於州而州隔屬不能拘拏人必以公贖關鎮寧州距鎮二百里迨鎮簽差緝拏不惟犯已遠颺而贖亦早銷滅矣案難破盜風因之不戢余爲諸生時耳聞之熟嘗切恨之辛卯夏守制回籍至牛了營卽聞午間有孤商被劫事爲之請於州力治之余以爲必於關設汛乃能塞盜之源商之營而營以添汛非所得專爲辭維時吾黔廉訪爲雲南李復齋先生夙知先生愛民切而任事誠爰而述其害以請先生奮然起力陳於撫軍撫軍亦以余言爲是而咨之提督軍門於是從余所議撥閩冗之汛兵數名移住於關而汛設焉時代理州牧爲貳尹張公清泰與余籌資建兵房暨界牌購地若干畝以資兵食工甫竣余卽起復北上後有自吾鄉來者問之曰自此地設汛後行李往來雖夜行無戒心前日之畏途今

廣順州志

卷三

營建志

二

日已成康莊蓋盜賊之源已清其流不塞而自止所謂以宜治衆以逸治勞用力少而成功多矣余聞之竊慰爰書此以誌其顛末且不忘廉訪及貳尹之德云

劉公隄在南湖上康熙三十一年冬州牧劉元軾築以壅水灌田士民戴德因以名隄

新隄在文昌閣下康熙四十七年州牧張承明捐貲築四時水常盈兩岸田皆資灌溉

橋梁

迴龍橋跨南湖上康熙三十一年建乾隆四十六年重建



望東橋在州南三十五里之栗木山

安瀾橋在州南七十里之狗場

龍昌橋在州東

馬橋在州東三里

平橋在州東北

孟城橋在西門外

通濟橋在西門外

墨綠橋在州東五里

廣順州志

卷三

營建志

三

文昌橋在新隄上康熙三十二年建鎖兩城水口乾隆四十五年士民重建

永固橋在州南三十里忠順里向寨

長春橋在州南三十五里大河寨

留雲橋在州南四十里尅細寨

永安橋在州南三十里猛坑

廨署

州署在上中街之間倚天馬山創建於明萬厯三十九年

國朝康熙四年州牧韓之屏修之

韓之屏重修廣順州署碑記  
仕之莅其地也則治其民

食其食也則敬其事舉凡力之能為時之得為者固不盡心焉卽力所不能為時所不得為者亦必婉曲以求成焉曰吾之職如是遑計其他不且暮視之卽不急而置之力可為而不為時得為而不為豈莅官之道乎廣順之為州幾六十年矣割金筑而城之張官置吏有井有閭有庾有廩簿籍勾稽歲時伏臘匪朝匪夕癸卯冬余奉牧茲土入署而敝椽半厦上雨旁風曾葺屋之不若不惟外不足以具觀型而內並無以安寢處余萬不得已因捐資減俸鳩工庀材自頭門儀門以迄敷政之堂退食之廳宴息之所辦事之房迎賓之館后土之祠無不取而締造之或土或石不墜不丹取其易就而能堅州於是乎有署匪曰希美聊以蔽風雨也或有告於余曰此郵傳烏用是勞費為余應之曰唯唯否否光陰者百代之過客計人一生何地非逆旅何日非卽次獨衙舍云乎哉郭有道每寓人宅必為之灑掃而後去況儼然奉 天子

廣順州志

卷三

營建志

四

命專治一邦為夷漢司命顧乃等皇堂於邸儻薄三年為信宿乎且夫振頓乾坤掃除天下大丈夫志也撫茲邊荒一身猶不能庇何有於天下哉余豈不知民力堪念費費可省得已詎不欲已正不敢以苟且之意郵傳其地旦暮其民不急其務以殫其職免譏於昔賢耳工始於甲辰 後重修者康熙之春訖於乙巳之冬因書一言以記其日月

四十七年州牧張承明道光二十三年署州牧金臺

學正署州牧孟衍泗建於明倫堂後乾隆二十年訓導

康熙四十年

三年添設訓導

蕭亮增廣之四十年合學生公捐重修

文廟乃於

節孝祠後建訓導署先是訓導莅任居義學學舍至是始有

署

貴州同知署舊在府新城內後改爲通判署卽以通判署爲同知署

國朝雍正五年移建今地

吏目署在州署東乾隆四十年吏目裴廷相請修之

守備署在中街

分防千總署在新城駐防兵舊有石城自南而東爲南場逢申日集交易米鹽油布等物不尙珍奇之貨

長寨營參將署

廣順州志

卷三

營建志

五

守備署俱在長寨城內

國朝雍正五年建其定廣協守備分防廣順未幾移駐定番州嘉慶六年巡撫覺羅琅玕題奏新設守備一員外委三名始建守備署於獅子壩

分防千總署在新城內原爲守備署今以千總輪流防汛因守備移駐定番今爲千總所居詳苗防

倉廩

倉廩在州署內凡八座座各五間

分編元亨利貞廣裕新各字號

壇廟 寺觀附

社稷壇卽先農壇在州東玉帶河南岸土山上山下石色斑  
爛名龍爪磯其北岸名晏公隄

風雲雷雨山川壇在州東春秋上戊祭社稷壇耕藉則州官  
率耆老農夫祀先農風雲雷雨山川壇春秋仲月上日合城  
隍神祭之歲四月上雩則合風雲雷雨山川城隍先農祭於  
社稷壇

邑厲壇在城西歲以清明節七月望日十月朔日守土官先

廣順州志

卷三

營建志

六

期詣城隍廟以祭厲告而城隍無專祀

關帝廟有二一在州西南保合山後有殿三楹祀帝三代一  
在新城之南場歲春秋仲及五月十三致祭皆在保合山

文昌閣在城東南乾隆五年合學捐修嘉慶六年奉文照關

帝廟例致祭增祀三代設木主於後殿

韓之屏文昌閣碑記  
山莫尚於朝揖水

莫尚於纒環大海之濱旋九州黃河之曲聚千里此扶輿之  
秀未可以爲非榦語也然勢雖不同理則無二黔山國也固  
無水卽有之亦涓涓瑣瑣流物以少爲貴黔之貴固在水州治  
之東去城里許一綫徑奔往而不返識者以爲地瘠民單人  
文寥落職此之由丁未之冬州人請於余謀所以補其缺而  
所以救其失者乃用形家言相度陰陽各捐所有爲閣三層

上祀奎神中祀文昌又前殿三楹以祀白衣大士左右廊房以居僧旣成而總標之爲文昌閣予惟天文文昌六星一日上將大將軍建威武二曰次將尙書正左右三曰貴相大常理文緒四曰司祿司中司勅賞功進爵五曰司命司怪太史主減咎六曰司寇大理佐治理此天之六府離宮主集計大道故一名東壁又名紫極光色明潤大小均齊則天瑞臻百職理天官之書可考而知也世之人習諗夫化書之說以梓潼應之謂其奎俱主圖書司祿命而白衣大士實送子毋乃得其似而妄焉者乎夫曰中亞子靈爽在天祀固應耳今以尸戴筐而匹形履豈其實與且如似續允祚高媒職也普陀靜業安能僕僕爲人卽甚慈仁何煩躬捧誕也願吾思天下事有固不有無亦非無枝傳卯視率由於想氣之所至理亦至焉然而將相祿命悉本文昌今宇宙文明亦已久矣獨西南一隅其光始且而金筑之夜氣猶蒙微第所少者水所貴者水而已余旣取學宮而新之又合衆力而築斯宮幾揭日月於中天觀人文之化成爲虎爲豹炳如蔚如是則禱祠意

廣順州志

卷三

營建志

七

也若曰障百川而東之迴狂瀾於旣倒與川谷爭能均調絜勝豈敢哉

忠義祠在文昌閣之右

節孝祠在學宮之左以上皆載在祀典此外爲民建者則有

城皇廟

萬壽寺

川主廟

萬壽宮

倉聖閣

但明倫建倉聖閣碑

記 倉聖造字文運肇開士之列膠庠者崇廟而禱祠之以隆報本義至重也吾邑舊有祠在晏公隄之東南隅廟僅三楹禮儀未具不足以妥聖靈道光辛卯余回籍守制適同學諸君子議收焚字紙欲於迎薰門外之右建立字藏余答之曰此地狹小而污穢焚字紙須寬敞高潔之處南湖東岸有田數畝地居異方乃文明之地此其所也先是此田屬於五顯廟僧私典於川主廟而川主廟之僧又不能守遂棄而爲堆積瓦礫之場歷年已久屹立如山里中無賴子復沿隄蓋

屋類多宰殺牛馬或羣聚賭博爲藏垢納污之所邑倚山帶河玉川環繞而匯於南曰南湖水光山色激澗淵涵爲邑之文風所係自此處污穢久積湖亦淤填余旣倡捐濬湖復約同人如寺僧所典之值輟轉贖之又田鄰爲武生謝氏田說之讓出若干丈掃除舊積復堅築之使固乃鳩工庀材爲傑閣正殿三楹左右廂各三楹前立影牆牆外建字藏而鏡其頂面挹西山之朝爽後托奎閣之曉暉右倚天馬之高峰左抱梵宮之峻塔俯臨湖光朗如明鏡新舊城中隔一水以此氣脈亦通工始於道光壬辰秋同志捐辦僅得十分之一余以是年冬起復北上命長子鍾良獨任之以蕝其事閣成拾廢棄字紙焚於藏招僧司香火而董其事定春秋享祀之禮庶幾倉聖之靈來止來歆咸展報本之忱吾邑文風蒸蒸日上亦於此卜之

玉皇閣 倉聖宮 觀音閣 黑神廟 五

顯廟城外則有關帝廟 來遠 觀音寺 麥 報本菴 榜 清雲寺 格

廣順州志 卷三 營建志 八

寨 觀音寺 忠順里 關帝廟 太平里 關帝廟 麻線河 萬壽宮 文昌

宮 觀音寺 川主廟 以上諸廟俱在雞場枝威遠 觀音洞 歸善枝 城隍

廟 谷增枝 黑神廟 長治里 關帝廟 長治 關帝廟 長治里 觀音

寺 長治里 文昌閣 歸德 龍王廟 歸德 關帝廟 歸德 回龍寺 歸德

里翁 龍泉寺 久安 文昌閣 久安 法華寺 久安 高風寺 久安

樓 回龍寺 久安 鳳鳴寺 久安 觀音洞 首善 萬壽寺 首善

東有萬壽寺寺有建文帝 斗母閣 從仁 鳳山寺 從仁 關帝廟

遺像今惟白雲山有之

從仁 觀音寺 從仁 回龍寺 歸德里

里 翁貴

廣順州志卷四

學校志

廣順學初附於定番州明崇禎十三年知州柏福兆詳建文廟三楹并無牆垣在州城今城隍廟之側

國朝康熙六年州牧韓之屏捐貲重修

先師殿並兩廡六楹大成門三間牆垣初備三十五年州牧項蕙重修是年州牧劉元軾遷於城北之周家山辛山乙向三十八年巡撫王燕題請設學建文廟明倫堂節孝祠於城

廣順州志

卷四

學校志

一

東北隅四十年州牧馬光裕領帑三百兩增啟聖祠三楹明倫堂三楹大成門五楹櫺星門石柱泮池甬道照壁周以垣牆巡撫王燕題請立豐碑一

御製先師贊碑一四配贊碑一騰蛟起鳳二門雍正二年重修櫺星門以木爲之雍正五年奉

敕部議定褒叔梁公以上五代王爵易啟聖祠爲崇聖宮道光元年州牧李于垣勸捐重修正殿五楹敬懸

列聖及

今上頒額祭器祭儀樂舞樂章一如制

陳熙晉重修廣順州儒學記 廣順於元爲金筑府

屬古瑛一縣故縣城在今州南一百里明洪武初陞全筑長官司爲安撫司萬厯年間遂改爲州隸於貴陽府然未有學校我朝康熙三十八年始立州學今且絃歌盈耳撥巍科而躋顯仕者後先相望矣蓋國家興學重道之意遠軼前代而其效至深遠也道光六年春熙晉來攝州篆祇謁先聖廟見其規模略備尙未完竣詢諸紳耆蓋自道光元年前署州李公子垣創率其事輒以工費不繼中止夫學校治本也化民成俗之事將於是在而不思相與有成可乎爰進州之人謀所以落成之咸屛勉襄事殿廡門垣艷赫端嚴丹漆黝堊率度惟謹越數月而訖工合前後所費凡二千金有奇復創捐田若干畝以備公費於是躬率諸生行釋菜禮觀者咨嗟罔或不恪黔自漢尹道真遠從許叔重受五經又師事應世叔學圖緯通三才官歷尙書承郎荊州刺史於是南域始知學暨明王文成公以驛吏來黔講明良知之旨今

### 廣順州志

#### 卷四

學校志

二

所傳示龍場諸生條教學者奉爲瓠規諸生當稽古右文之世誦說先儒踐履實行處而修之於家則務爲孝弟廉讓之實出而膺公卿之選則必思有益於天下國家之重以仰答聖朝之治化者宜何如振勵歟是役也修正殿皆蔣氏獨任之州人皆踴躍出金有差經理其事者則進士金鼎梅貢生何澹金溪生員蔣紹周吳振熊謝恩榮蔣爾秀吳玉成周良弼姜元周監生吳潤蔣溢職員但樸吳俊十四人也是爲記

### 學額

歲試取進文生八名武生八名科試取進文生八名廩生三

十名三年兩貢遇有

恩典以正貢作

恩貢以次貢

作正貢選拔十二年貢一人



廩餼

廩糧因廣順無秋徵糧米由儒學印給執照赴清鎮縣倉支給

學田

學正 過多田一分租穀二石五斗 思京田一分租穀七斗二升 花惹田一分租穀一石二斗 改瑤場田一分租穀一石六斗 改瑤寨田一分租穀二石 老化街地租黃豆五斗納條銀一兩五錢

廣順州志

卷四

學校志

三

訓導 農田廟田一分租穀二石四斗 思京寨田一分租穀七斗六升 保和營田一分租穀七斗二升 羅湧寨田一分租穀九斗 擺雅寨田一分租穀七斗二升 擺雅寨田一分租穀二石七斗二升 弩牙寨田一分租穀三斗六升 老化街地租豆五斗納條銀一兩五錢

書院

廣陽書院乾隆三十年州牧孟衍泗創建嘉慶元年州牧鄧德佩重修城鄉捐助膏火計田租一百五十四石地租稗三

石五斗

計開捐助田地

但樵捐地基一所 蔣世治青龍榜田租三十石 鄭起雲  
麥播田租五石 甘邦重下麥光田租二石六斗 吳與班  
蔣維英墨綠田租二石 熊志名關口寨田租八斗 傅國  
用大蘆壩田租七石 劉紹藩小河坎田租四石 寇維翰  
乾運溝田租二石 李有蘭劉紹藩馬橋田租二石 劉紹  
藩來遠里地租一斗 陳王四宗角寨地租七斗 金湯德  
廣順州志

卷四

學校志

四

石灰坡地租三斗 何富隆揀銀關地租三斗

捐銀

周樂善銀一百二十兩 傅體元銀一百兩 鄒錕銀一百  
兩 寇安仁銀二十兩 但明倫捐銀一千兩

以上捐銀並歷年賣穀稗銀所買田地租數開列於左

墨底田一石租十八石 三汊河田二斗七升租十石 墨

綠上壩田二斗租八石 大蘆壩田三斗租八石 紅室塘

田二斗五升租五石五斗 鵝榜田三斗五升租八石 馬

橋田二斗租五石 墨綠壩兩格田二斗租四石二斗 管  
驛田一斗五升租四石五斗 榜綠田三斗租七石五斗  
後頭壩田三斗五升租十二石 白虎山寨門首田三升租  
八斗 麥西壩田一斗租二石 八耳洞田一斗租二石  
石灰坡大地一塊童家田地一塊共租稗八斗 管驛地一  
段窩子冲地一段共租稗一石五斗

以上均照書院碑刻經辦人蔣淮鄒承孔蔣玉魁

義學

廣順州志

卷四

學校志

五

義學在城東門內康熙四十二年巡撫于準請建四十五年  
御書文教遐宣匾額頒發貴州以示鼓勵敬懸講堂後移匾於明倫

堂而義學遂廢州紳但明倫於五顯廟延師設塾十餘年道

光二十六年復捐貲以備經費仍復故址

但明倫義學記  
吾鄉義學向有

御頌文教遐宣匾額後移於明倫堂而義學遂廢於其  
舊址蓋房取租以助廣陽書院膏火然義學所以教無力延  
師之幼童與書院相爲表裏未可竟廢也余自道光十一年  
捐貲延師設塾於五顯廟至今已十餘年矣然塾舍藉於僧  
舍捐資終非定費久久行之必將廢棄余心竊慮之況書院  
雖經前同學諸君子捐有土田取其租穀以供延請山長脩  
脯之資其數甚微亦恐力不能支而卒歸於廢記曰有其舉  
之莫敢廢也又曰有基勿壞前人之善舉端賴繼起者踵而

成之繼長增高吾黨之責願此失彼前事可追今自捐銀一千兩於書院交董事諸公置買田地俾助脩脯膏火之不足卽於此項租穀中每年撥出二十石爲義學公用並於義學舊址所蓋舖房二所中撥出一所爲義學教讀定處每年熟師脩脯穀十七石雇看役常住後院專司啟閉給工食穀三十石統於撥出書院穀二十石內支銷其塾舍中間一室仍敬慕御書文教遐宣匾額懸掛以復舊制工竣勒碑於書院此爲序

附卷資捐田記

吾州自前明萬厯四十年改土歸流未嘗建學其考試皆附於定番州

國朝康熙三十八年巡撫王公燾題請設學始定學額馮每歲科試卷例由州禮書辦理其紙張刷印之資不列支款正場試卷向由儒學造送其招覆之卷則木童給資禮書印造所費甚微詎意日久獎生禮書重索居奇凡前列者或索五六百文七八百文不等甚有索至

廣順州志

卷四

學校志

六

二三千文者本童志在進取不得不勉力相償其在素封之家猶易易耳若在寒士力不能酬者多因此致阻既不能禁禮書之索求卽不能免童生之屈抑數十年來遂成積習明經文儀軒鳳翔先生謀於衆曰刻制禮書卷價非平情也偶贈童生卷資非久計也乃於道光二十二年獨捐銀四百兩置田若干將田租二十石無論豐歉劃定每年變價折銀一十六兩凡遇歲料試之年分於州試府試時兩次給發禮書印造試卷無考試之年將租穀存公以備通融辦理儲爲後日資興之用請於州尊章公燕貽存案並通詳巡撫部院賀公長齡批示擇本州紳士中明白公正者妥爲辦理會章公移署安南代理金公臺下車卽邀山長金鶴臯鼎壽先生但子駿鍾良太史並首士胡竹友古春齋長謝錦邨龍標等合學公議章程開具清冊詳請在案自此以後試卷仍由禮書印造工價既有所出不得多索居奇與考者無論富貧皆爲備卷不得阻其進取之志文君是

舉可不謂之善乎惟是事以得人乃理經始未嘗不料  
酌得宜假使易時生弊不惟負儀軒先生之盛心亦適  
足以滋一州與試者之害故勒諸  
石以告來者毋侵蝕毋廢墜云爾

廣順州志卷五

武備志

廣順自明季開置有大鎮衛守兵以千計安酋作亂水西支  
孽也陷廣順貴陽以西數千里皆爲賊有經三帥始定

王三善闕

夢得朱

廣順之兵調遣水西

國初疊次用兵雍正四年因凶苗阿棍阿撈阿搗勾結川販李  
奇等滋事經總督高其倬巡撫石禮哈勦撫平定題請設貴  
陽同知一員參將一員守備一員千總二員把總四員外委

廣順州志

卷五

武備志

一

四員額外三員馬步兵丁六百十名此設長寨營之始又於  
嘉慶五年六月內因廣順州青苗不法經總督書○巡撫琅  
玕會奏長寨營廣順汛原設僅千總一員外委一員兵丁七  
十四名不足防範請裁撥都勻協守備一員外委二員提標  
馬步戰守兵一百名威寧鎮標兵五十名移駐廣順分爲右  
軍以資彈壓

兵制

長寨營參將一員

守備二員

原設一員嘉慶五年都勻撥歸一員

千總二員

把總四員 外委六員

原設四員嘉慶五年都勻撥歸二員

額外三員

馬步戰守兵六百九十九名八防十一汛安設二十六塘

右軍守備一員 千總一員 把總二員 外委三員 額

外一員 馬步戰守兵三百五十四名分防四汛安設十

四塘除留營分汛外實在廣順戰守兵一百七十七名

附定廣協兵制

定廣協副將一員 都司一員 守備一員 千總四

員 把總八員

廣順州志

卷五

武備志

二

制兵一千名內馬戰兵一百名步戰兵四百名守兵五

百名

原設兵九百名 康熙二十四年裁兵二百四十名 雍正十三年添兵一百四十名 乾隆二年

添兵二百名

分駐大塘守備一員千總一員把總二員兵三百名

分防威遠汛把總一員兵五十名

分防斷杉樹汛千總一員兵六十名

分防明通關汛把總一員兵五十名

分防青藤汛兵四十九名

分防改窯汛兵二十五名

分防大華汛兵十名

分防方番汛把總一員兵三十五名

分防下壩汛兵十五名

分防青巖汛兵十名

安設各塘兵十名

存駐定番州副將一員都司一員千總二員把總三員

兵三百八十六名

廣順州志

卷五

武備志

三

營汛

長寨營十一汛

分防廣順汛千總一員兵八十名

分防壩場汛千總一員兵八十名

分防宗角汛把總一員兵六十名

分防羊角汛把總一員兵八十名

分防同筍汛把總一員兵四十名

分防打壤汛兵三十名



分防羊城壘汛兵二十名

分防焦山汛兵四十名

分防遮貢汛兵三十名

安設各塘兵十名

存駐長寨營參將一員守備一員把總一員除分汛外駐

長寨兵三百名

右軍四汛

分防廣順汛兵七十四名

廣順州志

卷五

武備志

四

分防宗角汛右哨頭司把總一員兵三十六名

分防羊角汛右哨二司把總一員兵四十六名

分防遮貢汛額外委把總一員兵十四名

此汛無塘撥因係州南僻

道距營五里距廣

順州六十二里

右軍十四塘

平寨塘兵三名

巴茅哨塘兵三名

保和營塘兵三名

右三塘係東大路與定廣協之分防改窩汛接壤距廣順城三十里

燕旗堡塘兵三名 係西僻鄉村小道距廣順城二十五里

高寨塘兵五名

响水塘兵三名

水橋塘兵三名

右三塘係西大路與安順城守營分防舊州汛接壤距廣順城四十里

董紀塘兵五名 塘係東僻小路距城五里

新設石燕關塘兵四名 前任廣順州知州嚴於道光十二年四月詳請安設係東大路直抵

廣順州志

卷五

武備志

五

省城百里距廣順城十里

尅細塘兵三名

沙子關塘兵三名

深井塘兵三名

官地塘兵三名

賴皮河塘兵三名

右五塘係南大路直抵本營距廣順城三十餘里屬右軍分防宗角汛內

谷隆關塘兵十五名

平寨塘兵三名

係南大路距本營十五里距廣順城七十里與定廣協分防威遠汛之木姥墳接

壤係右軍分防羊角汛內

道光二十年奉

旨減裁廣順兵丁二十名撥補仁懷營分溫水

又於二十二年四月抽裁左右兩軍馬步戰守兵丁七名移撥天津

俸餉

官兵俸餉每年請領銀一萬二千二百四十一兩八錢四分

廣順州志

卷五

武備志

六

春冬每季請領銀三千一百三兩一錢七分一釐

夏秋每季請領銀三千一十七兩七錢三分一釐

官弁養廉每年請領銀一千六百八兩每季請領銀四百二

兩營中有定款公費每季請領

每年春季領銀一十二兩九錢七分

夏季領銀八十六兩三錢六分

秋季領銀八十九兩七錢六分九釐

冬季領銀四十五兩七錢四分六釐

有定款紅白卹賞每季領銀五十三兩八錢六釐

朋銀每季領銀五十三兩八錢六釐

積貯銀七百五十一兩七錢五釐

銀牌春季冬季領七十五面 夏季秋季領七十五面

道光二十三年添設民壯之外召募土兵十名勤加訓練遇有營中老弱汰除及事故兵丁出缺卽於召募兵丁內選其

精銳者隨時收置營伍頂補名糧

一貴州省廣順州添駐兵一百五十名

內撥威寧鎮兵五十名提標兵一百名

廣順州志

卷五

武備志

七

無閏之年應需月糧米五百四十石在於清鎮縣徵收秋糧餘米內撥運供支遇閏應支月糧除扣存每年小建糧米溢支外不敷米石照廣順州秋收中米糧價動支道庫銀兩並給其水城廳原供威寧鎮兵米一百八十石普定縣原供標兵米三百五十餘石令該二廳縣照例變價解道撥用均

按年報部核銷

道光二年戶部則例

教場

教場設於南門外格浪壩演武廳三間將臺一座州試武堂

騎射亦在此

附苗防

禹貢紀要荒曰揆文教奮武衛聖人用戒不虞之義大矣苗性獷悍其地僻陋七旬來格三年克之方叔之伐文侯之擊三代已然迨至秦略黔地而置郡漢平南夷以通道伊古以來西南夷用兵之事史不絕書今日之黔東則楚西則滇北則川南則粵腹心之寄咽喉之要廣順去省垣百里地近苗疆元明以來諸苗叛服不常

廣順州志

卷五

武備志

八

負隅阻化自取窮屠我

國家平定苗疆勦撫並用漸次懷來矣凡歷年征討之略詳記於篇其無與斯土者不錄

至正十七年招諭羅氏鬼國十月伐亦奚不辭降之

亦奚不辭以病遣其子入覲不許帝曰亦奚不辭不以稟命輒以其職授其子子無人臣禮宜令亦奚不辭出軍乃還二十年討平九溪十八洞定其地立州縣聽順元

宣慰司節制二十一年討九溪十八洞平之元貞元年始於黔中置屯戍

明嘉靖三十一年金竹賊阿季叛官軍討平之萬曆三十一年討貴陽叛苗平之二十九年平狝家苗四十年狝家苗復作亂於定番天啟元年安邦彥之亂陷順州普定威清普安安南諸衛自稱羅甸王貴陽西數千里皆爲賊有王三善死之六年安邦彥復大舉入廣順定番青巖白納一帶苗蠻爲之奪氣崇禎二年伏誅

國朝順治十八年九月逆賊劉鼎圍定番州提督李永

擊走之至康熙二年金竹土官王應兆與逆賊劉鼎總督楊茂勲討平之鼎敗逃水西七月被獲伏誅

十一年廣順州苗變

雍正二年冬討定廣狝苗平之黔苗種類狝家最爲內頑在定番廣順間者尤甚明時旋勦旋叛後用鴟勦法稍知畏戢仍時出劫掠漢夷男女授與漢奸轉販他省以獲重利居民苦之有阿近者勾結羣苗據散幹山寨自稱爲苗王總督高其倬會同撫臣毛文銓提臣趙鼎

調兵往勦擒獲阿近暨其弟阿臥斬之

四年四月討長寨狝苗平之廣順州長寨地方內接安順府屬之十三枝普定縣屬之五枝外通粵西獐獠等處盜竅阿近阿臥誅後總督高其倬遂請於散幹西孟等處添設營汛控其險要會其倬調任去總督鄂爾素繼至飭修建營房而餘黨阿搗阿撈等聚眾抗拒旋焚旋焚爾素遣定廣副將劉業俊進勦怯不敢前乃以委將劉朝貴代之朝貴至今遊擊官祿攻谷隆關卜萬

廣順州志

卷五

武備志

十

攻遮貢等寨破其巢穴擒獲甚眾餘黨畏懼獻首  
搗阿撈併漢奸李奇等俱伏誅遂定兵制設長寨營

移貴陽府同知分駐其地以資防禦焉

附錄 國史名臣傳高其倬

雍正二年十月貴州狝家苗酋阿近與弟阿臥倚  
作亂高其倬以狝家苗聚處定番廣順二州境其附近  
苗寨多被迫脅遣人招撫阿近等勢窘爲官兵所擒  
條奏苗疆事宜略云一定番廣順頑苗皆就擒請於  
孟設汛調定廣營千總駐防一定番廣順二州路通  
西泗城土府請於西籐斷杉樹二處設汛衛行旅一  
改大定鎮爲協裁中營遊擊以左營兼中營仍守大  
移中營守備一千總把總各一分防廣順州所屬長  
遮貢安順府所屬十三枝普定縣所屬五枝等處移  
把總一防羊城皇統歸定廣協轄

詔如所請

雍正四年五月貴州狝苗負險肆橫議撫久無成鄂爾

泰分三路進剿一由谷隆一由焦山一由馬落孔焚其

寨七進克長寨羊城奏於長寨增駐遊擊

又奏經理紳苗事宜十一

條略云一未獲犯中脅從者自首概寬免一苗民失耕種期免本年正賦一歸寨者月給米鹽撫卹並給耕田逾一月未歸田土賞兵一苗多佔地仇殺令契開明田址官給印信承業一同名各照祖先送冊不知木姓者爲立姓一軍器悉繳隱匿及私造處決一兵不得欺詐官不約束嚴參一移貴陽府同知駐長寨化導一移長寨把總駐打壤寨控制一員弁聞劫掠卽拏一而申報獲犯令審母袒徇部議從之鄂爾泰傳

五年十一月鄂爾泰招撫長寨後路生苗百八十

廣順州志

卷五

武備志

七

編戶口定額賦

雍正 年

上諭貴州狝苗肆行不法十餘年來擾害平民朕知之甚

石禮哈方署巡撫卽奏其罪惡多端應行征剿馬會伯到

亦奏與石禮哈相同朕恐石禮哈年少孟浪用兵之事不可

輕舉未卽允行何世堪到任則奏苗人應行招撫不必用兵

言武員好大喜功貪圖議敘且狝苗藥箭銳利地勢險阻

亦不易於成事等語丁士傑所奏大概亦與何世堪同朕



下旨與何世堪卽令其招撫及高其倬到京亦面奏應行征  
勦以靖地方朕又降旨諭鄂爾泰令詳悉斟酌鄂爾泰亦經  
言用兵爲是是以令石禮哈馬會伯協同辦理此事然此事  
甚有關係朕心時時厯念今據石禮哈奏報谷隆長寨遮首  
羊城望等處俱已攻破首惡阿革阿紀及爲從凶苗川販等  
亦俱就擒縛等語朕心甚爲喜悅何世堪從前料事不明性  
又懦弱未必能審究此案着將各犯交與鄂爾泰審訊窮究  
詳悉分別定擬安插撫恤使地方永遠寧謐不受惡苗之擾  
廣順州志

卷五

武備志

十一

一一經理具奏石禮哈調度有方籌畫盡善除事竣具題到  
日照例議敘今先沛特恩於軍前卽着將石文焯革職之處  
分復還以示朕賞功黜罪之意該部知之

附錄巡撫石禮哈題定廣安營疏 一廣順所屬之  
寨遮貢同苟焦山一帶多係狎家性好搶掠其附近各  
寨不下數百處黨類旣衆山箐復極深險又有羊城一  
望更極陡險山頂有水易於藏奸難施捕懲復有安順  
府屬之十三枝及普定縣屬之五枝等寨之苗與長寨  
等處之苗借十三枝等寨爲線索十三枝之苗依長寨  
之苗爲囊橐雖不盡似阿近等之窮凶極惡但數百里  
深險之地數百寨凶頑之苗連成一片地方文武相離  
甚遠有鞭長不及之虞各苗勾結串合極易無稽查阻  
隔之患內聚狎家凶頑外接粵西夷地應多設立營兵

安置塘汛於扼要之地以資巡防又康佐司土官辭世  
乾滋事不法業經撫臣毛文銓奏參併宜改土歸流在  
案查彼之巢穴白老虎一帶地險苗頑亦應安設防守  
令控制鎮寧州之火紅一帶苗寨臣查大定一鎮之兵  
駐劄大定州其地雖亦緊要但所防僅一州之地且附  
近西有威寧鎮兵東有黔西一協南有平遠一協應  
裁減移調請將大定改爲一協留兩營兵丁一千名足  
資彈壓裁去一營兵丁五百名移守備一員帶千總一  
員兵丁四百五十名入防長寨等處移把總一員帶兵  
五十名防守羊城壘總歸定廣協副將管轄其白老虎  
一帶應令平遠協分千總一員帶兵一百防守再查此  
五百名兵丁安土重遷未免有驟難移之勢臣請卽裁  
去先儘大定願遷兵丁盡行移補定廣恐不足數請就  
近募補其大定應裁之數仰懇 聖恩准仍暫留  
俟缺出以漸扣足應裁之數在定廣等處則各苗心實  
咽喉之內皆我汛防旣可消弭劫殺之患在大定則

廣順州志

卷五

武備志

三

以漸亦無遠移驟減之難矣

附錄請兵勦長寨狃苗呈略云廣順州屬之長寨遮  
同筍火連忙擺偷賴麻等處賊狃猖獗 年 月擄略  
殺死州民詹恩打傷符子亨劫去財物州南八里蝦寨  
山城西五里墨播寨殺死寨民冷復儒城西保合山城  
東五里平寨州西南十五里茶園寨殺傷塘兵州南十  
里思京寨殺傷寨民金殿桂苗婦阿穩焚燒倉房七十  
九間城東五里小平寨城西三里新寨殺傷苗民阿富  
城東五里革長壩城西五里燕旗關殺死寨民樊孔箇  
傷金湯寅城南二里來遠里殺傷李正魁之妻並皆劫  
虜財物牛馬凡此祇就本州附郭至近言之更有見聞  
不及鄰境同時被焚掠劫殺者難以悉舉死亡流離患  
在眉睫若俟有司報聞則緩不及事在防汛又不能以  
數十之兵禦凶悍之事云云

附錄王煜請設營汛呈略云廣順一州狃賊負固之區  
也 本朝開闢之初原設一大鎮衛守制兵一千二百

名自安曾作叛調征水西遂留鎮彼地其後尙設守備一員制兵三百繼因吳逆踞黔變更舊章迨恢復後僅分定番協標把總一員兵不滿百除分各塘汛外祇剩五十餘名尙不足巡城差使何能遠禦生苗而長寨宗角一帶依山負固無兵鎮守故狎賊猖獗獗十百成羣燒殺劫擄數十年來案積如山地方官非不欲力除其害但權輕勢阻兵力單微莫可如何間或請兵征勦然兵多則四散逃走兵少則竟相對敵糧盡兵回依然劫殺如散幹者不止一處如阿近者不止一人倘不設營鎮守將來民無安日矣傳疑宗角無水長寨爲險地不知宗角立寨四五處現有泉水可飲數千人卽秋冬亦未聞有水涸之患長寨東接威遠西控驢陽北抵廣順南通廣西四路皆可長驅安營建柵適得地利宜於長寨請設守備一員制兵三百控其心腹宗角設把總一員制兵一百扼其要隘塘邏守汛呼吸相應則外賊不敢入內賊匿內賊不得出外勾引不惟殺擄之患可消而

廣順州志

卷五

武備志

四

掠賣之害亦息將見道不拾遺亦漸化爲醇良矣  
附錄但明倫奏稿

道光六年七月初六日稽查銀庫掌陝西道監察御史但明倫奏貴州黨匪漸多請旨敕行嚴密籌辦以安良善而靖苗疆略云貴州地僻山深向有紅上黑上兩種賊匪其白晝翦絡丟包以致截途搶奪者謂之紅上其黑夜鑿孔踰牆以致持械恐嚇者謂之黑上爲首者日冒頂其次曰大五曰小五各結黨羽橫行鄉間爲害爲強民遭擾害或平民指證而與爲仇或同黨懷恨而逆其意報復之慘以竹簽掉去人眼珠謂之吹燈以鐵尺斷人肢肘謂之拆架勢必致殘廢而後已鄉里畏其殘毒不敢發覺地方差役非潛通其黨卽莫禦其鋒雖經報官難拘到案間亦釀成人命重案則擇其黨中之懦者許其養活家口脅令到官頂凶認罪其家人畏威貪利亦卽隱忍不言從前黨匪尙止本處地棍近日每有外來無賴遊民相結入黨日積日多盤踞各州縣交

界及雲南四川廣西等省接壤之處逃竄甚便出沒無常以致有案難辦各大吏亦無從得知其地近廣西之貴陽安順都勻等府所屬地方爲害尤甚况各省接壤地面多屬苗疆黨匪潛匿其間不惟擾害民苗更慮勾引刁悍之苗漸行滋事現在貴州編查保甲相應請旨 敕下撫臣悉心籌畫或卽就編查保甲時申明互保連坐之例分別舉首容隱之條飭各府廳州縣於冊結門牌認真稽查如十家內有知爲黨匪而匿不報者尙經發覺到官定將九家連坐有察實舉首者地方官立拏究辦毋稍縱寬致舉首之人遭其報復其在各州縣交界及與鄰省接壤之處會同設法協緝毋得彼此推諉庶賊匪無所容身抑或 敕撫臣遴派能員會同該管道府嚴密相機另籌緝辦之策總期黨匪漸散不致驚擾民居亦杜漸防微綏靖苗疆之亟務也臣籍隸貴州深悉其害云云七月初七日奉

上諭御史但明倫奏籌辦黨匪一摺據稱貴州地僻山深向

廣順州志

卷五

武備志

五

有紅上黑上兩種結黨行強民遭擾害甚至勾結外來游民盤踞各州縣交界及雲南四川廣西等省接壤之處出沒無常擾累平民自應從嚴查辦著貴州巡撫嵩溥派委員嚴密查拏務期根株淨盡以靖閭閻而安良善欽此道光六年八月但明倫奏貴州奏派大員編查苗疆保甲多有不便略云據貴州撫臣嵩溥 奏辦苗疆保甲請添派參將知府會同查辦並令委帶員弁隨同幫辦等因欽奉 諭旨准行在案臣謹按原奏誠以貴州苗雜處亟應編查保甲以靖苗疆但揆之苗疆情形多有不便且滋煩擾之處敬陳之保甲一法係由地方官編查原以地歸所轄則耳目易周雖胥役不能毫無弊端果能約束嚴明奸宄自然斂迹若恐其滋擾另行派員所派之員豈能不帶胥役而胥役出境之後人地生疎加以山路分歧戶口星散仍不能不藉地方胥役爲之嚮道傳呼是胥役轉多將滋擾更甚又苗疆地方遠闊委派之員若將挨戶清查竊恐歷久難徧若第覈其

成數仍令各州縣造冊申報與交地方官辦理者何別且編查之時冊籍門牌必由地方官印發編查之後戶口增減必由地方官清釐是責成究在地方官也州縣事煩任重卽此編查一事尙恐不能約束胥役必需另派大員其他豈復可靠總之胥役無不作弊果能約束則編查之事責成州縣可也不能約束卽另派員弁亦不可也至苗多於漢之處旣照舊例停止編查專查客民又何需能通番語之參將大員乎况夷苗性蠢多疑旣經具奏請旨特派參將知府大員並帶員弁前往遠近傳播勢必驚懼不安委員夫馬飯食雖由藩庫發給所過州縣恐有不法書差里保藉此張皇科派是欲靖之而適以擾之也臣愚以爲邊陲重地漢苗相安日久斷不宜稍事紛更相應奏聞請旨敕下撫臣審量實在情形將所派之員停止前往仍責成各州縣悉心籌辦倘編查不力甚至胥役滋擾約束不嚴自當隨時參處其客民之附近苗寨分隸土司者一例由夷

廣順州志

卷五

武備志

六

頭查明戶口田產數目所有應納地糧許赴該管州縣輸納則戶口自歸覈實而弊竇亦可肅清臣更有請者夷苗種類不齊愚者極愚黠者極黠地方官猶當隨俗制宜恩威並濟漢民寸田尺土無非買自夷苗誠恐此編查或被奸徒唆使卽客民價買產業捏爲盤剝冀退還亦非安集良民之道並請旨敕下撫臣轉飭該管地方官遇有此等案件必當悉心研究務歸公允毋使漢民侵佔苗業亦不使夷苗誣控平民庶漢苗互相安於無事而邊陲永靖矣七月二十四日奉

上諭御史但明倫奏編查苗疆保甲多有不便一摺據稱夷苗性蠢多疑特派大員帶領員弁前往勢必驚懼不安並恐所帶胥吏及經過州縣書差里保滋弊漢苗尙安不宜稍事紛更請停止派員仍責成各州縣籌辦等語前據嵩溥奏黔省苗寨客民漸多久經占籍勢難擬行驅逐苗人生計日蹙恐致滋生事端當經降旨令其詳細編查造冊稽覈以杜續增流民及盤剝准折等事原係專查客民其

苗多之處仍照舊停止稽查至特派能通苗語之參將李可仁熟悉苗疆之知縣杜友李前往會查正所以安輯苗民免致張皇驚擾該員等及委帶員弁飯食夫馬等項均由藩庫發給不許派累地方諭旨甚明至滑吏蠹役難必其不乘機舞弊惟在該管之員約束嚴明有犯必懲一切自可肅清若慮其煩擾遽行停止豈非因噎廢食成何政體著嵩溥仍遵前旨責成李可仁杜友李會同妥辦先行曉諭苗寨並嚴禁胥役無稍紛擾如有藉端科派等弊卽從重懲治仍著該撫隨時留心訪查倘該員等辦理不善亦卽據實嚴參至田土案件漢人侵佔苗業及夷苗誣控平民均有應得之罪惟在承審官細心研究務歸平允則苗民自可悅服也

田雯巡撫貴州時以苗人屢出盜邊設鵬勦法黔苗罕今畏之鵬盤飛空中遇逸禽伏雀一掠而至一擊而去其視甚審其來甚捷往往無能脫者此法倣以勦苗者揀敢戰大弁數員練精兵二三千募勁健土人數百爲

廣順州志

卷五

武備志

七

軍目分段巡微遇有滋事之苗查探的確備乾糧鹽醬徑出不意勦之或晝伏夜行或聲東擊西風馳電掣徑搗其巢燬其廬舍旋即撤回總之兵不留行令其惴惴然聞鎗礮而落膽疑草木之皆兵而於安分良苗秋毫無犯其中偵探之術虛喝之方則參用沈總兵希儀各法狡苗狐兔伎倆自無所肆其奸矣

明分守道蔡復一撫治苗疆議言苗疆之患頗爲詳然亦有宜參用者治苗之道當清其源設哨立營雖綢繆祇是第二義分各苗寨做黔省規制設土官制十兵俾世守其地因苗俗以治漸用漢法箱制之導化之士官思爲子孫之計自當輯寧部衆清源之一說也無已則用羈縻之術沿邊滋事之數十寨未必戶盡凶悍寨中有山場田土可以存活者亦自能安本分凡出外擾竊多係無業窮苗猶民間恒產全無者始爲不聊之行也此類在寨中人數亦不甚多通計數十寨亦不過數百人千人酌用苗糧若干分統以苗弁守各要卡仍

做營制爲建兵房令其攜眷住居此輩既有家口在外自不敢輕生反側責以稽防可漸收以苗制苗之用卽不能得其實力而令此無業窮苗有以安身不致勾結滋事其裨益亦自不少則斟酌行之亦駕馭之一方也馭苗之難不難於一戰而勝之難於舉種而安之出奇決策使之震讐兵威此一戰之功也然兵力雖雄盛谿洞阻深其種類不能盡殲而兵無不撤糧無不停之理苗情狡詐當進勦時撥入高界深箐追捕無蹤及進勦之師旣退又復潛回故地負弩伏機窺伺近村我退則來我來則往奔命徒疲無如彼何伊何道而使之帖然無事哉經曰柔遠人也傳曰懷輯百蠻竊嘗思柔字懷字之義必有盡撫摩之方而消其桀驁之氣絕猜忌之隱而生其感服之情者如弄猛獸久之自馴如伺野禽久而相親故夫整勵兵威寇至則戰邊將之事至於推誠布公駕馭有方俾之性情相洽漸被於聲教是必賴於賢司牧也有非一朝一夕之故者

馭苗之方當震勵兵威之後必撫綏與防範並用昔人有言宋人專務撫綏錫賞加爵不足以饜其欲明世專事防範築牆設哨不能以遏其鋒蓋專事防範而不務撫綏苗情旣未帖然詎能相安無事千餘里要隘兵力何能徧防徒事撫綏而不言防範則我無制敵之術禦寇之具彼方玩於股掌之上而恩何能結故撫綏者所以盡彼之情而防範者所以固我之圍夫撫綏非第在賞賜已也有限金帛難填谿壑繼之則糜費不費不繼則不獨前恩盡棄而且適足以府怨亦非專恃文告已也苗人鮮識字深棲巖谷之中雖有文告彼固未嘗聞之官不能爲之耳提面命則連篇累牘特虛文耳所謂撫綏云者其道固在聚所欲而去所惡也段汝霖之言曰苗人所欲惟利日用所需有鹽錢布疋絨線絲麻等物官爲之設集場通商旅以貿遷有無苗人經歲所獲藥材山貨芝蔴雜糧有所出易不致壅滯不行則利得矣而需用諸物又得隨便買用不致有錢無市則羣情

自然悅暢其所惡則在凶惡之苗亦猶民間之有棍徒此等惡苗憑陵凶勢動則穴鬪擊人強梁橫暴在一方則一方爲之不安在一寨則一寨均受其害良苗莫不側目飲恨而被彼挾脅或從爲不法詎屬本心如此凶苗廉訪旣確雕禽重懲以快衆心寬其脅從以示恩澤則苗人無不畏威懷德此言於撫綏之術可謂得其要領矣至於防範之要不過嚴營汛築堡壘設團練防奸細數大端要在行之不倦慎於前不懈於後無令積久玩生此治法之尤賴治人也

### 附鋪兵

鋪兵專供遞送公文 國朝順治十五年定每名日支

食米一升康熙九年巡撫佟鳳彩疏請每名日增給銀

## 廣順州志

### 卷五

武備志

九

二分十九年恢復後每名定爲日支米一升銀一分遇閏加增小盡截扣永爲定制乾隆三年總督張廣泗題請通省偏僻未設鋪兵之廣順州等處添設仍照舊例每名日給銀一分米一升

廣順在城鋪鋪兵二名 牛丫營鋪鋪兵二名 朱槽堡鋪鋪兵二名 楊柳

哨鋪鋪兵二名 四寨河鋪鋪兵二名 吳超鋪鋪兵二名 石板哨鋪鋪兵二名

濫泥溝鋪鋪兵二名 太子橋鋪鋪兵二名



廣順州志卷六

職官志

廣順以前皆土官自明季改土歸流官斯土者咸多宦績甘棠之愛至今弗諼是宜彰之以資考鏡其歷任年月不可攷者僅誌其名在官事實無可證者但書其要至於大節昭垂政聲卓著雖土官權篆難沒其真別爲名宦一篇附於卷末

知州

明

廣順州志

卷六

職官志

一

萬曰棟

江西吉安府舉人萬曆四十一年任

杜應豫

河南舉人萬曆四十二年任

鄭鼎

福建拔貢生萬曆四十八年任傳見名宦志

魏景枝

浙江歲貢生天啟五年任

李紹沆

廣東舉人崇禎元年任

柏福兆

山東舉人崇禎三年任傳見名宦志

楊昌朝

湖廣岳州府恩貢生崇禎十二年任

施養吉

雲南歲貢生崇禎十六年任

國朝

文自孔

四川涪州恩貢生順治十三年任

孫揚

浙江生員

韓之屏

陝西寶雞縣拔貢生

楊永春

遼東廩生

李天敘

河南安陽縣拔貢生

劉子豫

山西寧鄉縣拔貢生傳見名宦志

張良庚

鑲黃旗廩生

廣順州志

卷六

職官志

二

項蕙

雲南南寧州舉人傳見名宦志

劉元軾

鑲黃旗廩生

馬光裕

遼東人筆帖式

張承明

正藍旗廩生

佟世男

鑲黃旗貢生

盧兆鶚

鑲白旗監生

連珠

正黃旗人

王琳

正黃旗監生

王承命 江西清江縣舉人

甘立言 江西人

李元極 四川人

孟衍泗

山東貢生

袁振緒

湖北附貢

史載鰲

直隸貢生

李基

山東貢生

李勲

山東貢生

廣順州志

卷六

職官志

三

舒寧

鑲紅旗廩生

王應樞

江西新淦縣舉人

富興阿

甘肅拔貢傳見名宦志

鄭德佩

湖北江夏縣舉人嘉慶三年任傳見名宦志

安嘉相

安奎文

張澍

甘肅武威縣進士傳見名宦志

范來泰

浙江生員

黃昌祺

羅仁

許世培 安徽人

托雲 鑲白旗附生

德春

鄒賢曹 江西奉新縣舉人嘉慶十八年署

王銑 江蘇上元縣附貢嘉慶十九年任

舒晉 江西靖安縣貢生嘉慶二十年署

廣順州志

卷六

職官志

四

李于垣 山東安邱縣舉人嘉慶二十五年署

裘榮 江西新建縣舉人道光元年署

范泉 順天大興縣貢生道光元年署

張斐然 四川營山縣舉人道光四年署

陳熙晉 浙江義烏縣優貢道光六年署傳見名宦志

韓淳 四川長壽縣廩生道光九年署

袁敏升 雲南石屏州監生道光十年任

嚴錫珍 四川巴縣舉人道光十一年署

王鎮疆

陝西貢生道光十二年請補未到任

陳培玉

江蘇江寧縣人議敘道光十三年代理

杜慶章

福建侯官縣進士道光十三年署

吳師之

河南固始縣副榜道光十三年署

王兆俊

湖北漢陽縣監生道光十四年署

于存保

鑲紅旗生員道光十五年署

張傑

陝西富平縣監生道光十六年署

鄭鳳鳴

順天寶坻縣進士道光十六年署

廣順州志

卷六

職官志

五

蔣時淳

湖北天門縣舉人道光十八年署

李克勳

奉天蓋平縣優貢道光十九年署

周宗耀

山東歷城縣監生道光二十年任

楊兆奎

山東寧海縣舉人道光二十年署

章詒燕

江蘇江陰縣舉人道光二十一年任

金臺

安徽懷寧縣人議敘道光二十三年署

鍾斐章

廣東鎮平縣監生道光二十四年署

吳化墜

奉天承德縣舉人道光二十五年署

州判 明設 國朝裁

明

包一鳴 四川人

瞿一才 江西歲貢

葉芬芳 廣東選貢

學正 訓導 明附定番州

國朝

周士鳳 都勻府舉人

廣順州志 卷六 職官志

六

樊祚興 平越州舉人

周仁 平遠州舉人

游文允 石阡府舉人

王衍琬 思南府舉人

周楫 畢節縣舉人

何啟龍 永寧州歲貢

朱文經 思南府歲貢

柳文芳 清鎮縣歲貢

黃漢 安平縣副榜

姚年 都勻縣舉人

邱巍 思南府舉人

何煒 安平縣舉人

人嘉慶十七年任

趙世楫 黎平府歲貢嘉慶十九年任

鄒元桂 清鎮縣舉人嘉慶二十二年任

張鑑 黃平州廩生嘉慶二十二年任

廣順州志 卷六 職官志

七

石文閣 大定府舉人道光五年任

黃憲中 印江縣舉人道光七年任

張書林 遵義府舉人道光二十年署

周燮 畢節縣舉人道光二十年任

曹錦 綏陽縣廩生道光二十一年署

熊翼南 仁懷縣舉人道光二十一年任

吏目

明

秦三才

楊宗周

江應鰲

胡士統 萬曆年間任傳見名宦志

許格君

李根心

黃增貴

吳天寵

廣順州志

卷六 職官志

八

國朝

周齡六 順治元年任傳見名宦志

劉士禮

蔣士璘

金士寧

羅耀斗

李景垣

林紀榮



馬榮貴

婁澄

蔣士秀

吳嘉駿

朱大發

羅存仁

劉頌聲

裴廷相

廣順州志

卷六

職官志

九

陳鵬

吳家熊

彭煜

周文茂

河南中牟縣監生嘉慶九年任

劉輝祖

江西新昌縣監生嘉慶十九年署

甘鴻

廣東常樂縣監生嘉慶二十四年署

阮儒信

順天大興縣監生嘉慶二十四年任

杜頌德

湖北崇陽縣監生道光二年任

顧啟增

江蘇元和縣監生道光三年署

張仲良

山東樂陵縣監生道光四年任

雲 澍

直隸清苑縣監生道光四年代理

戴焜夏

湖北江夏縣監生道光四年代理

趙履增

道光四年代理

后期昌

安徽涇縣監生道光五年署

王馨桂

江蘇長洲縣監生道光六年署

張清泰

直隸清苑縣吏員道光七年署十二年又署

廣順州志

卷六

職官志

十

周 霽

順天大興縣監生道光八年任

徐崇本

甘肅大通縣吏員道光八年署

丁 申

浙江歸安縣監生道光八年任

王鼎沅

江蘇上元縣監生道光九年署

謝恩榮

廣東平遠縣監生道光十年署

孔繼志

直隸清苑縣吏員道光十三年署

陳毓書

順天大興縣監生道光十四年署

喻 湘

江西南昌縣監生道光十九年署

雷揚廷

安徽懷寧縣監生道光二十一年署

朱元梅

浙江山陰縣監生道光二十一年任

附服色土知州

明設萬曆三十九年改土歸流

明

金鏞

金大章

金燦

傳見名宦志

金湯立

廣順州志

卷六

職官志

十一

名宦

元

蘇格蒙古人世祖至元十九年亦奚不薛叛置順元等路軍

民宣慰司以格爲宣慰使經理諸蠻二十四年遷河東等

路萬戶府播州宣撫寨因不化等赴闕請留之降八番金

竹百餘砦得戶三萬四千以其地爲郡縣置順元路金竹

府以統之

明

鄭鼎字爾調龍溪人由鄉貢爲廣順知州策安邦彥必反上書當事言狀州故無城督民樹柵實以土無何邦彥果反來攻城鼎誓死固守或言賊勢甚宜走定番鼎曰吾守土吏也義當與城存亡及賊入端坐堂上爲賊所殺婢僕從死者六人巡撫李樓上於朝贈僉事賜祭崇禎元年鼎子舉人崑禎與貴陽同知楊以成子舉人興皆援安順推官徐朝綱死難例請加卹并贈光祿卿世廕錦衣千戶予祭葬有司建祠立坊

廣順州志

卷六

職官志

三

胡士統萬厯間爲廣順吏目安邦彥反攻城與知州鄭鼎誓死固守被執不屈死於難

金燦萬厯間爲土知州安邦彥之難與知州鄭鼎吏目胡士統固守賊入與鼎端坐堂上并爲賊所害

柏福兆山東臨清州舉人任廣順九載崇禎十三年建學宮設廩餼時值改土歸流未久又當兵燹之後福兆撫字有方振興文教士民至今思之

國朝

周齡六順治元年爲廣順吏目僞平東將軍孫可望破永寧  
定番州牧死守定番城陷廣順奉調州目卽齡六也自經  
死

劉子豫字如之山西汾州府寧鄉縣拔貢康熙二十年任在  
任一年一絲一粟不取於民清廉慈惠就道之日士民灑  
道泣送子豫亦揮淚不忍別立有去思碑

項蕙字樹柏雲南曲靖府南寧縣舉人江南徽州府籍在任  
三載廉潔自持家人織紉以自給勸農桑修學校爲廣順

廣順州志

卷六

職官志

三

之民籌教養者不遺餘力來格里缺額逋賦民苦征催蕙  
捐俸代償之康熙三十年丁艱士民具疏苦留已蒙命允  
未幾卒於官死之日壯丁號哭老人兒啼有鄭子產之風  
囊空如洗士民醵金以賻中丞田雯方伯蔣寅徧諭當事  
各捐俸助其喪乃得扶輓歸鄉里

鄭德佩甘肅拔貢公正慈祥勤於課士重修書院勸捐膏火  
至今講舍略有規模寒峻稍資薪水者皆德佩董勸之力  
也士林立祠祀之

安嘉相號桂甫湖北舉人性剛毅治事嚴整吏民畏憚愛士  
出於至誠公餘輒與州人士講學並黠定時藝升任八寨  
同知卒於官太史公傳循吏云何必威嚴嘉相則寬猛并  
濟故士民至今思之工書好吟詠詩稿成集惜未刊行於  
世

張澍甘肅武威縣進士治事以嚴胥役咸憚其威而博學多  
才待士極爲寬厚治教之流及今州之耆老猶有津津而  
道者有續黔書行於世

廣順州志

卷六

職官志

酉

陳熙晉浙江義烏縣優貢爲政識大體不以苛察爲能前署  
牧李于垣續修文廟工未竟熙晉莅任督率董勸竣事並  
置田以備歲修士林競誦其德

廣順州志卷七

選舉志

廣順自明季始入版圖風教未開人才未盛之時故選舉寥

寥冊籍散佚無考貴州省試明洪熙元年令貴州願試者就試湖廣宣德元年令就試雲南二年定會

試南北中卷以貴州入中卷正統四年賜赤水衛張諫進士

貴州有進士之始凡所增解額皆滇三黔二景泰元年詔開

科不拘額貴州中十二名七年仍定滇三十名黔十名宏治

中士子以赴滇道險遠不便屢言於大宗伯張昇求於貴州

開科昇不允宏治七年准奏鄉試進呈錄稱雲南鄉試錄貴

州量助錢糧以備供給八年黔撫臣復以爲言亦不允嘉靖

十一年三月永寧進士趙維垣選庶吉士貴州進士選庶常

之始十六年詔貴州本省開科鄉試額中二十五名從巡按

廣順州志

卷七

選舉志

一

王杏請也滇考作十四年二十五年增貴州解額五名從撫

臣王學益請也萬厯二十二年復增五名四十二年復增二

名天啓元年增一名四年以水西用兵減貴州解額七名典

試以巡按傅宗龍代之七年令貴州鄉試仍復舊額崇禎三

年增額一名其在明廣順中式之可稽者崇禎十一年己卯科則

有朱邵十四年壬午科則有莫與齊十七年乙酉科則有胡

雲龍徐可汲成貢生者則有陳一經官知府何騰龍官知縣郭之

漢官知縣張維祺易憲孔湯臣尹梁所臣陳計定官學正黃金章

授官教章貫斗官知縣陳謨官授李廷俊官授劉澤廣官授陳世

用官經威定遠官學正易貞元官授斯道開官授范良樸今志

國朝選舉首舉人次進士次副榜次武舉次貢生次拔貢歲貢  
優貢例貢

舉人

徐玉陞 康熙元年癸卯科官教授

黃彪 康熙四年丙午科

陳起蛟 康熙四年丙午科

尹鏞 康熙二十二年甲子科

竇士奇 康熙三十七年己卯科

廣順州志 選舉志

王際昌 康熙四十年壬午科

姜濟泰 康熙四十年壬午科任廣西荔浦縣知縣

金大亮 康熙四十三年乙酉科任安徽懷遠縣知縣

夏龍霖 康熙四十三年乙酉科

朱繡 康熙四十九年辛卯科任江蘇淮徐道

但祚昌 康熙五十一年癸巳科

程仁圻 康熙五十五年丁酉科見進士

吳夢卜 雍正元年癸卯科



吳夢旭

雍正元年癸卯

恩科任雲南蒙自縣知縣

周 倬

雍正元年癸卯

恩科任雲南大姚縣知縣

駱 騏

雍正元年癸卯

恩科任知縣

朱 暉

雍正元年癸卯

恩科

楊森秀

雍正元年癸卯

恩科

李景豐

雍正七年己酉科

徐天敘

雍正十年壬子科

周明德

雍正十年壬子科

廣順州志

卷七

選舉志

三

周 濬

雍正十三年乙卯科

張 璠

雍正十三年乙卯科

郭威南

乾隆元年丙辰科任威寧州學正

戴一仁

乾隆三年戊午科

王德裕

乾隆十七年壬申科見進士

張 彥

乾隆十七年壬申科見進士

裴 瓚

乾隆二十一年丙子科

蔡 溶

乾隆二十四年己卯科

周毓峴 乾隆二十四年己卯科

郭毓祺 乾隆二十五年庚辰科任遵義縣學正

徐繼聖 乾隆二十七年壬午科

鄭若玉 乾隆二十七年壬午科

張璠 乾隆三十年乙酉科

蔣清 乾隆三十九年甲午科歷任山東臨朐縣湖南安鄉縣知縣

吳如澤 乾隆四十二年丁酉科

王德昭 乾隆四十五年庚子科官訓導

廣順州志 選舉志

卷七

四

趙悅 乾隆四十八年癸卯科

王崧 乾隆四十八年癸卯科

周之岱 乾隆四十八年癸卯科任普安州學正

李芬 更名慶長乾隆五十一年丙午科官知縣

趙玉奇 乾隆五十七年壬子科

曹琰 乾隆六十年乙卯科

鄒宗孔 乾隆六十年乙卯科任平越州學正

金鼎壽 嘉慶五年庚申科見進士殿行子

金鼎梅

嘉慶十二年丁卯科見進士殿行子

金鼎銘

嘉慶十五年庚午科見進士殿行子

金鼎年

嘉慶十五年庚午科見進士殿行子

但明倫

嘉慶十五年庚午科見進士祚昌曾孫

鄒嶧杰

嘉慶二十一年丙子科見進士

雷發聲

嘉慶二十一年丙子科

何桂榮

嘉慶二十一年丙子科

趙玉墀

嘉慶二十三年戊寅科

廣順州志

卷七

選舉志

五

趙玉芳

嘉慶二十四年己卯科官敘諭

趙國選

道光元年辛巳科

趙國賢

道光元年辛巳科

汪有本

道光元年辛巳科任天柱縣教諭

何熙培

道光十一年辛卯科

何懋昭

道光十一年辛卯科

蔣全善

道光十五年乙未科

但鍾良

道光十七年丁酉科見進士明倫子

詹玉珂

道光十七年丁酉科

王家申

道光二十四年甲辰科

進士

程仁圻

康熙六十年辛丑科鄧鍾岳榜由翰林轉御史仕至廣東布政使

王德裕

乾隆二十八年癸未科

張彥

乾隆二十八年癸未科秦大成榜任安徽寧國縣知縣

金鼎壽

嘉慶十三年戊辰科吳信中榜歷任廣西富川北流安徽桐城歙縣知縣保舉召見卓異候升

金鼎梅

嘉慶十六年辛未科蔣立鏞榜任直隸房山縣知縣改授銅仁府教授

廣順州志

卷七

選舉志

六

金鼎銘

嘉慶十九年甲戌科龍汝言榜任黎平思南府教授

但明倫

嘉慶二十四年己卯科陳沆榜由翰林御史歷任湖南岳常澧道山西河東道江蘇常鎮道現任兩淮鹽

運使

鄒嶧杰

道光三年癸未科林召棠榜現任廣西修仁縣知縣

金鼎年

道光十二年壬辰科吳鍾駿榜任陝西靖邊縣知縣

但鍾良

道光十八年戊戌科鈕福保榜現官翰林院檢討  
武英殿協修

副榜

譚以成

康熙四十年壬午科

張珽 雍正十三年乙卯科

楊淳 乾隆三十三年戊子科

羅仁先 乾隆四十五年庚子科

趙國賢 嘉慶二十三年戊寅科

詹玉珂 道光八年戊子科

袁其鑿 道光十一年辛卯科

武舉

李鳳翔

廣順州志

卷七

選舉志

七

趙世祿 由營効力補獨山州千總後因銅仁軍功陞授清江  
守備

趙發科 道光元年辛巳科解元

金鐘吟 道光八年戊子科

姚天申 道光八年戊子科

程玉湘

恩貢

金璠 官知縣

楊燧 官知縣

羅義

盧永昌  
候選州同

金湯隆

盧肇綸

吳廷實

金殿撰

拔貢

吳夢卜

廣順州志

卷七

選舉志

八

楊卿士

劉晟

李先榮  
官廣西州判

姜文澤

劉清  
官四川布政使改任登州鎮傳見

伍勳

金鼎壽

金鼎鎮

楊春榮

歲貢

楊篤秀

徐開祜

王道開

程先喆

胡燦

張耀

廣順州志

卷七

選舉志

九

劉萬明

劉萬言

周之麟

譚以成

壬午副榜

范瑾

李頤

吳釗

楊維梓

許豫

林劍采

傅震

帥謨

陳嘉猷

金大中

戴九齡

謝賜鉞

廣順州志

卷七

選舉志

十

姜兆熊

唐中元

楊毓萃

羅純

雷震

陶成

鄒近聖

任雲南石屏州吏目

吳廷諷

任江蘇通州吏目



趙經

孟方旭

李肇正

張子邦

許鍾靈

尹文俊

車必進

吳廷獻

廣順州志

卷七

選舉志

士

鄧再芝

王煜

章世德

吳從矩

張琰

王煥

王德襄

鄧再茂

馬希榮

范茂

謝浩

鄒錕

徐步衢

金灝

任印江縣教諭

孫文獻

湯祚隆

廣順州志

卷七

選舉志

三

曹曰仁

伍桂芳

尹功昭

金湯植

朱用觀

金殿行

曹安仁

曹體仁

曹型仁

但爲章

曹渾仁

曹里仁

曹敏仁

聶常清

李榮

王德修

廣順州志

卷七

選舉志

三

王德讓

王蘊

王德顯

王德昭

陳紹先

周二南

趙溶

張學夔

陳上敬

王崇善

金溪

李錦

曹步青

蔣澍

周之岫

周允忠

廣順州志

卷七

選舉志

十四

熊飛鵬

湯培德

姜廷柱

鄒嶧靈

姜元周

王泰

沈如蘭

劉士俊

蘇景濂

姜必發

周良弼

優貢

但明倫

庚午舉人已卯進士

趙以淳

例貢

姜正勝

廣順州志

卷七

選舉志

七

姜義勝

章世卿

吳如澍

文從周

蔣源

何天衢

金鐘成

但明誼

候選府經歷

蔣紹周 任鎮寧州訓導

但循良 候選復設訓導

國朝文教覃敷人才蔚起此州魁碩之士照人耳目者若是  
觀周漢以上江南越在荆蠻逮今科名文物之盛超軼充豫  
安見後日之黔不猶今日之吳楚哉父兄有教風氣潛移是  
在守土之官司文教者學額見建置學校下

廣順州志

卷七

選舉志

六

廣順州志卷八

人物志

宦績

姜士廣字

康熙時出仕四川邑人有文翁之誦

姜濟泰士廣之子字嵩山號東海康熙壬午科舉人年弱冠

教讀里中藉資生計後官粵西荔清其治荔也作木牌

畫隸形於上名曰木卓隸書於牌曰木卓隸木卓隸不喫

酒飯不要錢財急鎖人犯速速前來命原告持至被告之

廣順州志

卷八

人物志

七

家次日被告轉持赴衙即便審決由是邑士民咸奉若神

明焉繼攝篆修仁十排作亂濟泰上書請勦一方安靜繼

攝永福令遷永安牧雖期月民莫不愛戴之荔邑先農壇

傾圮公捐廉重建休致後粵之大吏復移文至黔命領此

項公費公仕粵中凡六年歸田後先將所餘廉俸創置祭

田百畝餘分給子孫家居十有五年仍以教讀爲業生平

無苟取善書八十餘猶手書詩易經注以示子孫年八十

有四卒於家子孫皆有聲庠序

張彥字碩人號雲麓乾隆壬申進士仕江南寧國縣知縣日辨色而起夜半乃寢以爲常搜剔積弊廣求民瘼邑有部保催科困民甚以數百戶之逋責於一人之手而又重以土物徵求胥役規例中人之產立見傾盡計合邑歲得六十都保弊已歷數十年彥到任卽革除之以蘇民困時有以報銷難易爲說者彥曰便於官弗便於民不忍爲也凡邑之椅桐梓漆向之困農圃兼困市賈者悉免其額河澗溪石橋九洞乃江浙通衢創自胡柯氏不數年而犯於堦

又不數年而敗於濤後乃屢修屢潰彥捐資重修民無寒裳之苦乾隆三十二年沿江被水惟寧國未經被災捐錢製送鄰邑銅陵老民棉衣四百件邑有鳳山書院暇輒蒞諸生而訓以詩古文詞常閤門扃試憐才愛士一時傳爲美談頌聲載道旋調靈璧任寧邑士民扶老攜幼遮道相送數十里繼又調宣城接辦災務捐資濟賑不廢國儲全活甚衆引乞時年六十四歸構家祠三楹所居纔一椽焉卒年八十九



金大亮康熙己酉舉人選授江南懷遠縣知縣地濱渦淮夙多水患素稱難治亮教民興修隄堰蓄洩有資平糶災糴閩閩愛戴道光八年族孫鼎壽署任懷遠猶見民間稱頌不衰云

金珣由恩貢歷任教職推陞湖北羅田縣在任有惠政子九人兩膺歲薦餘皆列庠序孫灝以明經任教職孫曾甚繁衍多業儒至今羅田人之流寓貴州者咸訪其後人能賢以爲廉吏之報云

廣順州志

卷八

人物志

三

劉清字松齋由拔貢充四庫館臚錄乾隆四十九年議敘縣丞分發四川候補五十四年補冕寧縣縣丞五十七年升南充縣知縣嘉慶元年九月達州教匪徐添德等聚眾滋事清率鄉勇隨署總督英善往勦攻克麻柳場賊巢餘匪撲東山廟營卡遊擊尙維岳陣亡清馳往力戰賊奔潰

事

聞

命以應升之缺升用賊由大東林渡口分股偷渡清隔河開放鎗礮

斃賊衆多徐添德復合王三槐冷天祿等陷東鄉二年二月官兵復東鄉總督宜棉委清署縣事三年清偕副將王柱抵楊柳坪冷天祿率衆來犯大營清擊卻之四月攻克清溪場擒僞軍師王學禮清訊知徐添德等均有投降之意卽親往附近賊巢之紅豆嶺面爲曉諭賊羅拜清察非賊首正身責以大義令於十八日盡數出降屆期王三槐至附近軍營之雙廟地方詭稱投降仍沿途藏匿賊匪接應官兵識其詐大敗之八月賊分爲青藍白等號並聚方

山坪官兵由蓋頂山多福山毡帽山三路進攻清偕總兵百祥攻克多福山賊卡復與各路兵勇攻克方山坪賊窟通江巴州一帶與達州青號徐添德東鄉白號王三槐等股匪合十月羅冉二逆由南背山折竄江口清與參將卓常保分路截擊殲斃多名卽留駐江口以防賊竄回達州十一月羅冉股匪經官兵勦敗折竄鐵釘埡張家場清適率鄉勇馳至出其不意痛加勦殺賊退屯三溪口譚家壩等處清復率鄉勇分路進攻賊遁入巴州之碾盤壩靈剛

寺清約江口巡檢余廷勳合勦斃賊千餘生擒六十二名  
賊奔竄追至營山之來定寺又敗之三年三月總統勒保  
以廣元縣爲北棧門戶委清署縣事四月

論曰朕聞川省勦辦賊匪州縣中有劉清平日官聲甚好每率衆禦  
敵賊以伊廉吏往往退避引去劉清如果始終奮勇民情愛戴著  
勒保據實保奏五月奏稱南充縣知縣劉清平日居官辦事深得  
民心自敘匪滋事以來節次帶勇殺賊甚爲奮往賊匪亦  
稱爲清官衆口如一得

廣順州志

卷八

人物志

五

旨以同知直隸州用

賞戴花翎九月襄陽白號股匪高均德由陝境竄入廣元之旺蒼爲  
額勒登保由寧羌一路迎勦清團集鄉勇於各要隘堵禦  
獲賊黨劉正名等三十五名四年正月

上諭經略大臣勒保同知銜劉清平日官聲尙好著勒保奏明量予  
升擢以從民望經略請擢清忠州直隸州知州並懇

賞加知府銜

上允之八月署總督魁倫奏言劉清到過賊營三四次宣諭招撫而

賊黨總以王三槐之故不敢來投惟因清居官尙好未致加害

諭曰頃降旨令廣興前往達州接辦糧餉並令劉清隨同幫辦但思劉清止係知州加賞知府銜職分較小究與體制未協該員清名素著曾蒙

皇考擢用昨據魁倫奏劉清去歲到王三槐賊營數次宣諭招撫因劉清居官甚好並未加害可見劉清素能實心任事深得民心今特逾格加恩賞加道銜隨同廣興辦事遇有道員缺出著魁倫奏請升補九月經略額勒登保勦辦青白各股匪將連次擒獲被脅之人及自行投首者均飭劉清妥爲安撫

廣順州志

卷八

人物志

六

上嘉其所委得人魁倫又以撫恤難民請交劉清覈實經理

從之十月補授建昌道五年正月賊首冉添元張子聰合股匪共五萬人搶渡嘉陵江魁倫退守鹽亭之鳳凰山以潼河上下三百餘里淺灘八十餘處令清於居民中團集鄉勇設卡防守旋將前派防河之官兵陸續撤回三月賊被參贊德楞泰勦敗由太和鎮上游之王家嘴涉淺偷渡事

聞褫魁倫職逮問

諭總督勒保曰魁倫摺內稱潼川以下係建昌道劉清防守劉清居官聲名甚好是以加恩不次擢用今任聽賊匪偷渡實有應得之罪若王家嘴地方係劉清防守亦當革職拏問審明定擬解往省城監禁若止係統轄巡防亦應將伊革職仍留該處防堵效力時罪閏四月勒保疏稱魁倫因賊匪竄近鹽亭令百祥薛大烈將沿河所安兵勇一並帶回又將參將張績所帶兵勇撤回大營王家嘴地方祇有團勇百餘人防守亦未有責成專管

廣順州志

卷八

人物志

七

之員惟令建昌道劉清在潼綿一帶統率巡防王家嘴前非該道之所專管劉清曾因太和鎮以上淺灘要隘鄉勇究難足恃稟請魁倫添兵未經批准劉清係總巡之員業經遵

旨革職留於軍營效力贖罪

諭曰劉清在潼綿一帶巡防曾因太和鎮一帶淺灘要隘稟請魁倫

欲留貴州新調兵丁未經批准而賊匪卽由太和鎮躡淺過河是

劉清先能見到其咎尙有可原著加恩以知縣用此後仍能奮勉

出力著勅保據實保奏六月勅保奏稱原任建昌道劉清去年在通江巴州一帶招撫被脅難民夏秋二季從賊內投出者實有二萬數千人因此黨與解散賊勢大衰茲查各股竄匪大半在通巴境內正當乘此被勦情急之時招歸安業臣現派劉清帶同候補通判劉星渠仍照上年所定章程認真招撫

諭以此事卽責成劉清經手專辦如果認真奮勉該督據實奏聞朕卽加恩將伊原官開復亦無不可十一月白號賊匪楊開第由陝

廣順州志

卷八

人物志

八

境竄入通江之芝坪清派縣丞銜劉炳從九品徐若瀛帶領鄉勇並前在鮮大川股內投首之王忠等詐稱鮮大川餘黨歸附同行乘夜潛入賊營放火賊衆驚逃追殺二十餘里殲僞先鋒杜星貴餘匪殺死跌斃者三百餘名投出者一百三十七名六年二月黃藍白各號股匪經勒保勦敗竄近巴州清率義勇進抵恩陽河夜襲賊營紛竄殲斃百餘名擒獲並投出者五十四名經德楞泰勒保先後奏入

論曰前曾降旨將劉清加恩以知縣補用並准留營效力以觀後效  
今劉清辦理保寧一帶堅壁清野及招撫團練等事俱能認真出  
力節次帶領鄉勇打仗亦屬奮勉劉清著賞還道銜在川候補不  
必賞戴花翎仍帶革職留任俟四年無過再行開復五月白號餘  
匪高見奇等被陝省官兵逼入通江之西有溪清率鄉勇  
勦斃百餘名招出難民一百五十六名六月高逆又合陝  
省竄匪擾至南江之斜巖高廟子清率鄉勇追勦二十餘  
里斃賊二百餘名九月藍號賊匪李彬合王冉餘孽由巴  
州折竄通江清於謝家山梁迎勦敗之尋李彬股內李元  
受帶領賊營頭領雷仕榮等十九名投首清令寄信賊營  
陸續招出男婦一百八十七名十一月額勒登保奏稱劉  
清率領勇壯數百人於通江巴州一帶勦撫兼施節次斬  
獲多人招令投出者亦復不少百姓既聽其指使而賊隊  
亦多信從連日隨臣在營察其辦理各事實心實力不辭  
勞瘁洵屬川北地方官中最爲出力之員仍懇量加鼓勵  
俾地方大小各員觀感奮興得

旨賞還花翎十二月後授建昌道七年二月偵知李彬股匪竄至南江之鐵廠坪清派典史猶啟祥傳集寨勇遏賊西竄及入老林之路又派軍功王宗夏等於五方坪設伏以待清親率鄉勇馳至楊家壩遣軍功李仕玉等直趨鐵廠坪賊猝不及防向五方坪逃逸伏勇齊出猶啟祥亦率勇馳至擒賊首李彬及辛聰之弟辛文偽先鋒曹世連劉王藩唐仕武餘匪斬獲甚衆得

旨嘉獎

廣順州志

卷八 人物志

十

賞加按察使銜並喜字玉鞮大小荷包

諭曰前曾降旨令各督撫責成地方文武員弁遇賊匪在境內隨時認真搜緝分別勸懲今四川道員劉清所帶祇係鄉勇並無官兵能將首逆李彬及辛文擒獲得邀獎賞地方官皆當以劉清爲法

三月白號張魏餘匪經官兵追勦竄南江之劉家坪清分派兵勇迎截於青趕渡殲斃多名四月清與遊擊馬績等復於通江貓兒壩敗之賊竄入陝境尋折回廣元清偕總兵豐仲又敗之於麻柳壩六月追勦藍號楊布寺餘匪於



通江之七星包斃賊三十餘名擒四名投出者二十六名  
上嘉其奮勉可靠八月授按察使十二月藍號齊幘典餘匪竄桶板  
溪清督兵勦捕賊敗走兩河口清派軍功賊青雲等抄赴  
南江之東渠適達斯呼爾岱等率兵抵陳家口達勒精阿  
等亦率兵前往賊奔沙溪場賊青雲兵至奮勇勦殺斃四  
十餘名擒僞元帥葛成勝達斯呼爾岱達勒精阿等前後  
夾擊殲斃甚夥得

旨嘉獎是月大功告成下部議敘八年閏二月陝西南山餘匪竄出

廣順州志

卷八

人物志

十一

棧道清馳赴廣元堵勦三月藍黃白各號餘匪被參將羅  
思舉勦敗遣僧人通添至廣元報信投首清遣軍功李植  
德偕通添前往招撫旋被戕害

諭曰劉清本當治罪姑念其平日官聲清潔暫從寬免並著勒保嚴  
飭劉清認真搜捕儻再輕信賊匪之言仍事招撫致該匪得以延  
喘奔逃輾轉滋事必將劉清治罪不貸清尋遣賊青雲率鄉勇探

蹤追勦賊衆相率投順藍白黃各號首夥共九十三名七  
月在南江之鑽天坡獲白號僞元帥邱高科十一月

命勒保將糧餉搜捕各事交劉清羅聲臯遵辦九年正月清分派員  
弁兵勇搜捕零匪疊有斬獲九月陝省裁撤鄉勇過綏定  
者均經查詢或充當兵役或回籍安業以次散歸十月續  
撤鄉勇亦偕提督馬瑜安爲辦理十年入覲

賜詩曰循吏清名遠邇傳蜀民何幸見青天誠心到處能和衆本性  
從來不愛錢有守有爲績昭著無偏無欲志貞堅空羣羨爾超流  
俗明慎咸中治理宣十一月丁繼母憂十三年服闋授山西按察  
使十四年七月升布政使十月署巡撫初彭齡審辦臨晉

廣順州志

卷八

人物志

七

縣假裝銀鞘案清請將錢文石鬼情節刪去經初彭齡參  
奏

上以其袒護屬員計圖消弭下部嚴議尋議降四級調用得

旨以從四品京堂補用先是清以才不勝藩司之任懇請開缺至是  
奏入

上斥其冒昧陳奏以員外郎降補十五年五月補刑部員外郎十月

充熱河都統衙門辦事司員十七年擢山東鹽運使十八  
年九月山東教匪朱成良等糾衆滋事陷定陶曹縣清力

請從戎經巡撫同興派令偕參將馬建紀帶兵進勦抵定陶之髡山搜勦匪殲斃三百餘名生擒八十餘名尋有賊匪抗拒復殲獲五百餘名攻韓家大廟賊集勦克之生擒賊首趙天祿斬獲甚衆餘匪竄曹縣扈家集事

聞

上嘉其勇敢下部議敘十月官兵分路進攻扈家集賊集清偕協領哈哈岱馬建紀先由定陶攻其東而適南北兩面官兵至合擊之殲二千餘人斃賊首朱成良擒僞元帥王奇山

廣順州志

卷八 人物志

七

論曰劉清前在川省軍營著有勞績朕所深知今逾六旬且係文職能身率士卒直取賊巢殲賊多名實屬勇敢可嘉著加恩賞布政使銜先換頂帶並賞玉鞞大小荷包是月有賊匪數百由河南滑縣潛奔定陶之郝家集清偕哈哈岱馬建紀分兵迎勦擒賊目曹光輝斃僞元帥袁興邦僞大將軍周姓殲餘匪四百餘人十一月賊平曹縣定陶金鄉及附近各縣難民漸次復業清偕兗州曹濟道熊方受督率州縣編排保甲勒加撫恤並辦理善後事宜十九年五月授雲南布政使七

月

諭曰劉清在山東帶兵勦賊民情甚爲愛戴雲南布政使一缺與伊不甚相宜著以二品頂帶仍留山東鹽運使之任二十一年四月因病奏請開缺

諭曰劉清前在川省軍營著有勞績十八年勦辦山東教匪尤爲出力此次因病開缺伊籍隸貴州若回原籍調理病痊再來京候補道路遙遠往返不易著於解任交代後就近來京就醫安心調理一經病痊卽具摺請安候朕賞給差使八月病痊

廣順州志

卷八

人物志

西

特授山東登州鎮總兵官二十五年調曹州鎮總兵官道光二年以年老休致

命在籍支食全俸八年卒

諭曰原任曹州鎮總兵官劉清於嘉慶年間由知縣洊升藩司獲咎後蒙

皇考仁宗睿皇帝棄瑕錄用改任總兵曾在四川山東軍營出力服

官三十餘年清勤素著道光二年因年老休致回籍經朕賞給全俸以養餘年茲聞溘逝殊堪惋惜伊孫兵部候補主事劉燾

昌著加恩遇缺卽補文生劉瑩賞給舉人準其一體會試所有任內一切處分悉予開復其應得卹典該衙門察例具奏尋賜祭葬孫熾昌二品廕生現任兵部員外郎

金鼎梅字子調辛未進士道光三年任房山縣知縣值歲旱赴大安山黑龍潭祈雨離城七十里徒步往來赤日中回至中途大雨如注人皆以爲至誠所感也邑有蝗用捕蝗法遂不爲災向謁

陵大差承辦夫馬派民歷有舊章梅爲之減去其半有不敷捐廉以

廣順州志

卷八

人物志

五

濟課邑中士如誨其子弟改官後以交代留滯房邑年餘士民供其薪水

金鼎銘字子恭甲戌進士性恬退榜下卽請就教職選黎平府教授丁艱服闋後補思南府教授訓士克勤兩郡士人多所成就新入學生向有納贖之儀盡以所受資其貧苦者生平篤嗜爲文不治生屢空無少介意少時力學太過時患怔忡年五十三卒士林痛惜焉

金鼎年字子長壬辰進士性豪爽恒以遠大自期自庚午領

鄉薦後日肄書數千歲盈箱篋在京考授景山官學教習  
報滿以知縣用未就仍應會試閱二十有三年始登甲榜  
出爲邑宰非其志也官陝西靖邊縣知縣鞠獄平允卓著  
政聲鄰邑定邊有積案年久莫決奉檄往審一訊而平治  
靖邊決疑難之獄有欲行賄者以執法嚴詞却之上游方  
欲擢升以病卒於官囊無餘資士民共賻以歸號泣而送  
者數百人

文學

廣順州志

卷八

人物志

六

但祚昌號裕庵字宏圖績學能文生平以規矩自繩一步不  
苟處鄉黨常以恂恂兩字自勉鄰有業榨油黎翁者謂之  
曰我有一題君能作否因指榨木而吟爲巨室五句應之  
曰唯唯次日文成楷書以貽翁此雖小節亦足以見其識  
遜之一端矣以優行舉於學中康熙癸巳 恩科舉人其  
三題卽黎翁所命作者以會試歿於京臨終謂其僕曰所  
深恨者有父母在子道未盡吾雖未成功名而死吾子  
孫必有繼起者心不以是爲歉也

金殿行字雲衢號淡野歲貢生自少績學屢試前茅性慷慨  
家資中落然引掖後進仍孳孳不倦好吟詠性情常流露  
於詩乾隆丙午中秋步月有句云嫦娥許我培丹桂放作  
人間富貴秋後子四人俱成進士或以爲詩讖云就養長  
子富川官署日訓以潔己愛民故諸子皆體其教各有政  
聲

王煜歲貢生淵博而精於制藝尤留心經世之務遇大利害  
所關仗義直言無稍避忌初狃苗肆劫殺人莫敢言煜請

廣順州志

卷八

人物志

七

於大府直陳其不法狀并請於宗角長寨立營汛以資控  
禦指陳形勢深合機宜後長寨設營宗角立汛狃苗之患  
息州民獲安悉如煜所計子德裕成進士姪德昭舉人任  
麻哈州學正立身服官皆秉煜教

王德昭庚子舉人麻哈州學正弟德讓德修德顯皆歲貢生  
一門雍穆惟以讀書爲務教子弟以嚴除夕元旦兩日外  
餘皆課誦之日也子孫遊庠序者十人鄉里爭延致之

周之岱字宗山癸卯舉人性情坦直待人忠厚生平嗜學所

著時藝十餘集後學爭鈔錄之以爲式主講廣陽書院鄰縣諸生負笈從之多所成就官普安廳學正子良相良弼均有聲庠序

金灝字麗川歲貢生秉性端嚴步趨不苟里中有雀角之嫌者或就質之得其一言而散教授鄉里後進多出其門尤加意培植寒賤貧士能力學者多方誘進不受其脩脯後官印江縣訓導孫鐘和相繼入庠均能守其家學

但彬字允中增廣生性厚重端恪不苟言笑博洽經史從遊

者衆訓課極嚴口講指畫終日不倦生平未嘗欺侮人有友好詼諧者過山谷中嫚罵谷聲答之如一彬笑曰俗謂上山叫不好下山膺不好孟子曰夫人必自侮然後人侮之此正好註腳進退必以禮莊穆之中和氣盎然人皆畏而敬之家貧而介緼袍疏食澹如也處戚族鄉黨間恂恂自守人有爭競得其一言而解歲惟以館穀自資或有餘仍以助族黨之不足者長子明倫官御史時迎養入都旋復就養於岳常澧道署中時以除暴安良爲曷風聲克樹



政治肅清今其長孫鍾良亦官檢討人皆謂庭訓之所致  
盛德之獲報焉卒年七十有一以明倫貴贈如其官

孝友

但友進明四川長壽縣歲貢生官益州訓導解組後遇流寇  
張獻忠之亂倉猝負家祠神牌挈妻子與堂弟友迪奔貴  
州進迫故友恭患難相依中途相失者數次均輾轉尋求  
復合一日賊追急同匿於山溝溝深丈許賊過其上而不  
知人以爲神佑也至廣順遂家焉至老不忍或離卒後合

廣順州志

卷八

人物志

九

葬於馬橋

龍見本州人弟名龍起一日溺於河見赴水救之弟免於難

見竟溺死有司以其事上聞命有司表其家

傳見藝文志

鄒近聖州廩生年十三父賓臣病近聖剗左股以進病稍愈  
母張氏又病又剗其右股昏迷仆地逾時方甦以啖其母  
父母俱得安痊州收項知其事餽粟以獎異之其叔鰥居  
年老子幼近聖生養死葬皆盡禮視叔之子如胞弟營婚  
娶族黨稱其孝友州收盧兆鶚臚其事詳請學政沈賜額

曰孝行可風

陶成州歲貢生弟淑庠生好學博聞勵行端方兄弟同居七十餘年無私財無間言州牧盧給額曰友愛可風學政沈額曰仁讓之門

金玆州增生康熙戊戌年州牧據兩學申詳優行達於學政沈給額曰克敦孝讓州牧盧給額曰不愧士林儒學王給額曰德全大本

但淑行州庠生性敦孝友淵靜寡言語事親之外唯於門論廣順州志

卷八

人物志

十

玉帶河一竿垂釣自號漁隱常以漢書及唐宋古文自贖一笠一蓑終年衣褐恬如也子尙忠彬皆諸生孫明倫曾孫鍾良皆以進士入詞林

金珍州廩生性情醇厚學問宏博友愛肫誠人無間言誘掖後學州中士子多出其門

吳世官幼喪父善承母志少而好學游庠後以母之苦節聞於當事得請建坊生平敬以持身誠以接物倡修聖廟及觀音閣功未完醫已困以竣事五世一堂年八十有六

吳湛字潔川州武庠生性純孝母病割股以進得瘳後復病  
逝哀毀骨立卜葬於老虎山廬墓三年父歿卽葬於舍後  
朝夕號泣嘉慶元年舉孝廉方正辭不就

金鼎玉事親至孝其父殿仕家本殷富因事遂中落至饔飧  
不繼玉承顏順志每在外求得升斗必令其妻鄧氏舂熟  
乃奉親妻亦能善承其意妻之母家偶餽以肉食玉夫妻  
不以已饑餓一自嘗也有子二人玉教之勤耕貿易以助  
奉養後殿仕患足疾玉奉侍不離左右孺慕終身鄉里咸  
廣順州志

卷八

人物志

五

爭誦之

沈如蘭字瑞亭邑貢生性孝友母越氏守節日依母側不離  
居翁岡河距城五十餘里其充廩保送場後必歸省母逮  
考事畢往返十餘次足繭荒山不以爲勞母患足疾夜伴  
牀榻十餘年如一日母卒後旣除喪不飲酒不茹葷終其  
身云

義行

蔣世明州耆民廣順向無採辦牛油之例自乾隆二十年州

牧席於署貴筑任內發銀代辦遂沿爲例每逢鄉試貴筑移銀四十五兩買牛油一千五百斤胥役因以爲奸苛派民間害且數倍世明於嘉慶十年捐田租三十二石呈請收租變價每科照幫貴筑銀四十五兩自爲採買永除廢順代買之例閭閻至今稱道不絕

金湯肅字靜遠少年嗜學時思利濟及人家素貧棄儒而買家漸裕列肆五楹以其一楹貯棺木市之貧者畧議價簿登之任取而去積年既久其未償者不知幾許舉其簿概

廣順州志

卷八

人物志

三

焚之其他因時濟物之事類如此年邁子已游庠食餼有孫數人能讀書喟然曰市肆非肄誦之所也率其子若孫居於南鄉囊無餘資郭無餘田怡然自得後子以歲貢候選訓導孫四人俱成進士

文從周州廩貢生童生每遇州試禮書昂索卷價爭執無已甚有寒士因此不能招覆者從周慨捐銀四百兩置田穀二十石變價一十六兩逢科歲州試之歲給禮書作童生卷價寒士賴以省費其無考試之年穀價存書院以充膏

火

寇居仁號宅廣州庠生性慷慨豪爽遇人急難必多方代籌  
素精形家言尤得羅經秘授兼精選擇以故乞其指南者  
踵相接不受資財悉應所求無倦容無德色逝後鄰里有  
急每以無所告爲恨至今思念弗絕

劉起榮住擺了寨貧死無棺者施棺殮之歷年不倦

周德一國學生性爽直善排難解紛鄰有棍徒謀以妻易妻  
者德一知其事先送其欲易之婦歸以言折服兩惡少婦

廣順州志

卷八

人物志

三

免於易後兩惡以他故一自刎一自溺人皆服其善處

方技

蔣 精醫術能診視榮衛虛實辨晰微芒人有病相延不問  
貧富遠近卽時躬詣察治多所全活有杏林橘井之風  
春澤能讀書早歲游庠序咸謂濟人之報

羅萬福工繪事尤精山水見者以爲得雲林風味性傲岸心  
所不悅雖顯貴不能得其寸縑尺楮聞滇南山水佳勝攜  
橐往遊遂卒於滇

仙釋

明夏孟昌州人素有道行金筑司工官金振武赴京遇天師張真人問曰夏孟昌好否昔晤我於南天門外今有一笏爲我致之振武歸出笏示孟昌曰爾識此笏否孟昌曰此天師笏也振武曰何以知之孟昌云昔曾晤我於南天門外振武益奇之

趙鶴軒廣順人有道術善縮地法日行千里呼雷遣將祈雨立應

廣順州志

卷八

人物志

十五

自然西蜀人天啟年間披剃於州城萬壽寺詣白雲山觀建文遺蹟僅有蒲團一座遺像存焉自然卽以創建爲己任甫一年而殿閣咸成安帝像於上越數年左右廂樓暨外殿俱落成焉山故荒僻自是騷人達士遊山者始有憩息之所厥後欲覓幽僻之處建造禪林有鎮寧土人王善首以高峰應之自然登山卽露居七日而不下善首窺之但見有虎居僧旁不勝驚悸卽披剃爲弟子倡首募化創建樓閣名曰高峰山屢有徵異後仍回蜀壽七十而卒

馬洞神仙不知何許人日遊街市衣縷如丐動輒呻吟塗有  
死物拾負於背人嫌污穢莫與立談善醫小兒人求之卽  
將死物所熬之湯飲之輒效夜宿馬洞兩藤絆石身臥藤  
上見者駭然始呼爲馬洞神仙後與潘清逸往來最密數  
年不知所終

潘清逸邑庠生性剛直遇事敢言乾隆間大旱率衆開義倉  
以濟饑民州主怒詳撫憲二司會訊逸上公堂講孟子齊  
饑一章大憲以瘋魔了之後與馬洞神仙往來得遁甲之

廣順州志

卷八

人物志

五

術占風雨卜吉凶甚驗乙未歲清逸作古風一篇中藏元  
語驗後始知將卒一切喪祭事宜書單藏篋後人如命果  
無或遺

隱逸

陳宗器州廩生金應始州庠生俱學富才宏端方自矢康熙  
十二年冬因吳逆僭號爲周宗器遂與友人金應始匿迹  
耕讀不與考試開成後學懸匾於館門曰耦耕堂州之紳  
士半出其門宗器享年八十有八金應始享年七十有五

而終

耆壽

詹天壽年九十四歲孫曾繁衍子玉珂丁酉舉人孫文明亦有聲庠序

余攀桂年九十六歲州牧李給匾曰樂逾啟期

金殿貴現年九十四歲精神康健耳目聰明子二人孫八人曾孫五人元孫三人五世一堂

金殿唱現年八十九歲

廣順州志

卷八

人物志

美

金鼎毓現年八十五歲五世一堂夫婦齊眉毓生平樂善得享大年誠

昇平人瑞云



廣順州志卷九

列女志

節婦年例三十歲以下五十歲以上者存歿均籲請

旌表惟善善從長雖年例未符而守節多年當不沒其茹苦之志故錄之以勵風俗其有年例已符而登載未周者尙冀後之人留心採訪俟異日重修庶幾拾斯志之遺而補其闕焉至於節烈節孝以及女之貞孝者常變雖殊而立志不同本於天性堅貞故統之曰列女以歸一致

廣順州志

卷九

列女志

一

明

張氏服色土知州金大章妻年二十四歲大章故遺子燦甫四歲撫燦至十五歲承襲父職燦三十五歲以安邦彥之難死於王事遺孫湯氏復撫至十四歲仍襲職崇禎十六年州牧李申請巡按院潘旌其門曰矢志柏舟年七十餘乃卒

國朝

經氏金大廷妻年二十五歲大廷故遺長子珪方五歲次子

玕方週歲家極貧屢苦節訓子長子璠應恩貢官都勻教  
授後陞湖南羅田縣知縣次子玕庠生氏卒年六十九歲  
守節三十九年州牧劉元軾旌其門曰操凜冰霜康熙四  
十三年奉

恩詔建坊雍正元年以子璠官贈孺人

王氏姜昌瑞妻年二十七歲昌瑞故子兆熊年五歲依舅氏  
紡績教子兆熊後成歲貢州牧劉元軾詳請

旌表給額曰貞潔可風壽七十而卒

廣順州志

卷九

列女志

二

金氏吳自林妻年二十三歲自林故遺孤應瑞甫五歲氏撫  
之成立後見孫五曾孫一年七十餘四代一堂康熙三十  
六年州牧劉元軾給額曰節比松筠四十三年護巡撫布  
政司張建績題

旌建坊

羅氏吳佩之妻年二十四歲佩之故遺三子長世爵六歲次

世官四歲三世儒未週齡家極貧孝敬孀姑次子世官入  
庠長子三子俱成立守節三十六年乾隆三年巡撫張頴

旌建坊

李氏金瑞之妻年二十五歲瑞故遺孤湯垣未及一歲恒產俱無苦節三十四年教子孫皆成立乾隆六年巡撫張題

旌建坊

徐氏白珩之妻年二十四歲珩故遺子二長之曠年六歲次之曠年二歲家貧紡績爲業時遭吳逆之叛能保遺孤教二子俱入學守節六十七年乾隆六年巡撫張題

旌建坊

廣順州志

卷九

列女志

三

徐氏白之暉妻年二十九歲之暉故家貧子幼鬻食葬夫孝養孀姑病嘗糞味喪葬盡禮遺孤四人長者迭亡僅存幼子元良未週一歲紡績延師教誨名列州庠守節三十八年乾隆六年巡撫張題

旌建坊

謝氏越于鼎妻年二十歲于鼎故遺長子嵩僅三歲次子峯鼎歿一月始生氏葬祭以禮擇師訓子嵩己卯科武舉峯入貴筑庠及二子相繼歿又撫諸孫後峯遺孤志尹復列

庠守節五十四年乾隆八年巡撫張題

旌建坊

李氏許如龍妻年二十五歲如龍故孀姑尙存遺腹桂家貧以鍼指所入資生孝事孀姑始終無替教子桂入州庠守節三十九年乾隆八年巡撫張題

旌建坊

金氏雷子宣妻年二十六歲子宣故子之遠甫週歲苦節教子後之遠名列州庠守節三十年乾隆十四年巡撫愛題

廣順州志

卷九

列女志

四

旌建坊

王氏庠生金甸圖妻年二十旬圖故遺子澍甫週齡氏守節教子嚴而有法澍入庠歿復撫孤孫年六十有四守節四十四年題

旌建坊

沈何氏媳越氏俱青年守義兩世存孤何氏守節撫子克忠入庠娶媳越氏克忠夭折子如蘭甫二歲姑媳守節撫如蘭成立遊庠食餼嘉慶十三年請

旌建坊

周氏李維元妻生子慶長甫一月維元故氏年二十四守節  
撫孤慶長中乾隆丙午舉人氏年至八十八歲嘉慶十一  
年巡撫福題

旌建坊

金氏雷大和妻年二十四歲大和故遺子二長應春年四歲  
次占春一歲善事舅姑苦節教子應春入庠次子占春亦  
成立守節三十六年嘉慶二十一年巡撫曾題

廣順州志

卷九

列女志

五

旌建坊

湯氏周之岐妻年二十八歲之岐故無嗣繼兩叔子鉦良錦  
良擇師教訓鉦良入武庠錦良納粟入監氏守節三十六  
年嘉慶二十四年護理巡撫富題

旌建坊

韓氏蔣淮妻淮故時氏年二十一子成章甫二歲家無恒產

氏紡績課讀後成章名登國學守節三十一年道光元年  
巡撫明題

旌建坊

但氏寇廷璧妻年二十二歲廷璧故一子發科未及週歲氏善事舅姑教子入庠守節三十三年道光八年巡撫嵩題

旌建坊

葉氏蔣立儒妻二十七歲立儒故遺子二長全仁次全義俱幼家極貧撫長子全仁成立婚配天亡次子全義久病不痊茹苦不怨接課幼孫至於成立守節四十一年道光十八年巡撫賀題

廣順州志

卷九

列女志

六

旌建坊

魏氏拔貢生金士祥妻前翰林院魏大文之姪女適士祥未久士祥赴京朝考卒於京邸畢生苦節卒年八十二歲金氏處士彭萬善妻貢士金湯植女生子三二十五歲萬善故奉姑撫子今次子作沛已遊庠食餼姑歿喪葬盡禮族黨無間言守節四十年卒年六十五歲

雷氏張四教妻邑增生雷應春之長女年十七歸四教十九歲生子玉成殤四教故誓死守節繼子秉和今已成立

司李給志一節芳匾額現年四十九歲守節三十年例符請

旌建坊

池氏劉名芳妻長治里人年二十名芳故氏事翁姑以盡孝盡禮聞撫一子際泰今已入庠氏守節三十五年現年六十歲

賈氏文庠陳嘉謨妻歸德里人年二十嘉謨故有遺孤尙未週歲氏孝事翁姑慈撫弱子至於成立守節五十年今見

廣順州志

卷九

列女志

七

孫曾四世一堂

潘氏金鼎璉妻二十八歲鼎璉病逝遺孤三人鐘本鐘聲鐘亮氏守節艱辛備歷四十餘年善事翁姑撫孤子均成立族黨咸稱其賢前臬司李旌其門曰淑德貞操州牧嚴旌其門曰恒德之貞

附錄金溪節婦金潘氏傳

節婦金潘氏州城潘柏之四女金鼎璉之妻也年十九歸璉父母性嚴重氏善事之能可其意歸八年翁姑相繼辭世又一年璉卒時氏年二十八歲遺孤三長鐘本次鐘聲季鐘亮璉卒後數月而生家極貧戚鄰咸勸其嫁氏曰若三子何且異日何以見夫子於地下卒能矢志冰霜守節

四十餘年子之長者習爲商次子教之讀撫諸孤皆成立  
訓子媳以諧和此其守節撫孤以治其家者猶夫人也所  
最難者以酸辛之蓄積爲戚黨之勤施周人之急忘己之  
艱氏之素心如此而實體亡夫之心乃能有此忘一己之  
勞成故夫未完之志蓋述之而有迥異乎人者鼎璉孝友  
性成輕財樂與見戚里之貧窘者不惜解囊相助而每苦  
於力之不逮輒引以爲憾氏蓋知之最深迨其旣歿也氏  
朝蓺蔬夕紡絮一粟一縷備嘗物力之艱及子漸長成稍  
知貿易權子母略贏餘而氏之心血不知耗去幾何矣此  
卽不輟與人亦孰敢議其吝者然於其族黨也貧者賙之  
老者時饋遺之貸而非償者並已忘之亦不自知己之今  
稍裕而昔甚艱也且其夫弟鼎甲初艱於嗣卽以鐘亮爲  
之嗣繼而生子後貧不能養仍令其歸而爲之完娶教以  
謀生鼎甲夫婦生養死葬必令鐘亮委折盡禮此非洞明  
大義善全夫志而能如是乎夫曲全孝友與貧難而施及  
親族讀書明禮者猶難之而竟得之於閭閻中也是誠足

廣順州志

卷九

列女志

八

以風矣子故樂爲書之以其節足以傳而不僅以節傳者  
也

汪氏王文發妻年十七適文發二十七歲夫故遺子二撫子

養姑守節五十年

周氏廩生張啟明妻年三十啟明故守節孝事翁姑撫繼子

繼盛入庠壽八十二歲

丁氏國學生張啟皓妻夫幼卽病癩氏無怨言二十八歲啟

皓故氏撫繼子倫孝翁姑和妯娌壽七十八歲

張氏周述曾妻述曾浮蕩傾家故後無棺氏稱貸殮葬後戚



勸其改適氏志不奪變賣物產以償棺價日吾事畢矣可  
以從夫於地下矣密縫衣裳自縊死

張氏王 妻年二十歲夫故守節子元吉請

旌建坊

許氏張維綸妻年十九歲維綸故撫遺腹子珮壽成立守節  
四十八年

周氏唐誥妻年三十歲誥故守節二十二年卒

李氏黃爾誥妻年二十二歲爾誥故今已守節三十八年

廣順州志

卷九

列女志

九

嚴氏劉元儒妻年三十歲元儒故守節五十年

黃氏劉元林妻年二十歲元林故守節六十年

余氏文 妻前高安縣余學道之姪女夫故時氏年二十一

歲撫繼子定揚定榮事翁姑慈孝兼盡守節四十年

龍氏文 妻年二十一歲夫故撫繼子居窮自力好善樂施

守節四十一年

高氏金鼎位妻年二十九歲鼎位故遺二子氏養姑撫子守

節今三十年

楊氏章若池妻年二十一歲若池故三日始生一子氏事翁姑撫子成立卒年六十歲守節三十九年

熊氏詹玉龍妻年二十二歲玉龍故撫子文明入州庠守節今三十一年

袁氏章起坤妻年二十三歲起坤故撫子今守節三十年

吳氏楊琰妻年二十五歲琰故氏上事兩代孀姑撫一子萬清入國學五十八歲卒守節三十四年

程氏劉廷選妻年二十歲廷選故氏年八十六歲卒守節六

廣順州志

卷九

列女志

十

十六年

李氏魏正義妻年二十三歲正義故撫嗣子登國子孫成立守節四十一年

熊氏劉玉鼎妻年十四歸玉鼎五載玉鼎故遺子大顯長娶金氏生孫起儒大顯又故姑媳茹苦守節熊氏今六十歲

金氏今四十歲

趙氏俊秀謝廷陞妻年二十八歲廷陞故氏矢志守節善承姑志姑亦趙氏鄰有劉姓者夫婦俱逝遺一女姑憫其無

依撫如已出及長擇配何姓生一女夫婦卽逝氏又撫如  
已出其尙義如此今五十歲

金氏吳師孟妻年十七歸師孟二十七歲師孟故家赤貧族  
人助葬氏苦節至今年五十歲子俱成立

張氏朱聯璧妻國學生張學善長女聯璧業儒早逝氏二十  
五歲孝事翁姑撫子成立家極貧貞靜寡言笑今四十九  
歲

李氏景和春妻年二十九歲景和故氏督子勤耕筮戶自滴

廣順州志

卷九

列女志

七

今四十九歲

吳氏俊秀金名良妻夫屬單傳早逝氏二十七歲家貧奉姑  
守節山林寂處相依爲命族人憫之以族子爲其子今四  
十八歲

朱氏傅正綱妻尅坐人年十七歸正綱綱故氏二十七歲事  
孀姑撫一子守節二十八年現今五十五歲子已成立

陳氏武生傅占魁妻歸德里人年十六歸占魁占魁故氏僅  
十八歲事孀姑撫一子今四十歲守節二十三年子已成

立

尹氏郭隆先妻長治里人年十七歸隆先故氏二十五歲事孀姑撫子二人孝慈兼至守節二十年子俱成立

但氏金鐘順妻邑貢生但爲章之孫女年十八適鐘順鐘順故遺腹一子事祖父及翁姑孝養無失守節二十九年今年四十七歲子已成立

徐氏候選府經歷但明誼妻誼隨兄明倫御史任候銓卒於都氏年二十八僅一子蔭良矢志撫孤事翁姑至孝蔭良

廣順州志

卷九

列女志

七

少長日出就外傅夜歸氏績以伴子讀子稍怠輒督責而繼以涕泣倫以姪體素弱頗憐之氏謂蔭良曰爾幼孤吾亟望爾成立爾伯父之所以憐爾者何故我之所以督責爾者又何故爾宜善體之蔭良已補弟子員氏現年四十八歲

楊氏王瑄妻年

歲瑄故出殯時屢欲奔殉族戚勸防

之葬後自縊

金氏國學生魏學彬妻邑進士前房山縣知縣金鼎梅之長

女學彬爲戶部郎中魏鴻之長子氏年二十八學彬病歿  
氏事兩代孀姑備嘗艱苦姑逝後撫夫幼弟三人令皆讀  
書成立守節今已十六年

涂氏右軍守備趙發榮之子趙鑑妻榮卒於官年二十歲鑑  
卒遺子女各一未幾幼子亦夭折氏上事孀姑誓死守節  
無力回籍遂家於廣順年三十八歲守節已十八年

魏氏國學生雷必恒妻武生魏見龍之女必恒故氏二十二  
歲以胞弟必豫之次子景昌爲嗣踰二年卽天必豫有三

廣順州志

卷九

列女志

三

子卜昌復繼爲嗣氏待如己出現年三十二歲守節已十  
年

孝女王昭德父文榮母陳氏家寒無子女日以鍼指爲業  
親求婚者衆女見父母均六旬以外甘心不字營與房族  
姑嫂言吾父母雖家貧年邁有女何殊有子當積鍼指餘  
力以當大事求無愧於今生子職而已餘年何計乎現年  
三十歲

孝女某不知其姓氏里居聞母病數年醫藥罔效女割股以

進卒不瘳女自悔恨以爲心未誠也求婚者皆不許日夕對親靈痛泣誓茹素諷經終其身

孝女金氏年十八時母楊氏中風暴卒氏方在樓聞之一躍而下長號頓卒急救方甦嗣隨父鼎梅之任銅仁父病危篤刲股肉以進藉得稍延時日人皆以爲誠孝所感云

孝婦金羅氏州民金殿輿妻輿弟兄四人析爨後輿夫婦爭留母曹氏奉養姑亦喜婦之善承已志也家貧屋破值大雨屋陡傾氏急以身護姑姑體獲免而氏頭顱傷破血流

怡然曰但求姑得安全已身雖死何惜每得升斗粟常留奉姑而已私咽糠粃不令姑知族里咸推其孝

附錄節婦寇但氏傳稿

節婦寇但氏胞贈文林郎翰林院編修世之次女按察使銜兩淮運使明倫之從姊也年十五于歸廷瑜逮事翁姑仁繼姑李菽水承歡曲盡其孝姊姒間未嘗聞諍語夫習舉業以紡績助膏火資贖咸譽之積五年生一子一女而翁歿踰二月廷瑜繼歿氏呼天搶地誓不欲生姑慰之曰而死此呱呱者誰爲撫字耶慎毋博殉節名使而夫費恨九京也氏自是悲容稍斂親操井臼承順孀姑一如平常然燕私動靜未嘗有歡笑聲人或謔語見氏皆斂避姑喜曰節孝如婦吾子爲不死矣姑歿子忠年尚幼氏經理殯葬事悉如禮忠輔就學塾中歸輒以篝燈夜紡課讀如嚴師忠輔年稍長貧不能讀以閑騎射願就武試氏曰

是豈不足以成名耶汝勉爲之道光三年忠輔入武庫婦楊氏生孫男三人孫女五人女適州陳姓氏慨然曰婚嫁事畢兒亦成立吾志慰死可見兒父矣性質樸寬厚生平無清容無疾言厲色見者咸起敬道光戊子氏年五十四距守節時已三十四載例得請

旌親族以其事聞於有司有司上之朝廷建坊表焉現年七十神明康強福祿未艾人咸以爲節孝之報

蔣烈女者州諸生蔣繩武之長女也沈靜寡言笑許字同里張樂善三子啟仁仁不率父教逃亡二年無踪耗時女年十七樂善恐誤女致書於繩武索還聘書使另擇婿繩武初祕而不言一日醉意女已知其事因以張氏之信告慰

廣順州志

卷九

列女志

五

之女登樓入房痛哭女謂母曰兒已許張生爲張氏婦死爲張氏鬼父何以還其聘書母曰爾父醉語俟其醒問之女意似慰母下樓去女以刀自刎母聞樓中顛仆聲急往視女氣未絕救治復甦翌日女給母求粥復以手自裂刀創而卒州紳士鄒嶧杰等具狀聞於官以格於例未詳然女死之事一州人知之烏可不推原其心以彰其烈行哉

廣順州志卷十

風俗志

省志載貴陽府風俗引謝東山志云俗尙樸實敦禮教士秀而文民知務本又引沈思亮志云崇儒術重氣節處者恥爲污下之事仕者多著廉潔之稱又云風土近剛習尙從儉陴情每多質直器用絕少奇淫又云民務稼穡而鮮買遷士敦詩書而多彬雅廣順切近省城風俗本無殊異惟一二鄉間之小異者是爲不易之俗謹據父老所流傳耳目所親及者

廣順州志

卷十

風俗志

一

著之至於苗俗土人舊稿所存仍附於後以備采風者資考焉

城中無貧富子弟自六七歲以上皆教之讀通衢曲巷夜恆聞書聲士重衣冠貧者以布爲袍冬著棉不恥惡衣重長幼之序遭長者於道垂手立道左待長者過乃行雖肩隨之輩罔敢踰越士人以文字相攻錯無飲食徵逐之習近時尤務根柢之學研究經術者多四鄉尙質樸非賓祭慶會經年不入城村居多便衣小帽耕讀各世其業婦工不重組織勤織



紡以襄生業急租輸敬官長有戾此者士林輒不之齒相勸而化故無悖德焉

歲時元旦雞初鳴肅衣冠焚香燭迎竈神拜天地謁祖先賀

尊屬各敘拜遲明出賀親友

元夕前三日鄉落游燭龍於社鄉市張燈百戲鼓樂喧闐

十五日以元宵

糯米粉團中有餡蜜俗名元宵

供祖先年事乃畢次日各治

業如常

清明以柳枝插戶上塚增封懸楮錢於墓掃奠之後卽飲酒

廣順州志

卷一

二

其間雖遠祖之墓不廢此禮

端午人家以角黍相饋遺戴艾貼符飲雄黃酒菖蒲酒

中元日初嘗稻享祖考並有延僧追薦其先者

中秋作元餅並果品以祀月

重九日食糕泛菊酒登高

冬至士大夫行拜賀禮如元旦

十二月二十三四日記竈用飴糖小餅米豆爲供不以牲

除日用牲醴焚楮錢先祭天地次祖禰合家夜飲曰分歲闈

中歡笑坐達旦曰守歲

附苗民風俗不到廣順者不載

黔省苗蠻種類甚多有花苗東苗西苗牯羊苗青苗白苗谷蘭苗紫姜苗平伐苗九股黑苗天苗紅苗生苗羅漢苗陽洞苗黑羅羅白羅羅八番苗打牙犴犛頭犴犛木犛狃家苗土人苗犛犛苗蠻人苗楊保苗狗耳龍家苗馬鐙龍家苗夔人洞人宋家蔡家凡三十餘種風俗各異惟宋家蔡家馬鐙龍家乃戰國時楚伐宋蔡龍

廣順州志

卷十

風俗志

三

三國俘其民放之南徼流而爲苗者知中原禮義衣服祭祀婚嫁喪葬揖讓進退一稟於周而花苗東苗西苗牯羊苗四種淳樸外其餘皆不可以禮法教者惟土司官威刑始得以制之諸苗中犛家最惡而險通漢語知漢書到處皆有其種商賈於諸苗之中秉性匪良專造藥弩種蠱毒搆結生苗劫掠百姓爲害最烈捕則竄入深箐無從追緝生苗者無頭目不服土官鈐束雄而強者卽爲長或聚至數百人官兵至則遁而之他山逢人

卽殺見物卽劫土司官或統人四面截殺則盡之矣他日又有羣聚者仍然焚掠而狎家多通諸苗之言多識棘文之人復誘而入內地截殺商賈爲害不可勝言田綸霞雲撫黔設雕勦法始不敢出四境獲安見苗防

龍家其種有四一曰狗耳在廣順州康佐司依深林榛莽之間其近溪者入水捕魚猾若蠟獺男子束髮而不冠婦人辮髮螺結上指若狗耳狀衣班衣以五色藥珠爲飾貧則以薏苡代之春時立木於野謂之鬼竿男女

廣順州志 風俗志

卷十

旋躍而擇配旣奔則女氏之黨以牛馬贖之方通媒妁衣尙白喪服則易青人死以杵擊臼和歌哭昇之幽巖祕而無識以七月七日祭其先塋一曰曾竹龍家風俗

約略相似 一統志參 貴州通志

花苗在貴筑廣順等處所屬皆無姓氏衣用敗布緝條以織衣無衿竅而納諸首男以青布裹頭婦人斂馬鬣尾雜髮爲髮大如斗籠以梳裳服先用蠟繪花於布而後染之旣染去蠟則花見飾袖以錦故曰花苗每歲孟

春合男女於野謂之跳月擇偶遇喪則環哭盡哀葬不棺斂手足而瘞之卜地以雞子擲之不破者爲吉病不服藥惟禱於鬼宰牲磔雞往往破家終不悔悟以六月爲歲首其性慙而畏法其俗陋而力勤惟在鎮遠黎平有張陸姚李朱潘楊吳等姓不務本業結連白苗醜類成羣以殺掠爲生自勦撫後始皆歸化

狎家五代時楚王馬殷自邕管遷來其種有三一曰補籠一曰卡尤一曰青狎貴陽平越都勻安順南籠各屬

皆有之有黃羅班莫柳文龍等姓好樓居衣尙青男以帕束首婦人多織好以青布蒙髻長幫細褶多至二十餘幅拖腰以綵布一幅若綬乃以青布襲之性勤於織以十二月爲歲首斂牛馬雞犬骨以米糝和之作醅至酸臭爲佳稱富貴者則曰貯醅桶幾世矣每歲孟春跳月用綵布編爲小毬謂之花毬視所歡者擲之奔而不禁嫁乃絕之聘用牛隻以姿色定聘資多至牛三五十頭喪則屠牛召戚友以大甕貯酒執牛角灌飲醉或至

於相殺主人不食肉止啖魚蝦葬用棺以傘蓋墓上期年而火之以十一月爲歲首祭用枯魚歲時擊銅鼓爲歡土人或掘地得鼓卽以爲諸葛所遺富者不吝值爭購每畜蠱毒以殺人又斂毒藥以染箭鏃中人血濡纒立死出入必負強弩帶利刃睚眦之仇必報以椎埋伐塚綁掠無辜人口謂之捉白放黑以爲嫁禍之媒或聚衆劫掠或禦人於塗明時屢費征勦兵至則散兵去後聚然貴安等處夥居勢熾性多剽悍其散處各屬者頗

廣順州志

卷十

風俗志

六

馴良近皆安戢悍俗還淳多有讀書識字者

一統志參貴州通志

土人所在多有在廣順貴筑貴定者與軍民通婚姻歲時禮節俱有華風男子間貿易婦人力耕作種植時田歌相答清越可聽歲首則迎山魘逐村屯以爲儼妝飾如社擊鼓以唱神歌所至之家皆飲食之

貴州通志

接凡苗皆不知正朔無文字刻木爲信魘結侏儸誅茅構宇架木爲巢寢處與牲畜俱夜無臥具寒則挖地作鑪爇柴炙火食惟麥稗野蔬亦有糯稻至婚姻間用媒

灼然必抱子乃歸近經禁誡漸循禮法惟病不服藥尙  
鬼信巫積習難返諸苗大都如此

貴州通志

克孟牯羊苗在廣順州之金筑司擇懸崖鑿窟而居不  
設牀第構竹梯上下高者或至百仞耕不輓犁以錢鐻  
發土耨而不耘男女躑筮而偶生子免乳而歸其聘財  
親死不哭笑舞浩歌謂之鬧屍明年聞杜鵑聲則舉家  
號泣曰烏猶歲至親不復矣

一統志

附方音

廣順州志

卷十

風俗志

七

苗音鳩舌非翻譯不解其稱天曰各達稱地曰羅稱日  
曰奈稱月曰喇稱雲曰覩呼天晴曰魯內呼天陰曰乍  
內呼天晚曰茫內呼夜行曰晦際呼風曰箕呼雨曰僊  
呼雪曰拍呼山曰補呼上山曰溜補呼路曰能勾呼塘  
曰各印呼田曰蜡屋亦曰補呼耕田曰鑠喇呼耕地曰  
鑠落呼瓦屋曰背瓦呼茅屋曰補楚呼木曰果柱呼竹  
曰木籠呼花曰盆呼大官曰猛貴呼小官曰得官呼兵  
曰乍金呼民曰果乍呼苗曰果雄呼祖曰阿譜呼祖母

曰阿娘呼父曰阿巴呼母曰阿米呼伯曰馬龍呼叔曰  
馬腰呼兄曰阿那呼弟曰得苟呼姊曰阿亞呼妹曰亞  
苟呼子曰得帶呼女曰得帕呼姑曰阿孟呼姨曰能龍  
呼外祖曰阿達呼舅曰阿內呼媳曰能呼孫曰苗呼夫  
曰幫呼妻曰毆呼妻舅曰唵補呼親家曰把截呼朋友  
曰同年自呼曰委呼人曰蒙呼說話曰破多呼寫字曰  
身讀呼娶親曰內戳呼嫁女曰張得帕呼有喪曰達內  
呼葬曰兩內呼祭曰綽滾呼請客曰請內哈呼叩頭曰

不備呼頭曰多北呼耳曰果謀呼眼曰合眉呼口曰哈  
攏呼手曰阿斗呼腳曰果落呼肚曰果體呼髮曰果北  
呼看見曰乍蒙呼大曰隆呼小曰得呼肥曰脹呼瘦曰  
瘠呼好曰若內呼醜曰乍內呼哭曰業呼笑曰咒呼立  
曰鑠呼坐曰重呼臥曰卜夢呼快走曰獸呼慢走曰遠  
呼會水曰阿呼來曰擺呼去曰散呼黃牛曰大躍呼水  
牛曰大業呼虎曰木瓜呼馬曰大美呼騎馬曰藏美呼  
羊曰大客呼豬曰大把呼雞曰大哈呼狗曰大狗呼魚

曰大某呼鵝曰大奴呼鍋曰果碗呼罐曰果箸呼碗曰  
果折呼甃曰果灰呼桌曰記擺呼錢曰錢當呼銀曰硬  
呼銅曰果呼錫曰騫呼布曰劫呼籠曰果搭呼背籠曰  
果的呼鐵曰果撈呼箱曰雜文

狃狃往來浦市瀘溪經商貿易者能言客話與外人無  
異居村寨中未嘗至城市者則專爲土語又其自相問  
答俱不作客語其稱天曰板圍稱地曰府都稱人曰靈  
稱天晴曰凱稱風曰急稱雨曰浪上呼雲曰皮亮呼山

曰補呼上山曰留補呼溪曰夯屋呼路曰回勾呼田曰  
籽菜呼地曰納呼茅屋曰背楚呼瓦屋曰補瓦呼水曰  
蓋頭呼竹曰蓋腦呼小官曰躬貴呼大官曰聊貴呼兵  
曰曹呼客民曰凱去呼苗曰雙呼祖曰阿怕呼祖母曰  
阿屋呼父曰阿麻呼娘曰阿奶呼伯曰阿波去呼麻呼叔

曰阿幼呼兄曰阿古呼弟曰阿已呼姐曰阿亞呼外祖  
曰家公呼外祖母曰家婆呼妻曰屋呼夫曰保呼媳曰  
妹呼子曰得呼女曰得怕呼朋友曰把那自呼曰唯呼



人曰穆呼說話曰烏耍呼寫字曰隨紙呼討親曰覓處  
呼嫁女曰張得怕呼有喪曰擡來呼葬曰惱來呼祭神  
曰扯鬼呼請客曰請納凱呼頭曰扯北呼耳曰蓋謀呼  
眼曰蓋眉呼口曰蓋撈呼手曰蓋葡呼腳曰蓋達呼肚  
曰蓋體呼看見曰泡載呼不看見曰更迷載呼好曰肉  
樣呼醜曰窄樣呼肥曰脹呼瘦曰柴呼睡曰躡呼走快  
曰撇得尙呼走漫曰撇得栗呼過水曰投屋呼過船曰  
投隘呼黃牛曰泥擡呼水牛曰泥屋呼老虎曰沼呼馬

曰美呼騎馬曰藏美呼豬曰陪呼雞曰良呼狗曰果卉  
呼錢曰成當呼銀曰昂呼銅曰塘呼鐵曰羅呼布曰粟  
呼背籠曰果索呼打鼓曰扒縲呼打鑼曰打老呼烏鴛  
曰銃呼刀曰解毛去聲呼戩曰替昂呼稱曰替呼鹽曰納  
呼油曰阿撒呼火曰澳臺呼燒火曰抵臺呼天冷曰才  
去聲呼天熱曰回呼小米曰搓糧呼大米曰搓謀呼糯米

曰搓茂呼喫飯曰囊裏呼喫酒曰叶呼喫茶曰旗上聲呼  
喫肉曰囊芽呼帽曰蓋幕呼戴帽曰頭蓋幕呼衣曰亞

呼靴曰窠呼褲曰正卡呼升曰賞呼斗曰戴呼過年曰貫者呼上曰留奔呼下曰落奔呼高曰率呼低曰矮呼殺人曰打來呼搶物曰皮賴呼相鬪曰厮排其土語銅輊格磔大類鳥音外人不能知其一字故驟遇接談者有不疑爲苗彼雖分辨亦無由曉也

此不過就數種記之而狎苗青苗其所呼又各不同不能備載大抵有音無字異種卽不能相通必以漢語附會之轉無謂也

## 廣順州志卷十一

## 藝文志上

昔人謂興文教爲撫綏邊荒第一要義旨哉言乎蓋文章盛則禮義興禮義興則強悍化廣順非無文也載籍無稽有之不足見重則文湮沉而志汨沒矣 國初有志稿甫成忽罹兵火故重修時存者愈僅今所採輯要皆就僅存之中而錄之其大者有裨於政治掌故卽游詠之文無關治理亦并存之固不必取以絮短長特欲使來者進於風雅士氣日開奇

廣順州志

卷十一

藝文志 疏

一

文鬱起爲郡邑光或可以諒登載之初心矣

## 廣教化疏

國朝

趙廷臣

爲貴州苗多民少急請廣示教化仰祈

睿鑒事竊惟貴州古稱鬼方自大路城市外四顧皆苗其貴陽以東苗爲夥而銅苗九股爲悍其次曰獐猪曰獐獍曰八番子曰土人曰洞人蠻人曰冉家蠻貴陽以西羅羅爲夥而黑羅羅爲悍其次曰狝家曰宋家曰蔡家曰龍家曰白羅雖種類不同要皆專事鬪殺不講孝弟忠信絕先王禮義之教尙強凌衆

暴虐之習其來舊矣故馭苗者往往急則用威威激而叛緩則用恩恩濫而驕稽古舜用于羽漢武封夜郎武侯縱孟獲非故寬之也皆有深意存焉蓋以教化無不可施之地而風俗無不可移之鄉也苗性至詐而可以信孚苗性至貪而可以廉感其作梗衝路宜效保甲之規其仇殺抄劫宜立鵬勦之法又賞罰之條必信餽送之陋必革凡此皆臣所當悉心力行不敢贅陳惟是我

皇上創闢大一統之業開億萬年文明之休乘此遐荒開闢之初首

廣順州志

卷十一

藝文志

疏

二

明教化以端本始其大者莫如作養世祿今後土官應襲年十三以上者令入學習禮由儒學起送承襲其族屬子弟願入學者聽補廩科貢與漢民一體仕進使明知禮義之爲利則儒教日興而悍俗漸變矣又莫如預制土官夫土舍私相傳接支系不明爭奪由起爭奪不已釀成變亂今後每遇歲終令土官各上其世系履歷及有無嗣子開報布政司三年當入

覲則預上其籍於部其起送承替時有爭襲騷擾者按籍立辦

斯方策明而夔端預杜矣此黔省馭苗根本之圖折衝樽俎  
之計倘蒙

皇上誕敷文德廣示教化使土屬入學習禮得與幫補科貢土官按  
籍襲替不致爭土奪職庶乎風俗丕變遠邇苗民共沾

王化無疆矣

題建文帝閣碑記

崇禎時按察  
胡運平

白雲山庵不知何時昉也世傳爲建文先帝潛龍遯跡之所  
理或然耳時帝望白雲而止故號曰白雲也其地開於定

廣順州志

卷十一

藝文志 碑記

三

番廣順之間紆途十里許徑迴澗曲而庵出焉高可百餘丈  
拾級登眺屹然峙於腰脊之半千巒獻翠萬水羅靑一奇觀  
也庵不甚廣且湫隘蕪雜益居荒僻文人冠蓋不嘗遊憩焉  
故庵堂羅諸佛居帝於側非不知帝土人不知禮也然而非  
體也余至惻然者久謂衆僧曰帝爲此庵開山之主宜獨居  
一室以長此香火而衆僧若未解所謂余循覽庵之右側有  
流米硎在焉流米硎者俗傳帝修行時米從石隙中出以供  
帝膳其說蓋荒唐不經或欲神其事耳硎之前不甚寬厥而

曠覽前峰則迴迤拱護奇態百出且俯瞰平地若出其上造物倘有意乎於是輟然喜曰是可以居帝矣乃謀之廣順州守柏君定廣都閭蔡君選期經始鳩工集材凡五閱月而成焉繪圖示余余展而觀閣不甚宏限以地雖小而可觀也稍避洞而左不欲掩洞而蔽明也不遠洞不忘帝所自也視庶稍偏而高不居正而能尊也閱二層居帝於上示貴也道出其左示人不敢褻也余覽而玩玩而喜因憶帝之蒙難而出也以深宮玉趾間關萬里而能於人跡罕到之處披雲霧剪

始於崇禎丙子季春成於斯歲仲秋余以竣役出疆不獲登堂瞻謁聊書此以見志

龍見傳

王德裕

龍見廣順州人生有明天崇禎間其弟名起忽一日起溺於河見赴水救之起免見竟溺死夫兄弟骨肉也溺河危難也祇知骨肉之甚重不知危難之難免篤於倫理者之所爲也龍見非所謂篤於倫理而死者哉嗟乎吾觀今之爲兄弟者或忌才名或競財利或聽婦譖或眩旁言致平地頓起波濤恨廣順州志

卷十一

藝文志 傳

五

不能推而溺死者往往而是聞龍見事可以愧矣

游記 節錄

徐宏祖

崇禎戊寅四月十三日止貴州寓吳慎所家十四日遂出司南門度西溪橋西南向行五里有溪自西谷來東注入南大溪有石梁跨其上曰太子橋

此橋謂因建文帝得名然何以太子云也

橋下水湧

流兩崖石間衝突甚急南來大溪所不及也度橋溯南來大溪又西南三里有一山南橫如列屏於前大溪由其東腋北出路從其西腋南進又南行峽間二里歷東山之嘴曰吧堰

塘其西南有雙峰駢起其東卽屏列山之側也又三里過雙  
駢東麓而出其南漸聞溪聲遙沸東望屏列之山南成逆峽  
溪形復自南來搗峽去卽出其東北腋之上流矣第循西界  
山椒溪沿東界峰麓溯行而猶未覩面耳又南二里始見東  
溪汪然有邨在東峰之下曰水邊寨又南三里曰大水溝有  
一一家在路側前有樹可憩焉又南漸升土阜遂東與大溪  
隔已從嶺上平行五里北望雙駢又三分成筆架形矣南行  
土山峽中又一里出峽稍折而東則大溪自西南峽中來至

廣順州志

卷十一 藝文志 記

六

此東轉抵東峰下乃折而北去有九鞏巨石梁南北界西上  
是爲華狁狃橋乃飯於橋南鋪肆中遂南向循東峰之西面  
行皆從土坂升陟路坦而寬九里見路出中岡路東水既東  
北墜峽下路西水復西北注坑去心異之稍下岡頭則路更  
密筍迴環有一家當其中其門西臨大道有三四人憩石畔  
因倚杖同憩則此岡已爲南北分水之脊矣蓋東西兩界俱  
層峰排闥而此中岡橫其間爲過脈不峻而坦其南卽水南  
下矣是云獨木嶺

或曰頭目嶺昔金筑司在西界尖峰下而此爲頭目所守處

從嶺南下



依東界石山行五里復升土嶺漸轉東南嶺頭有一窪中墜  
從其東又南向而上共二里乃下一里則有溪自西北峽中  
出至此東轉石梁跨之是爲青崖橋水從橋下東抵東界山  
乃東南注壑去經定番州而南下泗城界入都泥江者也於  
是又出嶺南矣度橋而南半里入青崖城之北門其城新建  
舊紆而東今折其東隅而西就尖峰之上城中頗有瓦樓閣  
闕焉是日晴霽竟日夜月復皎歷青崖屯屬貴州前衛而地  
則廣順州所轄北去省五十里南去定番州三十五里東北  
廣順州志

卷十一

藝文志 記

七

去龍里六十里西南去廣順州五十里有溪自西北老龍脊  
發源環城北東流南轉是貴省南鄙要害今添設總兵駐札  
其內 十五日昧爽出青崖南門由岐西向入山峽

南迤大路爲定

番州 五里折而南又西南歷坡阜其五里有邨在路北山下

曰菴樓木樹蒙密小水南流從其西入山峽兩山密樹深箐

與貴陽四面童山迥異

自入貴省山皆童然無木而貴陽尤甚

西北入峽三里

遂西上陟嶺一里逾嶺西下半里有泉出路旁土中其冷徹

骨南下瀉壑去又西下半里有澗自北峽來橫木橋於上其

水南流去路西度之復北上嶺一里逾脊西有泉淙淙隨現  
隨伏西北行兩山夾中夾底平窪犁而爲田而中不見水又  
西北半里抵西脊脊東復有泉淙淙亦隨現隨隱蓋此中南  
北兩界俱穹峰而東西各亘橫脊脊中水皆中墜不見窪底  
故窪底反燥而不瀦越西脊而下西北二里路北有懸泉一  
縷自山脊界石而下路南忽有泉聲淙淙成澗想透穴而出  
者半里轉而西行又半里得一邨在北山下曰馬鈴寨路由  
寨前西向行忽見路南澗已成大溪隨之西半里又有大溪

廣順州志

卷十一

藝文志

記

八

自西峽來二溪相遇遂合而東南注壑去此水經定番州與  
青崖之水合而下都泥者也於是溯西來大溪之北岸又西  
向行二里爲水車壩壩北有土司盧姓者倚廬北峰下壩南  
有場在阜間川人結茅場側爲居停焉壩乃自然石灘橫截  
澗水飛突其上而上流又有巨木橋架溪南北其溪乃西自  
廣順來

廣順卽金筑安撫司乃萬厯二十五年改爲州添設流官

由溪北岸溯流入爲廣

順州道由溪南岸逾嶺上爲白雲山道隨溪東南下爲定番  
州道乃飯於川人旅肆送火錢辭不受遂西南一里逾嶺又

行嶺夾中一里半乃循山南轉半里又轉入峽半里峽窮乃東南攀隘上其隘蘿木蒙密石骨逼仄半里逾其上又東南下截壑而過半里復東南上其嶺峻石密叢更甚焉半里又逾嶺南下隨塢南行一里是爲八壘其中東西皆山南北成壑亦有深坎墜成智井而南北皆高水不旁泄者也直抵壑南則有峰橫截壑口西駢隘如闕東聯脊成嶺乃東向陟嶺上一里逾其脊是爲永豐莊北嶺卽白雲山西南度脊也乃南向下山又成東西塢有邨在南山下與北嶺對是爲永豐

莊從塢中東向行二里得石磴北崖上遂北向而登半里而西半里又折而北皆密樹深叢石級迤邐有巨杉二株夾立磴旁大合三人抱西一株爲火傷其頂乃建文君所手植也再折而西半里爲白雲寺則建文君所開山也前後架閣兩重有泉一坎在後閣前楹下是爲跪勺泉下北通閣下石竅不盈不涸取者必伏而勺故名曰跪乃神龍所供建文君者中通龍潭時有雙金鯉出沒云由閣西再北上半里爲流米洞洞懸山頂危崖間其門南向深僅丈餘後有石龕可傍

爲榻其右有小穴爲米所從出流以供帝者而今無矣左有  
巖高迸而上透明窗中架橫板猶云建文帝所遺者皆神其  
跡者所託也洞前凭臨諸峰翠浪千層環擁迴伏遠近皆出  
足下洞左構閣祀建文帝遺像

閣名潛龍勝蹟像昔在佛閣今移置此

乃巡方

使胡運平所建前瞰遙山右翼米洞而不掩洞門其後旣出  
之絕頂逾而北開坪甚厩皆層篁聳木虧蔽日月列徑分區  
結靜廬數處而南京井當其中石脊平伏嶺頭中裂一隙南  
北橫不及三尺東西闊約五尺深尺許南北通竅不可測等  
廣順州志

卷十一

藝文志 記

十

水其間清冽異常而不減不溢靜室僧置瓢勺之余初至有  
見巨魚戲水面見人掉入竅去波湧紋激半晌乃定穴小魚  
大水停峰頂亦異也以其側有南京僧結廬住靜故以南京  
名今易老僧乃北京者而泉名猶仍其舊也是日下午抵白  
雲菴主僧自然供餐後卽導余登潛龍閣憩流米洞命閣中  
僧導余北逾春觀南京井北京老僧迎客坐廬前藝地種蔬  
有蓬蒿菜黃花滿畦鶯粟花殷紅千葉簇朶甚巨而密豐艷  
不減丹葯也四望喬木環翳如在深壑不知爲衆山之頂幽

曠交擅亦山中一勝絕處也 十六日仍從潛龍閣北逾嶺

至南京井從岐東北入深箐中聳木重崖上下窈渺穿粵透碧非復人世共五里則西崖自峰頂下嵌深墜成峽中窪停水淵然深碧陷石腳而水不縮不盈真萬古潛淵千峰闕壑也其峽南北約五丈東西約丈五東崖低陷空下者約三丈西崖聳陷空下者十數丈水中深不可測而南透穴彌深若穿山透腹一峰中涵直西南透爲南京井東南透爲跪勺泉者也崖上喬幹密枝漫空籠翠又東北攀崖東南度壑皆窮

渺之極壑東有遺茅一龕度木橋而入爲兩年前匡廬僧住靜處今茅空人去將度木披之而山雨大作循舊徑返深靄間落翠紛紛衣履沾透再過南京井入北僧龕僧鑰扉往白雲惟雨中鶯粟脈脈對人空山嬌艷宛然桃花洞口逢也潛逾潛龍閣自然已來候閣旁復令徒導由菴東登嶺角循之而北一里出其東隅近山皆伏其下遙山則青崖以來白龍里南下一支也稍北下深木中度石隙而上得一靜室其室三楹東向寥廓室前就石爲臺綴以野花室中編草繚戶明

潔可愛其處高懸萬木之上下瞰箐篁叢疊如韭略沓沓隔以懸崖間以坑塹可望而不可涉故取道必迂從白雲蓋與潛龍閣後北坪諸靜室取道皆然更無他登之捷徑也此室曠而不雜幽而不闕峻而不逼呼吸通帝座寤寐絕人寰洵棲真之勝處也靜主號啟本滇人與一徒同棲而北坪則獨一老僧也白雲之後共十靜廬因安氏亂各出山去惟此兩廬有棲者十二廬旁各有坎泉供勺因知此山之頂皆中空醞水停而不流又一奇也 白雲山初名螺擁山以建文君

望白雲而登爲開山之祖遂以白雲名之一統志有螺擁之名謂山形如螺擁而不載建文遺跡時猶諱言之也土人說其名爲羅勇今山下有羅勇寨土人居羅勇而不知其爲螺擁土人知白雲而不知卽螺擁山僻地無徵滄桑轉盼如此白雲山西爲永豐莊北嶺卽余來所逾嶺也東則自滇僧

靜室而下卽東隕頽然下對青崖皆爲絕壑前則與南山夾而成塢卽余來北上登級處也後則從山頂窺極窈渺北抵龍潭下爲後塢卽余來時所經嶺南之八壘者也此其近址

也其遠者東抵青崖四十五里西抵廣順三十里東南由茲  
貴抵定番州三十里北抵水車壩十五里 白雲山中有元

色白色諸猿每六六成行輪朝寺下

據僧言如此余  
早晚止聞其聲

又有苗

甚美大者出龍潭後深箐林木間玉質花腹盤朶徑尺卽天

花菜也

又有小者名八擔柴土  
人呼爲茅棗雲南甚多

自青崖而西有涓細之流其

西又有馬鈴寨東溪其西又有水車壩西溪皆南流合於定

番而皆自石洞湧出至白雲南又有荔貴鑼鼓洞水及撒崖

水皆爲白雲山腹下流皆東合於定番州其南又有水埠龍

廣順州志

卷十一

藝文志

記

三

在白雲南三十里有仙人洞其

北五里又有金銀洞白牛崖 其上流亦自洞湧出而南注

於都泥江則此間水無非洞出者矣 東望山脊蜿蜒自東

里西南分支南下迴繞如屏直抵泗城界此卽障都泥而南

趨者其山迴環而東中圍丹平平州諸司卽麥沖橫梁諸水

南透六洞而下都泥以此支環之也 老龍之脊自廣順北

東度上寨嶺東過頭目嶺又東北過龍里之南又東過貴定

縣西南又東過新添衛之杪木寨乃東南轉環蟒山之南東

過爲普林北嶺又東南抵獨山州北乃東趨黎平南境而東

過爲普林北嶺又東南抵獨山州北乃東趨黎平南境而東

度沙泥北嶺以抵興安分界 貴州東三十里爲油鑿關其  
水西流西十里爲聖泉北嶺其水東流北十五里老鴉關其  
水南流爲山宅溪南三十里爲華犴猪橋其水北流四面之  
水南最大而西次之北穿城中又次之東爲最微俱合於城  
南薛家洞東經襄陽橋東北抵望風臺從其東又稍北入之  
黃山東峽乃東搗重峽而去當與水橋諸水同下烏江者也  
十八日辭自然師下山一里半抵山麓西一里半有數室  
在南麓爲永豐莊皆白雲寺中佃戶也由其前西向尖中峽

廣順州志

卷十一 藝文志 記

西

中去是謂廣順州道由其前西去南轉是爲定番州道由其  
前北向逾嶺是爲土地關道先是自然爲余策所從曰由磨  
順安順西出普定其道近而兩順之間

廣順知州柏兆禱欲  
歸臨清安順土知州

近爲總府  
禁獄中

苗蠻伏莽可慮不若西北由東基出平壩抵普安

多行四十里而地僻苗馴可免意外余思由兩順亦須三日  
行走平壩路迂而行多亦三日可達普安遂不西行而北逾  
嶺其嶺卽白雲山之西垂也共一里越其北有塢東北向東  
南界卽白雲後龍潭之後西北界卽南嶺所環轉北而東屬



於龍潭東峰之下者其中平塢一壑南北長二里水亦中窪下墜兩旁多犁爲田是名八壘北竟塢中乃北逾石嶺共半里下北度獨木橋有塢自東北向西南是爲乾溝橫渡之北上半里是爲土地關下關半里鑿石坎停細流一盂曰一碗水行者以口就而啜之又西向一里半出峽由其北循山東北轉爲水車壩道由其西截塢直行一里半有邨在北山下是爲谷精從邨西轉又截塢而下一里轉入山峽有溪自西南而北卽從北峽轉而東去是水車壩之上流也其流自磨廣順州志

卷十一 藝文志 記

五

順州東北老龍南谷來者渡之又西越山坡旋下沂西來小流入其流東注南來大溪卽同之直向東去路溯溪南山峽逼仄時攀石上下二里餘乃西渡此水從其北西向又半里其北削崖高穹有洞上綴其門南向遂從其下西逾坳坳間石骨稜厲逼屬南山迴視前溪在其下不知從何而出當亦透穴之流也先是自然謂余此間如馬鈴堡諸水多從山穴出卽水車壩水亦流自穴中者不知卽指此水抑謂南來大溪也逾坳西稍下約一里有路交爲十字其南北皆從山嶺

上下有石磴逶迤乃廣順達貴省道也其東西卽逾坳而西  
下峽中者從峽西下半里又聞水聲潺潺有水深自坑底東  
注坳下信乎卽坳東透穴之水矣溯之山塢復開有邨在西  
山下是爲東基下寨從其前轉而東北則下寨山之北突也  
循之一里又西北轉則西界山純削爲石而東界則土脊迤  
邐又北二里有邨當北岡之上是爲東基上寨寨中懸小支  
盡處皆屋房鱗次非他苗寨所及由寨西北向半里有泉飛  
流注腋間由寨東而出寨當其中小支左右皆崇岡峻峽塞  
廣順州志

卷十一

藝文志

記

其

行者爲野鴨塘出平壩道遂從西北下山一里抵山下沿坡陀西行漸有小水俱從東北去二里復溯水入峽一里復陟嶺而上又二里遂西過野鴨塘有堡數十家在南山下其前有塘瀦水直逼北山然東西皆高不知從何而洩卽所謂野鴨塘是也繞堡前西南行半里望西北山崖間有洞高窈其前隴復有洞伏於下乃呼擔夫少停行李路隅余獨從西嶺橫陟之半里遂陟下洞之上隴不甚高然四面皆懸削不可下復稍西下山麓東向行遂得下洞洞門南向門中稍窪其

左透崖東出另闢一門門東北向其後旋壑下陷四面寬闊雖窪而不閤旣上遂透東門而出稍下從峽中西陟上洞洞門東向前有壘石爲垣後亦中窪而下然不甚深其上懸巖雖高中扃之玲瓏乳柱之爲矯反不若下洞也旣出復從峽中下轉前隴之嘴而西又經下洞前則前麓皆水草沮洳東與野塘相連而此卽其上流也忽聞水聲潺潺自下洞前石根透出歷沮洳之塢而東瀦於野塘者也又從西嶺下半里仍抵路隅呼擔與顧奴遂西緣山坳行西望三峰攢列外又

有峰繞之心以爲異又西四里有寨在南山下又繞其前循之左轉西南半里又逾一坳於是西行峽中其峽南北兩界排闥而前北卽所望三峰攢列者但在其內下望反不可見南則有崖高削上有一石倒垂石色獨白而狀如羊是爲羊弔崖逾坳至此又一里矣其北崖中斷忽露頂上之峰盤窩矗豎是爲唐帽山蓋卽前望三峰至是又轉形變象耳按志唐帽在省城南八十里天生橋在金筑司北三十里今天生橋在唐帽東北三十里是天生橋去省反近而唐帽反遠不

廣順州志

卷十一 藝文志 記

六

知當時何以分界也自然言建文君先駐唐帽後駐白雲志言其處可以避兵亦幽閤之區矣又西一里餘有峽而向下是爲豬槽堡路直西逾小脊而下三里則塢開南北路交十字於中乃橫截之渡一小水半里有堡在西山上曰柳家堡又北半里又有堡在北隴上於是循其右復西上嶺一里將及嶺坳有泉淙淙自土穴出其色乳白渾而不清逾嶺下其二里復塢開南北仍橫截之有澗在塢中其水甚小瀦而不流似亦北去者又西一里復上嶺其嶺南北石峰駢夾中通

一坳甚逼一里越坳而西見西壑中堰水滿坡始以爲策  
而實不流之波地循之又西一里則大塢擴然西署破垣橫  
障而北又北循溪有鄭在北山之嘴曰狗場堡乃湯吏部之  
佃苗也邨西平疇一塢爲膏腴之壤欲投之宿邨人弗納曰  
西去二里有邨亦湯氏佃丁其中可宿乃復西循平疇北隴  
行一里餘有石峰界平塢中削骨擎空亦獨秀之峭而險者  
透北挾而西又半里復得一邨人叩之其人閉戶遁去又西  
得一堡強入其中茅茨陋甚而卧處與豬畜同穢蓋此地皆

苗熟者雖未佃丁而習甚鄙令人反憶土蠻竹欄爲上乘耳

游白雲山記

國朝張樹

廣順州東四十里有白雲山層巒疊嶂如渴驥奔泉至此而  
止白雲盪峰頂陰晴皆見爲建文帝荒遊之所上有羅永菴  
菴前古杉三株長數丈其一經帝手摩至梢無附枝又有跪  
井舊無水神龍爲之湧波恒雨濼溢恒暘不涸時有雙鯉出  
沒其間取水者必跪汲乃可得余於癸亥之三月攝象斯  
州暇日命駕往游欲向寒烟臺錫之遺蹤至龍鹿苑

頽牆泉流息脈林鴉空噪巖蒼無聲惟嶺上白雲尚依依似  
舊也道旁卧一石碣鐫帝詩三首係州牧韓之屏重刻者其  
中牢落西南一詩作於滇南後一詩作於羅永者彙刻於此  
則韓公之疎也余旣別薛讀之遂策馬歸歸塗少轉有蒼嶺  
橫亘挾雲欲飛懸崖青石如婦人回首顧盼簪髻宛肖相傳  
有神媼每夜至帝所服役後被人覩歛化爲石又有沈潭淵  
浮滌淡沈碧無波相傳帝昔經此忽一靈犀躍出跪伏道左  
若聽媼策者噫鳥翼庚辰虎乳關班金狄灑淚泥馬騰波蛇  
衛顛頊之墓燕銜臨江之兆神獻管泆之劍龍春寄奴之藥  
往籍所載非同虛妄矣既作此記復繫之以詩

廣順州志

卷十一

藝文志記

二十

何年脂帝搆曾駐壽皇蹤鐵匣歸天數金川遯賊鋒驚心黃  
屋杳滿目白雲封草木旌旆節袞袞換袞龍虬供石洞米鹿  
時聞黎鐘受詔犀分木服勞媼化峰經途無白鳥一宿河至  
今無蚊帝  
宿直幹有青松江海團飄寄關山程濟從鷓啼篁竹裂襪  
淚瘴烟濃我到尋遺跡悲填萬古胸

西山夜台記

國朝

王德裕

廣順之西無所謂西山西山者總王道巖保合山諸峰而名之也昔人謠此二山嘗夜合宵行者莫得其逕因於中流之溪建橋一座而用金剛經一卷藏於橋石之陰面以鎮之其後遂不復合夫天下之鎮靜不遷者莫如山信如人言是將使山之塊然無情一如乎有血氣心知之物者豈非荒誕不經之甚哉願吾嘗靜觀此二山而似不無可疑者如保合山之上有一巨石如老翁而唐中者狀端坐南向王道巖之上有一巨石如老婦而髻者狀跂立西南向一翁一婦蹤跡旣奇而

氣機所至亦因有異事耶抑不知從何處化石飛來而於其夜也尙有人道之感耶抑此二山之靈爲之耶聞之羅山浮山相爲合體而海上三神因風雨以爲離合天地間奇詭怪變往往有出人意者吾又惡知西山之在昔不誠有如昔人所云也

白雲山序

國朝 周鍾暄 郡人

山以白雲名因景誌地以標異於衆也而遂以傳其傳者何以明建文帝遜跡之所事創聞耳目新故傳也考帝出亡時

足跡徧天下然他省咸泯沒無聞而茲山獨因帝顯帝亦因山以著者以金筑安撫司金鏞建廟於山肖像以祀施六莊以爲藩衛租豐課免以故緇衣者流棲止有所焚獻有資衣鉢相傳綿綿不已以至於今者蓋三百四十年於茲矣故宮禾黍徒付空言廟貌常新千秋不墜安撫之賢較行役大夫有足多者噫異矣古今治亂格不一律有堯舜之揖讓遂其奸雄傳禪之端有湯武之征誅爰起草竊篡逆之漸臣弑君子弑父推刃同氣禍及宗親層見叠出異事局同不爲異事

廣順州志

卷十一 藝文志 序

三

惟有明一代其事跡之變異有非人意計之所及也太祖托足空門出身皇覺提三尺劍不階尺土十餘載而成大業景以僧而爲帝也不再傳而蠶起家庭以叔篡姪金川失守鬼門出亡披剃度牒之神奇道士織舟之詭祕神藥觀之師弟卽大明殿之君臣是祖以僧而爲帝者孫以帝而爲僧潛蹤於蠻烟瘴雨之鄉侶木石而友鹿豕與二三從亡吟風弄月思長樂之雲氣憶朝元之雨聲淒楚情懷徒形篇什良足悲矣噫異哉破宇宙未有之天荒留青史不刊之佳話跡異事



奇非古今治亂之變局哉惟是斯廟之設所以安妥帝神非若他處之招提蘭若分祀我佛菩薩也余於戊寅之夏曾至茲山今又五十年矣再過之因序其事并系以詩云

虜身皇覺靖烽烟瓶鉢袈裟又再傳兩世空門同泡影一堂

猜忌動戈鋌星馳鐵馬乾坤碎帝入遐荒日月偏回首榆川

真蝶夢

成祖征西  
崩於榆川

老僧猶戴白雲還

一門相向極兵威十族魂飛王氣微孺子出亡愁北去元公

破斧竟南歸空懷補袞無長策剩有蠻煙臥衲衣欲迴當年

廣順州志

卷十一

藝文志

序

七

談往事白雲深處是邦畿

白雲山序

國朝

金

璠

懿文

白雲山寺前明建文皇帝遜跡之所先金筑安撫司創建以奉帝之祠也帝爲太祖嫡長孫姓朱名允炆少聰慧能文音惜仁慈至而剛斷歉洪武二十五年皇太子薨立爲皇太孫

一日太祖命詠新月詩帝詠曰誰將玉指甲招破碧天痕影

落江湖裏蛟龍不敢吞太祖不悅又一日太祖以風吹馬尾

千條綫句命屬對帝應曰雨灑羊毛一片氈更大不稱旨以

其皆非光昌象也帝額顛少偏太祖每撫而歎曰半邊月  
吾知其不克終矣然幸免於難洪武三十年五月太祖崩太  
孫嗣立改元以明年爲建文元年時有四川教諭程濟通行  
數上書言北方兵且起期在明年朝議以濟妄言逮入將  
之濟曰陛下幸囚臣至期無兵殺未晚也遂囚於獄時燕  
周代湘泯諸王以叔父之尊各擁三護衛重兵多不遜帝用  
齊泰黃子澄謀欲行削奪遂相煽動明年北藩燕王靖難  
起始出濟擢爲翰林院編修參謀議建文四年燕進至

廣順州志

卷十一

藝文志

序

詩

四方失守逼金川門爲王樞李景隆開門迎降勢危急帝  
閉諸后妃於宮內縱火焚之欲自殺濟曰不如出亡少  
鉞跪進曰昔高皇帝昇遐時有遺篋囑曰臨大難當發  
於奉天殿之左羣臣齊曰急出之俄而昇一紅篋至濟  
得度牒三張一名應文一名應賢一名應能袈裟僧帽僧  
剃刀悉備白金十定硃書應文從鬼門出餘從水關御溝行  
薄暮會於樂神觀之西房帝拜泣曰數也濟卽爲帝祝髮  
王教授楊應能曰臣名已符度牒願祝髮從亡監察御史

希賢毅然曰臣名賢應賢無疑亦祝髮各易衣披牒在殿凡五六十人慟哭仆地俱願隨亡帝曰人多恐敗露各宜取便諸臣大痛引去惟九人從帝至鬼門而一舟艤岸爲神樂觀道士王昇見帝叩頭呼萬歲曰臣固知陛下今日之來也時昔高皇帝見夢令臣至此乘舟至太平門昇導至觀已薄暮矣俄而衆臣齊至共二十八人翰林院編修程濟教授楊廉能監察御史葉希賢兵部侍郎廖平徐王府賓輔史彬刑部侍郎金焦編修趙天泰按察使王良檢討程亨參政謝運刑

廣順州志

卷十一

藝文志 序

七

部郎中梁田玉中書舍人梁良玉梁中節刑部司務馮灌鍾撫牛景先王資劉仲翰林院待詔鄭洽欽天監正王之臣和郭節太監周恕帝曰今後但以師弟稱不必拘主臣禮諸臣泣諾廖平曰諸臣願隨固也但不必多多不過五六人餘俱遙爲應援可也帝曰善於是環席坐地道士進夜膳約定不離者三人楊應能葉希賢稱比丘程濟稱道人往來道路運給糧食者六人俱變姓名馮灌稱塞馬先生郭節稱雪菴和尚宋和稱雲門僧趙天泰稱葛翁王之臣稱老補鍋匠

牛景先稱東海樵夫帝曰吾往滇依西平侯何如史彬曰大  
家聲勢耳目衆多不若往來名勝東西南北皆吾家也臣素  
有家給尼備朝夕者卽駐蹕於此有何不可帝從之自是重  
番主於廖平王良鄭洽郭節王資史彬梁良玉七家者年餘  
次年成祖編籍在任諸臣逃去四百六十三人俱命削籍行  
文有司追繳誥敕吳江邑丞鞏德至史彬家追奪且曰閩建  
文帝在君家彬曰無之鞏微哂去帝聞次日卽同兩比丘一  
道人行餘俱星散由松棧而入滇備嘗苦楚每遇艱險濟輒

廣順州志

卷十一

藝文志

序

五

以術脫西游重慶到天台轉入祥符僑居西粵兩入荆楚之  
鄉三幸史彬之家至中問之結廬則以滇之鶴慶浪窮始黔  
之金筑終也於時雖有黔名尙未設郡縣今之廣順州向之  
金筑安撫司也瘴雨蠻烟深林密箐帝惟望白雲而行遙至  
此先登唐帽

鎮寧州境距白雲山四十里

覺動撼不能載次至生列天台

廣順州境距白雲山五十里

亦不堪卓錫遙見白雲起於東南跡之至羅

永寨其白雲籠罩處一山巍然方廣百畝俯闡萬峰朝拱儼  
若禁衛森嚴帝喜曰此吾托足處也遂結廬名白雲山行食

殆盡忽有米油自洞流出清泉亦自地湧來二三伴侶蕭然於中虎豹不敢侵苗獠不敢近時聽梵音聞吟詠忽去忽來莫定蹤跡凡所題詠不類尋常然不遽以示人故當時安撫司心雖異之敬禮有加餽遺不絕而並不知其卽建文帝也正統五年帝年六十有四出亡蓋三十九載頓起歸思出游西粵一日自詣思恩州向知州岑煥言曰吾建文帝也今老矣欲將骨骸歸傍祖父岑煥大駭聞之藩司飛章入奏改諭護送來京時應能應賢已死惟程濟從九月到京令臺臣廣順州志

考厥眞僞有老閻吳亮者年七十餘向事帝亦令探之帝見輒呼曰汝吳亮耶亮曰非也帝曰吾昔偏殿食子鵝遺片肉於地狗舐之乃故曰非是耶亮伏地哭帝左趾有墨子摩跣之持其踵復大哭不能仰視退而自經於是迎入西內稱老佛以壽終程濟聞之歎曰今日方終臣職矣始引去至是朝野傳播始知向之結廬白雲山者乃讓國遜荒之建文非得道遊行之高僧也金筑安撫司鏞始爲之擴廟宇兩重蠲莊田六所充其賦六莊庵腳團茶罷乃龍坑擺拱牛王廟共六

處莊田招僧肖像而祀焉洎萬歷九年設州後崇禎年間復得按院胡公諱運平州牧柏公諱福兆接續增輝而白雲山

寺以傳今考其遺跡簷下有井深不二尺闊不三尺四季澄清舍之不溢取之不窮傳自龍宮湧來後人務跪取水始出因名跪井寺旁有石罅米油從此流以供帝用人少不見有餘人多不見不足帝去油米遂止然其跡猶宛在也寺門雙杉對峙大可三十圍傳爲帝所親植因其枝葉礙道帝出入以手分拂至今惟南北分枝而中間兩面獨虛扶疎老幹令廣順州志

卷十一

藝文志

序

三

人有物是人非之感山中蚊蟲不生蛇虎絕跡盛暑不熱隆冬少寒鳥語花香松青竹茂餘如望天洞帝每登之以望神京棋盤山帝時游之以會仙侶白驪死墳塚巍然此皆班班可考者昔人云聖天子有百靈扶助良不誣也然萬里深山之地虎狼雜處之鄉飢何以食渴何以飲而能履險如夷安然無恙若是耶今日四方遊屢塞道充庭撫茲勝蹟慨想當年莫不稱異流連不置誠以天之垂佑一人而不欲使之罹於難也獨是昔之建廟本以祀帝非以奉佛吾知千百年後

凡遊斯地者莫不謂然歎曰靖難版圖安在也讓皇猶有白雲山可慨也夫

平亂說

田雯

紀平播之功曰李化龍死水西之變曰王三善其人同其事合其心一而要之用兵各殊故成敗亦異也方化龍之督黔以平播也與黔楚撫臣同心併力一出於勦旣授命則移鎮於重慶而黔撫郭子章駐貴陽楚撫支可大駐沅州相犄角也必俟延寧四鎮河南山東天津滇浙粵西徵調之兵大集

廣順州志

卷十一

藝文志 說

五

然後啟行最慎重也分兵八路川師四路總兵劉綎從其入以參將麻鎮隸參政張文耀監之總兵馬孔英從南川入以參將周國柱宣撫冉御龍等隸僉事徐仲佳監之總兵吳廣從合江入以遊擊徐世威等隸參議劉一相監之副將曹希彬受吳廣節制從永寧入以參將吳文傑宣撫奢世等隸參議史旌賢監之而中軍率標下遊兵策應黔師分三路總兵童元鎮統土知府瀧澄知州岑紹勳等由烏江參將朱鶴齡受元鎮節制統宣慰安疆臣等由沙溪總兵李應祥統宣

慰彭元瑞等由興隆參議張存意按察司楊寅秋監之湖廣偏橋一路分兩翼總兵陳璘統宣慰彭養正等由白泥副總兵陳良弼受璘節制統宣撫單宜等由龍泉副使胡桂芳參議魏養蒙監之以偏橋江外爲四牌江內爲七牌五司遺種及九股惡苗盤據故也而紀律嚴黨與散矣部署已定大會文武於重慶登壇誓師諸道竝進以抵婁山關爲期諭之曰關外且戰且招多不勝誅也關內疾戰勿受降師不可久賊詐不可信又以劉綎素有威名薦綎於朝委以專制人或疑

其夙與應龍昵則延入臥內輸心腹且以危言激之引其分顯九絲功爲比致令綎大慟願誓死報又以水西爲應龍婚姪也恐陰佐賊則走檄以詰之以故灑澄僇其修好之使安疆臣執賊二十餘人以明不背志氣旣一非同築舍之謀駭兵旣得治兵又有次第任用又得其人先翦其翼次伐其謀復伐其交是以海龍圍合應龍勢蹙投降之書立焚拜表之欺不售而倉皇自盡妻子并俘自出至滅賊凡百十有四日而事平也若王三善則不然初則奉命撫黔聞變募兵率皆



烏合之衆非久練也平越一戰而敗旣憊縮而不前視重圍之困不啻秦人之於越必待舊撫李樞大聲疾呼而後勉強以應中情怯也乘西賊之傲一鼓而潰遂以賊爲易與而欲解散赴調之兵驕必敗也率師輕進未幾而還再抵大方又欲反轡舉動擾也雖三路分兵而卒皆遠調帥俱不和主容不敵形勢弗習也其所任則惛懦之魯欽馬炯所信則詐降之陳其愚用非人也懸師虎穴弭節逾年中隔渭水之河聲援已絕儲糗六廣之岸轉輓多艱失所據也督主撫而撫主廣順州志

卷十一

藝文志 說

圭

勦心膂未齊前跋胡而後竄尾進退維谷事權分也師老而財匱事拙而勢屈况爲陳其愚所賣烏有不敗者哉嗟乎黔地山川險阻異常狼子婪心不知漢大未有提十萬之師而不爲餼糧計深全軍之入而不爲孤注虞者兵法云圯地勿戰圍地勿攻又曰兵貴有謀以多算勝自宜先定其規模非可漫嘗於一擊也况水西之地十倍於播播猶八面圍而水西止以一面攻播無遠近之援水西則有烏藹之助化龍乃以全力制之而勿敢輕三善則以獨力任之而不爲意何其

謬哉然而身沒戎馬心同皎日視死如歸英烈猶存王中丞之忠固史冊書之黔人祀之歷千百世而不可泯者矣

南霽雲康保裔說

田雯

南霽雲之得祀於貴陽以其子承嗣之爲清江太守也康保裔之得祀於麥新以其子繼英之爲貴州團練使也然二公又自有其可祀者唐書霽雲與張巡同傳睢陽射賊臨淮借兵至今讀之凜凜有生氣攷宋史保裔爲高陽關都部署亦以戰死其人謹厚好禮喜賓客嘗操矢三十引滿以射管鑰

相連而下貸公錢十萬勞軍沒後新吏鬻器玩以償此皆與日月爭光者豈必待子而後儼然廟食乎傳曰能禦大災則祀之能捍大患則祀之貴陽壬戌之受圍也城垂陷守者登陴而哭賊忽見旌麾甲馬布列城上乃不敢入是則南公之捍患也萬厯戊午春不雨官民迎康公而禱之公像不滿三尺介冑赭面鼻夫踉蹌流汗雷雨隨至歲以大有是則康公之禦災也况其撞門書號靈蹟不一郭青螺張鳳臯諸君子嘗稱道之矣安見貴陽新麥之不可祀而必以其子之故哉

雖然自古忠臣孝子文章道德仗節死義之士生歷其地沒則爲其地之神如馬伏波神於壺頭張桓侯神於閩中柳儀曹神於柳州理或有之無足怪者若夫二公者一宜神於睢陽一宜神於天雄於黔無與也使不有令子爲之後官於黔以顯其父之賢則詩書所載世之曩英往哲可祀者多矣夜郎之人亦奚取渺不相屬之二公而爲之立廟乎則謂二公之祀以其子也又宜矣愛其人尙不伐其樹况愛其子矣而有不俎豆其父者乎承嗣歷三州多惠政繼英入賀眞宗歎

廣順州志

卷十一

藝文志 說

三

其世篤忠貞二子亦人傑云

黑神廟說

田 雯

禳火之役首告祝融之神高辛氏司火也次祭南明河之水從黔俗也次又詣黑神之廟而致禱也神姓名霽雲廟在黔城之內凡水旱災祲癘疫兵革之事有禱必應能有功德於民而民受其賜血食於斯不知歷幾百年士人以其長冠戟髯而貌之黓也故曰黑神云攷南公范陽人行八爲唐名將射賊將尹子奇喪其左目立功睢陽生平未嘗入黔也黔

何以有公之廟也黔通志所載名宦公有子名承嗣者爲清江郡太守歷婺施涪三州多善政後自請討王承宗有戰功豈土人之所祀者乃其子而非其父歟抑或其子宦遊此地曾爲父立廟遂相沿數百年而尸祝俎豆之無已歟唐至德二年尹子奇復圍睢陽城中食盡張巡令公犯圍而出告急於臨淮賀蘭進明擁兵不救愛公勇壯具食延之公曰睢陽之人不食月餘矣霽雲雖欲獨食且不下咽大夫坐擁疆兵曾無分災拯患之義豈忠臣義士之所爲乎因嚙落一指以廣順州志

卷十一

藝文志 說

書

示進明曰霽雲旣不能達主將之意請留一指以示信嗚呼亦偉矣哉宜乎其爲神之聰明正直能大有功德於黔民也夫有功德於民而祀之者正也今禳火之役禱而祭之而遂無不應火災以弭而民受其賜蓋黑神之靈焉故並書之

白雲山說

田 雯

貴陽城南七十里建文遜跡之所上有羅永庵庵前有井名跪井汲者必跪乃可得水俗傳以爲溪龍所獻以飲帝者又有流米洞帝居庵時洞中流米供帝及帝去則不復流又有

大杉數株謂帝手植枝葉皆南向嘗題三詩於壁人傳誦之  
論曰吾於紅篋一記疑之者舊矣半月之言明祖早知其不  
終然則何不舉國以授燕王如唐文皇故事必待金川事起  
而後爲行遯之謀俾其流離瑣尾少延旦夕乎旣入滇以依  
西平何不乘仁宗旣殂高煦告變之時而說沐氏以伸大義  
乃自甘流落每至以淚洗面豈說之而沐不肯從抑帝本無  
意於光復舊物耶旣已決意東歸不從程濟之言何不直詣  
京師而又久憩此山耶且是時楊葉雖亡程濟尙在何至煩  
廣順州志

卷十一

藝文志 說

三

飲食於鱗蟲鬼神耶蓋荒唐之甚者後帝詩爲同寓僧竊去  
自稱建文詣岑瑛言狀瑛聞之藩司繫僧並及帝蜚章以聞  
詔械入京廷鞠之僧實楊應祥論死從行十二人戍邊帝有  
南歸之思仍白其實迎入西內稱老佛以壽終旣云稱佛壽  
終則程濟之著得兌之歸妹又何以云大凶金火之相尅耶  
事之有無俱未可知矣

茂學說

張澍

余攝篆廣順州之日暇則進諸生校論文藝率皆條流紛糅

訓辭樸僊由其采掇陳言罔知晉學也乃倣古人讀學勸學  
勸學厲學之文爲茂學篇以訓之 余聞之葛洪曰學者所

以清澂性理飾染質素也徐幹曰學者心之白日也王符曰  
學進於振而廢於窮顏之推曰不學者遇議論得失蒙然如  
坐雲霧劉晝曰人不學則才智腐於心曾由數賢之言味之  
學烏可已哉今夫蒸棗之温也不琢之不耀夜豪曹之勁也  
不淬之不剗犀欲超萬里於瞬息必假遺風之堯欲凌巨浪  
以泳游必泛畫鷁之觴是以蟹之不縑則素絲蠹矣目之不

廣順州志

卷十一

藝文志

說

姜

茶則吳篔瓊壞矣海蚌不剖則靈珠隱矣崑竹不斲則元音闕  
矣故曰爲山者基於一簣之士以成千仞之峭鑿井者起於  
三寸之坎以就萬重之深也而顧集詬無志喆窳無心蠡午  
於細銳汗顏於羣雅如視肉之不學乎且所謂學者豈徒泥  
訓詁摘章句等女史之頌詩內豎之傳令已乎走蟻含卵天  
胡爲而覆笠斷齧步亥地胡爲而息壤日月何以有朏朧山  
川何以有肺目鬼神何以有形聲制氏之樂何以僅記其鏗  
鏘叔孫之禮何以祇通於縣籥非可概例諸六合之外矣太

吳稽象以畫卦燧人因時以鑽火有熊聞鳳鳴而調律侯剛  
觀鳥跡而作書是皆大聖人之學乎神明而發乎物類也不  
此之循而喬宇鬼瑣之是急勞思慮而不知道費日用而無  
成功是瓊甌瑤釜無爨炊之用也鏐弓鈸絃無激矢之能也  
故曰不聞咸池之音者不知絲竹之幻眇不覩袞龍之章者  
不知毳麇之須捷也夫周公多藝也而朝讀百篇仲尼履度  
也而鐵鎗三折墨翟周歷載文盈車仲舒命世目不窺園倪  
寬帶經以粗耨路生截蒲以寫編黃霸下宣室以受業寧越  
廣順州志

卷十一 藝文志 說

三七

窮晷夜以劭功用能究覽道奧窮測微言且曾子七十乃學  
名聞天下荀卿五十游學卒爲碩士公孫宏四十餘方讀春  
秋朱雲四十始學易論語皇甫謐二十始授孝經論語終成  
大儒爲世所仰是以六藝備則卑鄙化爲君子衆譽集則孤  
陋邈於貴游故曰覩百抱之枝足以知其本之不細也覽汪  
澦之文足以覺其人之淵邃也雞之知將旦也鶴之知夜半  
也運日作目者非之知晏也陰諧之知雨也鵲巢知風之所起獺  
穴知水之高低也騰蛇無翼而翔空蝓羌無鼻而聞香曲蟻

無口而揚聲水母無頭目而率魚蝦帝江無面目而識音樂  
皆物之知也物知之而人不知則蠶珥絲而商弦絕賁星墜  
而渤海決銅山崩而洛鐘應嶢山陀而薄洛竭麒麟鬪而日  
月蝕鯨魚死而彗星出問之有罕漫者矣其何能識五酉而  
辨一鵝注紫橐而定楮酒哉昔敬仲矚兪兒曼倩喻畢方廣  
川識重常中壘曉負貳元遜辨奚囊士深審仲師陸澄明服  
匿壯武歎海鳧束皙洞羽觴之委長睿明爭首之器崔曠析  
羊腸之坂敬宗知顛頊之墟貢父證契丹之駁士秀詳孟婆  
廣順州志

卷十一 藝文志 說

三

之神江淹推科斗於周宣斯徵解錚于於干寶束之引影娥  
於洞冥貽孫實婦跪於渤海鄭欽悟山銘於州里賢儀對乾  
德於四年以及辨鼯鼠之豹文聆角觴之人語數白馬之祠  
祭驗鮫鯉之歸附考商羊之肉鼓測神人之玉形何神之有  
學而已矣人無論智愚倘磨礪以就素業咸足洞性靈之奧  
區極文章之骨髓矣故曰咎繇雖暗而與辯者同功晉野雖  
瞽而與離朱齊明也



按神爲唐將南霽雲范陽籍也黔人以其長冠戟須而貌黝稱之曰黑神其香火無處無之幾與關壯穆等而其威靈響捷也亦幾與壯穆埒吾想夫尹子奇之復圍睢陽也爲至德二年城中食盡至掘鼠羅雀延喘堅守陣雲若深衝梯爭舞公奉張巡之命犯圍突出告急臨淮賀蘭進明昧捍圍之義腐敵愾之心坐擁疆兵無援掇意猶復愛公魁岸具饌延留公憤激慷慨痛生靈之命就枯念主將之精已盡乃嚴責進明以忠臣義士之爲嚙指淋漓射矢浮圖誓掃烽煙還滅賊

子志雖未就不可謂不壯矣死而爲神豈虛也哉顧黔人之祀之者或以其子承嗣爲清江太守有惠政也而尸祝之又或以其子曾立廟貌也因相沿而俎豆之然當壬戌苗變貴陽受圍城陷祇炊黍時耳而旌旗甲馬忽見睥睨蟻賊辟易城以獲全矧夫霑澇愆陽火災疾疫有祈必應黔之人荷賜良多其漚鬱舛蠻犇走而恐後也固宜

楚詞云余旣滋蘭之九畹兮又樹蕙之百畹注蘭爲都梁香

與澤蘭似澤蘭又名虎蘭譜云春蘭葉細夏蘭葉細而長秋  
蘭葉大而澤冬蘭葉差大葉皆不冬凋春蘭一幹一花夏秋  
冬蘭皆一幹十數花山蘭瘠而小建蘭肥而大了蘭最貴莖  
生歧枝也廣志云蕙草綠葉紫花鄭樵曰卽零陵香葉可代  
香非今之蘭審矣後人不識蘭草蘭花爲二種遂以一幹一  
花者爲蘭一幹數花者爲蕙號曰蘭蕙芣矣黔雖荒微亦有  
燕尾魚鮐披拂於長坂曲谿樵者輒隨聚草刈之以爲薪余  
於馬鞍山在廣順州采得六本藝於庭前聞之甚馥馥與朱子所  
廣順州志

卷十一

藝文志 說

早

謂葉無氣質易萎弱者迥不同乃眞王者香也爲歌離騷一  
章

循隱谷兮襄羊聞幽蘭兮歆香言采采兮紉佩芳菲菲兮彌  
章搴紫莖兮擘綠葉羌羅生兮山之疊暎翠羽兮回翔汜光  
風兮膏露接忽反顧兮浩歎公子去兮雲端無同心兮當門  
忌秋風敗之兮余涕汎瀾戶服艾兮盈盥曾不知蘼蕪之清  
高豈其未見兮九畹實秉德之不昭藝吾逕兮豁吾肩如游  
蘭澤兮登蘭亭願芳馨以自愛兮長無絕此青青

長壽草說

張樹

廣順署後卽馬鞍山古樹叢林虬蟠雲結而懸崖峭陂尤饒  
奇草鬱鬱青青要皆神農農磨曆之所未嘗壯武博物之所未  
志也暇日摳衣而上柔茵綠鋪斂人眉宇爰藉之賞玩見有  
葉舒如梅瓣者圓莖修枝枝卽抽於葉心枝各一花花分五  
瓣色深碧中蕊鬚猩紅亭亭蓓秀不與羣草伍問之小隸對  
曰長壽草也岷然異之夫員邱有不死之樹食之延壽郭景  
純遊仙之所詠也洛陽光明殿前有長生樹二株晉華林園

廣順州志

卷十一

藝文志 說

望

植長生樹二株皆樹也惟周髀算經言中衡左右冬有不死  
之草漢武時日支國獻活人草三莖人死者將草覆面卽活  
又河圖玉版云防風之二臣以刃自貫其心而死禹哀之乃  
拔其刃療以不死之草是皆與窟真宅靈巒名山乃產此嘉  
卉供仙夫之餐黔蠻鄉也毒霧淫霖蒸生莖莽蔓延充塞道  
蕪難行每思如薤氏法芟夷蘊崇之矣無論無朝虹之垂輪  
芳苴之戲鳳洞冥之燭夜望舒之隨時吉雲之飼織離馬日  
地之招三足烏卽却睡迎涼之葉護門懷夢之菱組綸布帛

之英功德文章之秀概未之見顧安得長壽名葩媿昭巖返  
魂之香驂瓊苑不朽之芝哉或異域音訛稱爲未可知也然  
聞今廣西柳州亦有不死之草如茅食之多壽此草疑卽山  
經之萇草云

驅虎文

韓之屏

朝廷釐正陰陽設官崇祀凡以翦除凶奸安民福物使其神  
空托於名官或失其政頑冥尸素縱暴殃民當神與官之均  
責矣之屏以菲材承乏茲土爲政日淺功德未孚固不若秦

廣順州志

卷十一

藝文志 文

望

山之婦夫子死猶不舍其鄉花縣之長猛虎聞卽絕流而渡  
邇者州治介在萬山固虎狼窟穴獨賴尊神陰制其命以爲  
民主乃今虎蹟頻凌傷殘畜類尤可異者白晝招搖竟窺城  
市雖蠢然無知若律以烈山而焚遠驅藪澤之義則虎與豹  
固不宜與 朝廷命官雜處此之屏之涼德似難格幽尙冀  
尊神爲國福民諸如虎狼異類祈迅赫雷霆驅之四裔庶山  
城雞犬長得眠月臥花版籍黎民齊躋春臺壽域則我官與  
神享其廩祿血食當亦無慚於衷矣謹白

春遊白雲山賦

王德裕

融融乎綠縵平原葱蘢曠野和氣披拂鳥音靜雅望境上之  
玉屏臨城頭之天馬瞻薰氣之洋洋思登臨而脫灑客告於  
子曰有白雲山者乃前明建文皇帝之遺跡也向者靖難兵  
起直搗南揚大風掩隊鐵騎連疆迂儒固皆覆餗奸將莫敢  
頡頏焚妃后兮慘烈啟遺篋兮驚惶捐彤廷而不顧由鬼門  
以出亡棄袞冕而祝髮憑一葉以飛航西粵祥符已悼顧瞻  
之蹙蹙南溟鶴慶復嗟靡賜之皇皇於是遁入黔都幸遊金

廣順州志

卷十一

藝文志

賦

學

筑冒險於蠻烟障雨之鄉肩摩於鑿齒雕題之族欲棲身於  
唐帽動撼而莫載其身偶借宿於天台譴呵而不與其宿踞  
踞焉涼涼焉瑣尾流離直不勝窮途之哭然而事惟遵祖之  
命天必默記於心不居殺叔之名天亦應垂其目乃忽焉紅  
日高朗清風乍迎非烟非霧郁郁榮榮質任卷舒卽從龍而  
類聚氣蒸山澤遂觸石而成形片片魚鱗波泛蓬萊之島層  
層綺繡天開圖畫之屏勢迤透而絕續色淡素而空明帝曰  
噫嘻此白雲也其將示吾以行歟爾乃掛袈裟挑錫杖跡其

依依疊影之蹟覓其冉冉排空之向徘徊便旋俯仰惆悵忽  
有一山巍峩在望乃步武以前趨爰至止於其上至則未遽  
以爲棲遲之所也而先審視乎山之狀爾其山之爲狀也則  
茗堯岌葉嶂啐嶙峒岑杳拂鬱岡巒縱橫含溪藏露毓秀飛  
英青霄透出丹氣憑生歷高峰而怙冒控蜃洞以深閎障九  
龍而聳峙孕金鳳以崢嶸飄渺兮同廣寒清虛之府皎潔兮  
似麗濃素練之城蓋其集慶雲之彩涵太白之精非丹崖赤  
壁所共擬豈黃華紫蓋所能形是以白雲山名焉結茅爲庵  
廣順州志

卷十一

藝文志

賦

畧

翦荆爲圃聽鳥噪爲嵩呼據列峰爲擁護觀明月爲嬪妃觀  
時物爲賁賂豺狼虎豹避其蹤山木鹿豕同其趣若夫簷前  
跪井擴不數尺深不滿尋大旱不能渴霖雨不稍增味同乎  
醴泉而甘美氣類乎香井而偏淋直身以汲者徒手而不獲  
一飲屈膝以求者俯首而潤已及心無風自波同於浪井原  
頭石髓溢於釜鬻豈非天賜帝以有樂飢之所而使人因井  
以抒敬帝之忱也哉其道旁有雙杉帝所栽培天爲優渥中  
經拂拭而無枝外則紛披而沃若梗楠雖大難以較其貞恒

松柏後彫差可同其堅確彼人望貞幹之扶疎莫不仰聲靈之赫濯其上一洞名曰望天帝每登之泣涕漣漣縱目所如遙見禁城夜月凝眸一視儼然故國山川跋予其不遠恢復以何年瀟瀟焉徒令後人之悲歌慷慨徬徨躑躅於其間其洞上有二石罅徑寸方圓一名流油靈膏涓涓而溜用之不竭一名流米玉粒滾滾而來食之常鮮擬神所輸兮固屬誕矣謂山所出兮更覺荒焉胡爲乎朝有饗夕有殮勝似輸粟納米之貢澗乃質香乃味不減山珍海錯之筵此要皆紫宸

廣順州志

卷十一

藝文志 賦

望

仍有象蒼帝始週全也其下有白驪之墳惟帝所瘞蓋常出力驅馳抑且連年奔蹏霜蹄雪尾兩入荆楚之鄉玉骨冰心三駕史彬之第患難相偕艱阻共濟素稱猛虎之將誰與比倫夙號攀龍之臣孰敢並例今觀馬鬣之封應似牛眠之地其上有棋盤山帝所遊戲兵車布置恍如列宿之分垣士卒糾紛儼若九州之各據邀仙侶而盤桓會真人而闢敘關機一著聊寬百集之憂世事如棋永作千秋之記至若行殊佛子族盛魚鮪堅匿於枕筥衾帳之內肆其寢皮食肉之私景

略多捫遍逃齒頰而弗覺紀昌善射巧避鋒鏑而不知惟蚊  
與蚤實爲厲之誰謂誅蚊則火攻猶必以火而乃制其死或  
云殛蚤宜水戰亦必以水而始橫其尸乃一自帝之遊於此  
山固杳乎不知其所之矣繼以貴宦增修名家恢擴宇峻牆  
雕楹丹桷刻思君而肖像咸欽天子之威嚴獻鼎則招僧致  
使薦馨之不忒花磚砌地曲曲兮龍之遊傑閣參天峩峩兮  
鳥斯翼玉箋滿座錦心學士之詞宗丹字高懸金馬名公之  
匾額徑花叢而舞蝶翩躚嫩柳綠而流鶯囀舌風和日晶烟  
廣順州志

卷十一

藝文志 賦

景

霏彩徹晴霞與野鳥齊飛翠柳共碧天一色登此山也鮮不  
心曠神怡忽然竇獲把袂槩桓歡吟自得者也乃歌曰青山  
巍白雲飛老佛去兮胡不歸猿啼兮未住野芳兮猶霏彼靖  
難兮安在獨建文兮有依



廣順州志卷十一

藝文志下

建文帝詩四首

閱罷楞嚴磬懶敲  
笑看茅屋與團瓢  
南游嶂嶺千層拱  
北望天門萬里遙  
款段久忘飛鳳輦  
袈裟新換袞龍袍  
百官此日歸何處  
惟有羣鴉早晚朝

風塵憶昔忽南侵  
天命潛移四海心  
鳳返丹山紅日遠  
龍歸滄海碧雲深  
紫微有象星還拱  
玉漏無聲夜永沉  
遙想禁城

廣順州志

卷十一

藝文志 詩

一

今夜月六宮猶望翠華臨

牢落西南四十秋  
蕭蕭白髮已盈頭  
乾坤有恨家何在  
江漢無情水自流  
長樂宮中雲氣散  
朝元閣上雨聲收  
青蒲嫩柳年年綠  
野老吞聲哭未休

斷絕紅塵守法宗  
清高不與世人同  
牢鎖心猿歸定靜  
莫教意馬任西東  
禪杖曾挑滄海月  
袈裟又接祖師風  
吾今滿眼空門事  
幾箇知音悟了功

按馮魁撰滇考載建文遜跡事明紀靖難兵破南京建文帝以被火聞竄得太祖遺命薙髮從水關出自蜀入滇

往來廣西貴州諸寺中 正統庚申出思恩語寺僧道實常事不敢隱以聞於朝 迎入大內以壽終 常賦詩牢落西南云云 無第一第二第四首又引稱致身錄與從亡日記所紀 帝至滇年月 歷歷可攷 四庫書提要斥其建文逃跡不免沿致身錄之說 謂此也

詠建文閣

按院 胡運平

憶昔潛龍攬德輝 叢荆蔓棘白雲飛 侏僂策杖聞經唄 椎髻招羣識衲衣 碧草千重圍佛座 青山萬疊鎖禪幃 勞臣登眺無窮意 聊倚高崖悵落暉

詠跪井

胡運平

廣順州志

卷十一 藝文志 詩

二

錫杖何年卓 此林持瓢跪 乞意何深 靈泉不禁 千人酌飲 水無忘一跪心

題州署

國朝 劉元軾

謾言州治屬山城 萬疊青峰拱向明 綠樹陰濃形似繪 絳雲繚繞瑞常迎 印林花落春千片 琴榻聲傳月幾更 美錦自慚初學製 閒庭凝佇不勝情

題白雲峰

刑廳 程世采

勒馬奔程去 遙瞻大法禪 白雲迷古道 紅日映前川 深山惟

鳥跡荒徑斷人煙樵子懸腰斧行人架弩絃人家樓石畔玉  
輦駐巒巔古木穿林峪蒼苔繡地眠入山臨虎穴繞地見龍  
泉御榻藏幽洞綸音著石筵來參微妙諦先謁大羅仙悟道  
輕塵世談經重太元石糧能有幾佛法永無邊武帝興前代  
文皇續後緣神游通四海龍返上層天俯視羣山小回瞻一  
水纏日出神清爽風和氣靄然夜來明月上雨過百花鮮因  
此忘身世何須覓市廛悠然昭勝蹟萬古永留傳

乙丑秋游白雲山

金 璫

廣順州志

卷十一 藝文志 詩

三

困龍伏處白雲環近在州東咫尺間水自簷前隨跪起米流  
石罅若神頽少年天子老於衲錦繡皇圖變作山事異蹟奇  
游屨滿慚余八十始登攀

白雲懷古

貢士

張其誨

江東羣雄紛紛逐歷數三百歸尺木如何身親致太平不再  
傳禍起骨肉當時文孫有九有左右謀臣盡庸朽區區建議  
削宗藩遂使操莽施毒手倉皇夜半出重門袈裟銅鉢西南  
奔草間求活成底事空嗟白髮悲聲吞我來入廟訪遺跡流

米跪井今尙存雙杉百尺枝南向捍蔽雨雪明朝暎昔日天  
子今老佛歲久遺像猶彷彿行人朝宗百蠻拱香烟四時氣  
勃鬱滄海桑田幾紛紛青史猶存革命文成王周公今安在  
萬古悠悠空白雲

前題次同年張傲軒韻

有引

乙酉貢生  
河南庚縣

周璠

讓皇披緇之後玉輦無聲忠蓋喋血之餘金甌漬淚覓三丰  
於西南邊傲永樂書詔猶存迎佛老於牢落荒陬居庸墓田  
晦跡惟茲卓錫錐地雅號白雲試尋挂榻孤蹤空留丹井破

廣順州志

卷十一

藝文志 詩

四

壞人間家國咄哉和尚做軍師剪裁天上袈裟允矣帝王成  
佛祖山河依舊風景維新請看今日之域中猶是前朝之天  
下奸雄骨冷誰誅莽操於九原譜牒潢分孰易姓名於尺木  
莫返旣失之履屣敝如遺故燃已溺之灰薪傳永息乃傲軒  
張子別有遐心而懷古佳篇尤徵軼事策駒空谷命駕未遑  
遺響足音微吟可誦抒情懷之眞摯極憑弔以徘徊蒼涼激  
楚之詞招魂欲赴斧鉞風霜之義褫魄難逃補史筆而非傳  
疑考稗官實足取信成王安在方正學不愧衣冠聖主有靈

半月兒終期圓滿所恨草間求活經祇一卷楞嚴若令江表  
守成穀貽二京孫子良以旦明司歷數勿將成敗論英雄余  
也近居金筑之鄉耳熟金陵之事幾欲效客兒搜輿悵烟雨  
之迷離勉思和情望談詩慚推敲之拙陋功推筆削擬游夏  
而贊一詞韻續陽秋撫風騷以長太息幸入名山明龍潛之  
志無遺野老興麥秀之歌云爾

鹿已有歸燕更逐飛上帝京澤滅木不悲九廟生烟塵但悲  
同室慘魚肉高皇衣鉢古未有傳子傳孫不可朽

選高僧侍  
諸王之國

廣順州志

卷十一 藝文志 詩

五

胡爲伽藍卜蛟餘仍令和尙慘辣手景隆失守金川門金甌  
缺處猿鶴奔纔知新月詩有讖江湖影落蛟龍吞鍾阜燕山  
遞拋擲惟有白雲巍然存雲來雲去了寂寞淒涼夕照兼朝  
曦當年迎歸號老佛款段袈裟今彷彿自嗟牢落四十秋千  
秋談者怒猶鬱羣鴉早晚徒紛紛帝紀煌煌遺建文可憐河  
山三百載不及荒陬一片雲

白雲山

州貢士

吳旦

壁立高千仞山山裏白雲靈鍾因日月秀孕結氤氳名以遐

荒立杉經御手分土人勤伏臘猶說建文君

前題

乙卯貢士  
任四川令 謝賜鉞

白雲深處說龍潛龍去山空跡宛然尙食已歸蕉鹿夢神輪  
猶貢雨花天忍將駿骨埋荒草愁向金川哭杜鵑勝負至今

凡幾易還留一局惹人憐

白雲懷古用金懿文韻

四川  
縣令 周濬

金川門外甲兵環龍去鼎湖一霎間燕北除奸章屢上淮南  
割地詔徒頒庸愚誤國開藩釁君父蒙塵竄遠山神樂觀中  
廣順州志

卷十一 藝文志 詩

六

相灑淚白雲飄渺謝追攀

前題集唐

王德裕

金陵王氣黯然收劉禹錫有感中來不自由杜牧堪歎故君成杜

宇李商隱白雲千載空悠悠崔顥

遊白雲山集唐

吳澍

龍護瑤窗鳳掩扉李商隱花宮仙梵遠微微李頎閣中帝子今何

在王勃滿目碧雲空自飛譚閉之

白雲山懷古

吳澍

秦鹿秦亡與秦紀楚弓楚矢得楚里其間但能謝祖宗何必  
社稷君身死篡奪終爲後世議仁義終爲後世美旣曾撫我  
而爲君誰謂國亡無廟祀我到白雲觀聖跡胸中別有一波  
此流覽遺蹤讀古詩不暇辨其真僞爾中丞接院最雄文著  
論胡爲不如是歎息當年西內去徒令後人生疑似

白雲山

吳澍

江南赫赫帝王州祝髮何堪尙遠遊祇冒姬公成漢莽姑從  
金筑託黎侯巖巒裂石驚泉出洞壁穿窩見米流靖難再能  
廣順州志

卷十一

藝文志 詩

七

施削筆四年終不比千秋

又

吳澍

殺劫因何未了天金壇路到遞蠻烟書生謀國誠迂矣志士  
從亡亦黯然南北交鋒疇昔夢古今大覺一歸禪當時非得  
西來意誰植雙杉不計年

題白雲山杉樹

吳澍

亭亭靜質鎖禪垓傳道曾經御手栽直至而今常泣思一番  
風雨一番哀

題白雲山跪井

吳澍

萬丈青峰半壁天  
白雲深處湧靈泉  
蛟龍不識君王貴  
那得盈盈到殿前

題白雲山石洞

吳澍

一自燕飛上帝譏  
潛龍頓掩白雲扉  
至今憑弔棲遲處  
怕聽黃鸝泣翠微

在路吟

吳澍

白雲遙望在山坡  
並轡同遊三渡河  
一路行來人跡少  
沿山

廣順州志

卷十一

藝文志 詩

八

聽去鳥聲多纔觀  
幽徑迷秋草轉見懸巖掛  
薜蘿行至團茶  
聊憩馬紆徐緩步出林阿

上山吟

吳澍

一出團茶卽上山  
羊腸曲步幾多灣  
未臨僧院聞雞唱  
方到山腰見鳥還  
喬木森森青嶂裏  
白雲冉冉翠微間  
重樓殿閣曾瞻仰  
清爽怡人萬慮刪

遊山吟

吳澍

謁罷文皇衆聖賢  
逍遙徧覽步山巔  
苔鋪異石雲封徑  
藤掛



幽崖水咽泉樹上有聲蟬度曲林中無語鳥逃禪晴空萬里  
開圖畫放眼烟嵐天外天

和孝廉吳羹調廂樓壁間原韻

吳澍

潛龍穩步入黔陽駐蹕斯山闢帝疆天子一朝成老佛禪林  
千載仰文皇白雲片片同天老古木蒼蒼共日長四十餘年  
雖晦跡於今祖法尙留芳

臺基放馬

吳澍

放馬臺基看佛場白雲來住樹蒼蒼炎歎到此皆消盡但覺

廣順州志

卷十一

藝文志 詩

九

清風一味涼

樓窗看山

吳澍

樓上推窗四遠看羣山羅列獻層巒雲天一目窮千里心境  
超然眼界寬

登白雲峰頂

吳澍

曲逕通幽上碧岑白雲一片靜禪心山靈慣解人游賞時送  
松風度好音

登文皇閣

吳澍

閣踞白雲峰頂上文皇南面位居中羣山俯伏皆朝拱萬里晴烟一目空

詠石池

吳澍

曲水一灣注石池海棠崖畔映漣漪青山倒影雲留跡洗耳巢由好賦詩

詠雙杉

吳澍

雙杉夾道植山腰御手曾摩風不搖左右了無枝葉附亭亭並峙出雲霄

廣順州志

卷十一

藝文志 詩

十

登白雲山感文皇軼事

吳澍

雍刀度牒與披緇秘記存留事過奇天命果知原有定廷臣何必苦爭持

殺叔之名恐受污行軍每囑太迂疎龍爭尙講天倫理此是儒生過泥書

三載仁恩徧帝疆謳歌戶戶頌君王燕藩一旦兵戈起致使蒙塵走四方

文皇仁聖實無辜拋擲山河是腐儒若使齊黃經濟好燕兵

何自逼南都

齊黃鼓惑削藩權致令乘輿有播遷四十餘年翰隱後西山  
歸葬老於禪

北平兵起入南都天子蒙塵幸蜀吳歷楚游滇行筑國白雲  
山裏混泥塗

金川門啟隱文皇入蜀游滇幸貴陽遙望白雲堪駐蹕開山  
作祖建禪堂

文皇隱跡出金陵海內浮游若漏卮四載白雲山裏住還都

廣順州志

卷十一 藝文志 詩

十一

歸骨老於僧

天子一朝成老佛白雲千載尙多情試思成祖今何在青史  
徒留篆字名

天子潛龍隱白雲木魚敲月和經聲至今遺下鐘和鼓旦暮  
朝參拜聖明

遜國潛蹤續佛燈白雲深處托爲僧袈裟著體忘真相應與  
牟尼共上乘

萬國久成清世界斯山猶自奉文皇袈裟半臂留千古老佛

何如與帝王

游白雲山

吳安世

白雲來往護層層  
遯跡斯山作聖僧  
廟貌儼然丹陛闕  
萬年天子萬年燈

又

吳正世

白雲深處好逃禪  
半臂袈裟永著肩  
今仰至尊金闕相  
定知萬古御南天

又

嚴坦齋

廣順州志

卷十一

藝文志 詩

三

山間常滿四時春  
中有白雲擁聖人  
瞻仰不窮來往客  
一番題詠一番新

題詠一番新

又

吳德美

白雲片片度山巔  
此處登臨別一天  
聖祖佛田耕不了  
千年香火鎖蠻烟

又

王敬公

樓閣重重出碧霄  
白雲深處絕塵囂  
羣山四面皆羅拜  
儼是君王坐受朝

游白雲山感建文故事

章詒燕

白雲山巔雙古佛曾騎六龍磨赤日來時渥丹去華顛幾輩

殘僧守衣鉢

閣中塑兩佛像以來日尚少去日已老故也

洞爲室兮山爲宮前有

跪井泉溶溶

山顛有洞深可二丈許爲榻形佛殿前有井不盈亦不涸跪乃可汲

鼎湖弓劍不

復返是邪非邪疑塞胸吁嗟兮文孫嗣守東宮緒四載垂裳

蒞區宇豈期大內劫灰飛插腳紅塵無寸土從來爲國創非

常事勢原須細忖量嗣君恭儉本中主北藩英武類高皇何

當驟進參商計吾將此舉尤方黃方黃事儻身甘死從此神

廣順州志

卷十一

藝文志

詩

七

龍常失水倉皇出走竟何之小篋袈裟說原鄙

野史謂高皇知有燕禍預

置一小篋內

我來尋勝探白雲一峰高出青螺羣遺錯敗衲

詡故物饜紋袞繡明斜曛

僧出敗鐘兩片袈裟一領簾鉢一具鐘上隱隱有饜發紋袈裟繡雙

龍曾傳老佛歸西內恐有妖僧貌故君

相傳建文帝年八十迎歸西內稱老佛云

不聞英宗五載庚申歲托名尙有行祥輩

明史正統五年妖僧楊行祥伏誅以

其托建文帝也

子輿猶在成帝生難向魚龍辨真偽遺黎故老山中

住手指雙杉親植處

山門外夾道兩杉合抱高六七丈傳爲帝手植

紅羊小劫付東

流歸路棲鴉滿楸樹

詳請移長寨同筭汛駐廣順擺酌場奉准會勘紀事

州牧

楊兆奎

龍場建學士風移二百年來文化炳

康熙三十八年建文廟於龍場山設學宮

延及苗崖狎樓間

省志牯羊苗在廣順州懸崖而居又狎家貴陽屬皆有之性好樓居

安恬花

村圍繡嶺西南一市獨向隅距城迢迢匪人逞市次烟居百

餘戶遠邇蟻慕蜂逐影錯壤長寨並普里

今歸化

探囊捷足來

俄頃白晝奪金無避忌行商居賈迄不靜向來牧者多勤能

詎不遄奔勞巡省鳴張聞風已鼠竄咫尺鄰封事多梗遂令

廣順州志

卷十一

藝文志 詩

古

害馬去復留焦勞頻年成畫餅庚子杪秋余代庖聞此計緇

寬與猛造廬訪善過香山先達金公心所景

鶴臯先生時由歙縣解組歸田

公曰作吏亦良難鞭長莫及同短綆不有爪牙資坐鎮荏蒨

出沒迅難屏市南相距十五里茅屋幾家夜無警向設守兵

二十餘守兵閒散弁署冷棠疆吏事兩界分柳營羅卒兩地

併同筭係長寨廳屬其汛官則兼轄擺酌

彼武無用此需殷一轉移間造福永

經濟崇論余心佩言旋陳詞堅籲請上官仁民仁且明情勢

如睹目光罔

撫軍賀耦庚先生批飭卽會營勘覆

俯允所請無遲回一檄飛來

吏民幸所嗟民瘠吏亦貧相土程工憂心柄分俸僅供屋數  
椽諄諭勸輸思耿耿諭爾竭力苦亦甘一日輸財百世靖行  
見兵舍環官衙演武廳開戈矛整通闌帶闕共安堵晝掠夜  
翔羣繫頸始歎上官愷澤深鉅儒倡議惠心秉末吏瓜期如  
轉舍片牘報竣日引領古城人文舊彬彬此後武衛均四境

詠天生橋

吳中蕃

水弱無強力過山疏作橋鵲填忘歲月虹峙任逍遙未覺身  
飛渡空聞涉待招幽人原履坦逸步任凌霄

廣順州志

卷十一 藝文志 詩

五

詠蜃洞

吳中蕃

山水相爲幻成橋復結宮已能宏吐納安肯不玲瓏幾訝遊  
天上誰云入地中層樓如可構仙路定遙通

詠虎洞

吳中蕃

石骨自冥搜層層納蟻樓寒漿充古玉窳瀑釀春卣或有雷  
風隱焉知天地愁憑誰能得子吾欲問藏舟

詠平服長寨設立營汛

州牧 盧兆鶚

十三年任廣陽侯安攘何曾建一籌獻策重煩多士盧屯兵

共釋萬家愁，慚無經濟勞。  
王事幸有疆，封起壯猷自是。  
聖朝敷雨露，願同黎庶慶滂流。

步盧公原韻志喜

金大中

口碑載道仰盧侯，治久功高握勝籌。  
士頌文章民頌政，夜忘鍵戶野忘愁。  
南黔永賴平蠻德，北闕遙嘉贊化猷。  
金筑狼烟千載靖，從茲宦跡億年流。

題長寨營

金大中

調濟黔疆仰憲裁，皇恩重遠自天開。  
營安長寨威聲遠，馬

廣順州志

卷十一

藝文志 詩

六

踏焦山革面來，七屬蒼黎歌樂壤。  
安順普定鎮寧安兩州草  
平清鎮定番廣順

木上春臺謳吟載道，儔名頌徧祝長生佐鼎台。

題宗角汎

金大中

崇峰遙矚若兜鍪，此處登臨四望收。  
航水梯山羣拱服，頑凶桀驚已懷柔。  
六苗賦役爭投櫃，百砦刀環盡易牛。  
何幸儒生瞻峻烈，峩冠並轡喜來游。

題羊城壘

金大中

百二崖梯透碧霄，千尋嶺上夜鳴刀。  
苗蠻過此吞聲泣，自悔



從前不受招

題堊上峭樓

金大中

參差石逕與雲連  
峭閣高懸兩柱天  
信礮不殊真霹靂  
響聲到處熄蠻烟

題火連忙

金大中

披雨連忙三度關  
營成壁壘建新闌  
纜貅百隊如星布  
立馬羊城堊上山

題者貢山

金大中

廣順州志

卷十一

藝文志 詩

七

路險崖高性不同  
多年負固化難通  
若非盛代開新陣  
安得蠻山入望中

題長寨

金大中

逋賊非緣此地偏  
王師到處盡安然  
從今山水咸熙泰  
已化萑苻作市廛

詠餓死坡

金大中

休謂前人不愛身  
甘心絕粟以成仁  
每逢故老求真跡  
不亞西山採蕨人

詠墨綠烟霞

吳中蕃

朝來拄頰向烟巒，螺黛深含似可餐。爲是荒郊無潑墨，常教留作畫圖看。

詠玉屏擁翠

吳中蕃

峭壁千尋半入雲，霞光晚照自成文。南荒亦幸同瞻就，捧日丹心世共聞。

詠南湖秋月

何殿武

訟庭多暇鑿南湖，一水空明湛玉壺。何但漑田滋粒食，偏宜廣順州志

卷十一

藝文志 詩

六

倚棹狎鷗鳧，沉雲留影如藏石。得月搖光似弄珠，共道廣陽新氣色。劉隄曾滅六橋無。

詠墨綠烟霞

金大中

幾家村落繞城東，夕靄朝嵐致不同。遠擬卿雲浮郭外，最宜微雨罩花中。春溪映掩籠新柳，秋徑蕭疎襯古楓。漫道廣陽無勝概，常騰瑞色滿長空。

詠白雲留跡

金大中

依雲遯跡幾經秋，片片猶疑補亂邱。酌井獻開驚鯉見，杖藜

踏破共身浮從龍亮節今誰匹  
逐鹿當年事已休羨不隨風  
爲聚散常同帝德駐山頭

詠聖水調符

金大中

誰鑿山腰湧碧潭綠光澄澈映晴嵐  
潛淵化鯉雖堪餌倒結沙蘆未許探  
可借清泉爲曉鏡難容俗客試停驂  
龍牙漫道由時喻每吐洪流潤畝南

題天馬呈圖

金大中

青巒北峙廣城基形勝崔嵬勢若騏  
海窟初遶沾翠蘚背文廣順州志

卷十一

藝文志 詩

九

連斷列乾離雄風未許青絲控瑞彩  
微通易象儀安得羲皇生此日演成  
翕闢著清夷

詠天臺仙鹿

金大中

昔聞劉阮飯胡麻金筑天台有異廬  
萬疊峰巒雲托足雙排玉角口銜花  
閒尋芝草餐朝露時下山腰觸暮霞  
樹靜嵐輕塵不染呦呦鳴送夕陽斜

詠靈龜獻瑞

金大中

龜山疊伏古溪邊曳尾泥中不計年  
大寶有名靈作卜金毛

無價壽逾錢臧居何用圖山藻解佩難爲擲酒錢南郭永符  
千歲甲卿雲常覆伴著眠

題墨綠烟霞

闕名

麥綠志土名

州境有  
麥綠寨

爲似墨與綠烟霞相蔽虧好境寫難足

但知訪勝人來游思秉燭

題南湖秋月

兩城夾深淵渟泓見川媚穆穆金波生望望清流逝臨流蕩  
余情容與琴中志

廣順州志

卷十一

藝文志 詩

三

題東壁曉暉

珠氣映晨曦六星垂閣外危磯錦嵌空雲霞互晦靄俯瞰流  
潑紆當風振吳帶

題聖水調符

昔作聖泉游物理歎天造今徵止水心湧汲視祈禱爲汎爲  
仄出神其權旱潦

題雲峰留跡

坤靈毓奇山天留白雲跡君臣事有無豈似秦時嶧羅永庵

前樹祇解參天碧

題天馬呈圖

春雲迴長風山容恣颯沓騰然西極來靈胎鍾吐納方彼軼  
羣材遐心向閩闔

題天橋壽雪

水從山腰來如見呂梁險人從水上行閒情自冉冉微風生  
畫寒雪花終歲卷

題天臺仙鹿

廣順州志

卷十一

藝文志 詩

三

會尋興公篇亦憶方廣寺此境洽靈奇草有長生意或逢方  
瞳翁一乘斑龍至

題西山夜合

西山巒岩巖保合彙元氣深籌月含輝陰陰看蒼蔚飛橋凌  
碧潭何暇知仕貴

題玉屏擁翠

嵐光蒼欲滴烟霞杳無際不須九疊張始勝匡山意草茵松  
蓋間幽人時把袂

題靈龜獻瑞

羲皇晝開天河洛呈大造茲邦毓人瑞地不愛靈寶雄峰作  
岱觀寶具東蒙好

題唐帽魏峩

霞客舊游踪

明徐宏祖

讀記想幽奧身在此山中不識魏峩貌去

此作回觀乃解稱唐帽

白雲山

但祚昌

白雲山上白雲屯勝國傳聞跡早陳苦蕨不須求鹿乳甘泉

廣順州志

卷十一

藝文志 詩

三

長自滴龍脣南歸有句詩呈佛北向無枝樹感神懷古莫搜  
紅篋記紛紛變滅足沾巾

詠墨綠烟霞

但彬

墨綠村邊翠靄環濛濛竹樹夾潺浚莊經瀆水東西側地想  
淇泉左右間觴詠不知誰主客畫圖無此好溪山剛逢雨霽  
烟消後領取雲霞盡日閒

詠南湖秋月

但彬

秋色城南天下無長波浩浩滙明湖山環螺黛朝開鏡月湧

龍堂夜抱珠靜影三更涵荇藻涼風一碧動菰蒲凭欄滌盡  
塵千斛唯有冰心對玉壺

詠東壁曉暉

但彬

堤前龍爪印苔磯俯視清波玉帶圍天上圖書相煥發人間  
樓閣有光輝相看遠勢鵬初運共道朝陽鳳欲飛萬古文明  
開此地直從奎壁啟靈璣

詠天馬呈圖

但彬

昂昂天上降龍媒化作黔疆萬嶂開不向風塵揚策去特因

廣順州志

卷十一

藝文志 詩

三

神聖負圖來二儀磅礴儲元氣千載英靈毓俊才從此西南  
文運啟爭誇聲價滿燕臺

詠玉屏擁翠

但彬

奇峰拔地影亭亭天設城東翡翠屏一幘乍驚開錦繡六時  
常見繪丹青雲中灌木含葱蒨烟外飛蘿接杳冥秀氣不知  
深幾許只疑巖壑總仙靈

詠晴波閣影

但彬

大士祠開畫棟雲湖中靈氣聚氤氳乾坤欲洩苞符秘沙石

都成篆籀文日色迥臨金彩動霞光遙作錦標分英賢蔚起  
皆稽古淵海圖書好策勲

詠遠渚鐘聲

但彬

招提多傍碧雲岑斷續疎鐘度遠潄響出曉堂鯨激浪聲流  
夕杵鶴歸林能令下界驚塵夢更與幽人證道心縹緲天風  
吹不散長流山水作清音

詠白雲留跡

但彬

石磴縈紆隱薜蘿白雲山勢獨嵯峨憑陵邱垤千峰峻開闔

廣順州志

卷十一

藝文志

詩

十四

陰陽萬象多此日潭龍眠已久當年蜀鳥恨難磨臨風欲問  
前朝事樵唱聲聲出澗阿

天馬呈圖歌

但明倫

天馬之精兮來自太乙之次房星間九閩一夕開天闕化爲  
壁立萬仞之奇山豐隆不敢騎造父不敢羈帝遣西南作巨  
鎮下與黔塞安坤維南接點蒼峰一氣青濛濛西走桂林岫  
峴巒紛相從騰雲蹴霧幾千里燕雞關前矗霄起其旁萬峰  
拱揖羅兒孫其下峨峨雄城翼百雉有如金羈玉勒驂驪不



可止振鬣長風欲掉尾河流抱西北玉帶淨如拭溶溶滙南  
湖練影蕩空碧蒼崖翠壑俯照之世上丹青無此色河山襟  
帶偉且雄秀甲黔中爲巨擘或言英靈氣無過西南隅乾坤  
於此呈苞符天帝乃遣天馬來負圖自從開闢特柯疆上與  
翼軫分輝光

國朝盛德綏遐荒邇來俊彥尤騰驤簪纓冠蓋並軫接文儒學  
士皆翱翔始知地靈本殊絕磅礴鬱積方未央壯哉天馬之  
山何昂昂爲吾黔兮鍾奇產異亘萬古而彌長吾聞軒轅帝  
廣順州志

卷十一 藝文志 詩

姜

下逮唐虞際龍馬出負圖天地啟其祕方今

聖道超九皇景星垂霄青雲麗天馬何爲久在西極陲吾將偕  
汝負圖獻

聖世

白雲山五古

并序

但明倫

山在州東南 十里明建文帝隱居於此幽靜端聳窈深宏  
澗中有大梵宇僧百數十人有建文遺像存焉山口二杉並  
立高出雲際大可數人抱其下枝皆倒插相傳建文入山時

手攀枝而上故樹枝至今俯生山之隈有白驪塚帝所乘驪也寺後極高處有洞如半畝宮石榻天成爲帝棲息處旁有漏鹽漏米二石罇相傳流出米鹽僅足供帝至今石隙猶作飛糠細鹽浮起狀拭之旋起如故山後有潭淵深不可測傳有龍化爲秀士日與帝奕帝窮其蹤乃現像帝驚而叱曰孽障遂由空墜以爪擘岩而下岩有五指形深尺許潭側棋局石猶存寺在山腰凭欄遠眺萬山環繞層疊不窮如拱如揖如俯如跪如護衛如羽儀如城堞如陣馬迴環數百里佛殿廣順州志

卷十一

藝文志 詩

三

前有井夏不盈冬不涸必屈膝乃可汲之名曰跪井寺藏帝袈裟上有玉玦與尋常異常吟四絕句明

間巡按 公

勒石而志之

我登白雲山山勢何岿巖端然聳天際屹立莊不佻烟霞共蔚蒼岡嶺相週遭飛蘿翳磻戶窅然清且寥披榛訪蕭寺紺殿藏山椒當時建文帝於此棲團蕉龍蛻亦已久遺像留僧寮寺僧出袈裟光采如烟綃其上繫玉玦粲若英瓊瑤覽之爲下拜吁嗟塵劫遙哀哉望帝魄鳴聲何嘒嘒不覩雙鳳闕

唯有羣鴉朝寺門二杉在連蜷風蕭蕭傳聞帝始至崎嶇攀  
枝條至今若倒植接引如升猱洞中有石榻天然非琢雕帝  
昔此跌坐颯颯餘清颺有鹽灑空中有米盈簞瓢天遣佐帝  
食常人安敢饗今看米鹽屑猶類微塵飄拭之復如故太息  
靈蹟昭又聞寺中井汲者皆折腰是名曰跪井不竭亦不涸  
復有白驪塚羈縶親所操澄潭昔有龍變化來遊遨翩然作  
儒士相對楸枰敲詢跡乃自露叱之空中逃以爪擘岩石深  
入痕不消石枰亦宛在摩挲來耕樵四詩勒峭壁風雨終難  
廣順州志

卷十一 藝文志 詩

三

凋感此發深喟使我心鬱陶凭欄望遠岫起伏猶連螯或若  
效羽衛或若陪班僚或若萬馬赴或若層城高一覽數百里  
了了見秋毫御風九咳外意氣始得豪興闕出寺去歸來歌  
且謠下山更回首羣峰仍相招猶聞半空際天風鳴松濤

天生橋 并序

但明倫

州屬東北從仁里有河自山坳澎湃而出忽爲高山所阻  
山腹橫穿一洞壁立半空水從洞出巨浪奔騰噴珠漱玉  
如銀河自九天落下仰視其上長虹臥波高在雲際亦奇

觀也

水欲出山山復重水之所注山輒從山勢忽折當其衝奔流  
注之爲大硤雷鼓百萬聲隆隆其下有洞深無窮洄漩噴薄  
何洶洶勢如青天飛白龍又如銀河翻碧空如電如珠如箭  
鋒臨流疾視猶未終颯然巨壑生長風一躍已度千萬峰瞿  
塘白馬何足雄險絕豈止呂梁洪仰睇絕壁不可通裊裊百  
尺懸長虹構者毋乃仙人蹤厥名天生信神工我將手把青  
芙蓉跨此徑往遊鴻濛

廣順州志

卷十一 藝文志 詩

三

詠墨綠烟霞

但明倫

清光照鬚眉一綠盈千畦上接玉帶流旁合玉屏溪雨餘淨  
若空靄靄烟霞低麥飴香可炊於此謀幽棲

詠南湖秋月

但明倫

波光不在湖月光不在天空明四無礙一鏡雙蟬娟灼灼吐  
華姿何處容雲烟對此發清興追和南樓篇

詠東壁曉暉

但明倫

文光燭天來照耀金銀臺氣象森萬千射斗連三台房星明

北山士農全歡哈下視龍爪磯斑駁如璿瑰

詠聖水調符

但明倫

坡公愛中冷調水符斯設何如茲靈泉涓涓流不竭迥注自  
隨人行止若合節旱母不敢虐聖水清且冽

詠雲峰留跡

但明倫

山環水抱中烟霞交網縕石洞誰所闢石榻誰所陳傳聞邈  
國帝於此瞻白雲英英猶未散如見雲中君

詠天馬呈圖

但明倫

廣順州志

卷十一 藝文志 詩

完

雄城面離南羣峰四回互河流繞其前湖波清不涸圖畫儼  
天成彷彿龍馬負廣順錫嘉名千秋保富庶

詠天橋壽雪

但明倫

水勢下催山山力上拒水兩雄不相能造化駭倔倨豁然開  
洞天萬斛珍珠駛古雪永不消天橋永不圯

詠天臺仙鹿

但明倫

天臺廣數里豁達無塵封衆峰四羅立環抱如屏風何年帝  
子來卓錫開梵宮載誦雲臺詩麀鹿來相從

詠西山夜氣

但明倫

突兀峙兩山相對儼拱揖龍身修蜿蜒首尾同一脈夜合朝  
復分陰陽自開闢蒼然一氣中巨靈不敢擘

詠玉屏擁翠

但明倫

何處玉屏風忽向晴空展嘉殖秀冬春清芬襲苔蘚恍如千  
翠眉俱入畫圖選山靈倘有知坐擁眞不淺

詠靈龜獻瑞

但明倫

三阜趨而下一阜隆然高終古此圓相宛然見背尻萬木森

廣順州志

卷十一 藝文志 詩

三

其顛有類四柱齧紺宇燦金碧瑞氣不可攷

詠唐帽巍峩

但明倫

公子褱裘來虬髯蕭然俯老鶴振羽立雞羣孰敢伍佳哉此

山光照眼豁胸宇一笑天冠山卑卑無足數

詠墨綠烟霞

但鍾良

溪山多本色天爲喧染之墨綠蔚然秀晴雨無不宜春來似  
畫圖高吟樂天詩何如此中好烟霞足療飢

詠南湖秋月

但鍾良

濯魄來冰壺四時皆可愛秋高浴波心搖蕩琉璃碎舉杯誰  
相邀同我一舟載大叫仙乎仙清光滿宇內

詠東壁曉暉

但鍾良

秀氣從南來奎閣聳其上斑斕龍爪磯農壇屹相向文筆撐  
天高曉霞毫端放老鳳鳴一聲霓裳續高唱

詠聖水調符

但鍾良

山川蘊靈奇遇脈卽發見濯物原無私一禱霖雨徧誰是今  
東坡調水符亦便泠然洗我心老僧待竹院

廣順州志

卷十一 藝文志 詩

三

詠雲峰留跡

但鍾良

白雲懶不飛峰高寂萬籟石硯窈而深一榻留方外靈氣護  
潛龍山小乾坤大老佛不歸來亭亭猶結蓋

詠天馬呈圖

但鍾良

天馬行空來到此忽然住玉帶滙爲湖疑是飲馬處石骨何  
權奇控縱不可馭一幅圖畫開城市山林趣

詠天橋碧雪

但鍾良

晴雪噴長虹飛泉滿其腹天水一碧融珠璣濺萬斛層峰逼

之來玉龍競相逐眩生銀海花彷彿匡廬瀑

詠天臺仙鹿

但鍾良

衆峰如兒孫頭陀寓此老二鹿從之游古跡足搜討啣啣不可尋隱見蓬萊島采藥入雲深此中有仙草

詠西山夜氣

但鍾良

萬物自鼓動細縕在天地陰陽互爲根山澤本通氣明月照兩峰幽跡寄靈異斷以百尺虹猶然滿生意

詠玉屏擁翠

但鍾良

廣順州志

卷十一 藝文志 詩

三

名勝天所造琢玉成屏風置山如置器秀峙東城東雲霞紛點綴九疊圍青蔥圖書在東壁布列憑神工

詠靈龜獻瑞

但鍾良

一阜獨高圓二阜從吸水物物以形似稱名隨所指林差間樓觀插天起龜山魯所瞻文明從此始

詠唐帽魏峩

但鍾良

紗幘本天然晴雲披絮帽羣山俯首迎好鳥一聲報卽之不見高居高獨無傲勢凌霄漢間峩峩光四照



詠墨綠烟霞

但賡良

墨綠橋邊路山村竹樹交清腴詩畫稿滄鬱水雲巢漠漠青  
疇護重重翠巘包烟蘿堪小住誰共結衡茅

詠南湖秋月

但賡良

淼淼南湖水迴環玉帶流是山皆近岸有月更宜秋鑑影開  
晶箔簫聲出畫樓茲遊擬赤壁皓魄正當頭

詠東壁曉暉

但賡良

奎閣瞻朝旭東來紫氣新烏駘金灼爍龍爪石嶙峋毓瑞春

廣順州志

卷十一 藝文志 詩

三

開甲鍾英嶽降申瞳瞳光直射草木亦精神

詠聖水調符

但賡良

一勺靈泉湧豐年灌溉多煎茶分北渚篆竹效東坡夜雨三  
湖渡春雲九曲河滄浪佳境在試和濯纓歌

詠雲峰留跡

但賡良

窈窕空王宅南天隱大師白雲曾作伴紅篋竟傳疑一榻開  
禪窟雙杉拗故枝迎歸西內日衣鉢付宜誰

詠天馬呈圖

但賡良

天駟星精聚雙巖氣象雄飲分千澗水嘶動萬山風地脈通  
滇澤歌詞憶漢宮葛仙雲笈秘嘉兆卜三公  
抱朴子云山中  
午日稱三公者  
也

詠天橋壽雪

但賡良

天半起長虹懸流石隙通迸開珠錯落穿碎玉玲瓏  
山雪寒生古壑風龍湫觀瀑處應訝水簾同

詠天臺仙鹿

但賡良

百丈平臺頂雲巒接上方巉巖宗角汎迢遞谷隆塘欲訪仙

廣順州志

卷十一

藝文志 詩

番

人宅時聞芝草香此間有雙鹿叮嚀自成場

詠西山夜氣

但賡良

地勢來天馬山分脈未分兩邊青  
一氣白氤氳夜色籠  
新月嵐光帶夕曛羅浮影離合遙接海南雲

詠玉屏擁翠

但賡良

萬朶芙蓉蘊雲屏染翠痕  
柏巖栖野鶴蘿壁上孤猿  
雨過青浮岫春深綠到門  
天然圖畫好金碧障郊原

詠靈龜獻瑞

但賡良

突起穹窿脊陂陀面面圓鶴巢應此地鼇戴不知年近水魚  
爭戲鄰山鹿亦仙東邦曾作操鳧繹並蜿蜒

詠唐帽魏我

但賡良

端峙羣峰表披雲若綴旒弁髦諸谷落冠蓋古牂州蠻境雕  
題遠清波玉帶流萬山齊笏立多士步瀛洲

詠墨綠烟霞

但培良

路曲林迴又一屯人家打麥野聲喧三春碧浪翻前寨四月  
黃雲護遠村屋角雨蒸斜日影山腰風裊午炊痕平生亦有

廣順州志

卷十一 藝文志 詩

三

烟霞癖何日言歸學灌園

詠南湖秋月

但培良

仕貴源長滙此湖湖光如鏡月如珠一輪倒影涵樓閣九曲  
環山列畫圖治水何人開玉帶卜居此地稟冰壺農田資澆  
秋成足千頃香稻兩岸蘆

詠東壁曉暉

但培良

石壁爛斑雲錦張朝暎東上耀扶桑林岩合有圖書福草木  
先分日月光山上謝恩春雨霽壇前祈穀野花香晏隄奎閣

遙相映氣象昌明肇一方

詠聖水調符

但培良

一泓聖井萬家圍消長從人願不違但使澄清同白水自然  
調變合元機壽陽甘列名歡樂疏勒盈虛待禱祈爭似此泉  
能濟旱解斯民渴救民饑

詠雲峰留跡

但培良

岡巒重疊氣氤氳邊徼幽棲隱至尊宮闕山林悲異局帝王  
佛祖悟同源北平偵緝雲常護西內迎歸樹獨存石榻棊枰

廣順州志

卷十一

藝文志 詩

美

多異蹟天人猶見翊皇孫

詠天馬呈圖

但培良

俯視羣嵐拱衛多狀如天馬勢嵯峨名山閉戶詮周易野老  
迎神唱漢歌南向城關依峭壁西來潭水邊平坡振衣直上  
雙峰頂房駟光芒射大羅

詠天橋壽雪

但培良

浪花噴雪百重泉穿洞飛橋別有天巖瀑濺珠虹影濕松濤  
戛玉鶴聲圓磔溪寒激渾忘暑林壑陰深不計年朗誦南華

經一卷好從此地學神仙

詠天臺仙鹿

但培良

四面山形一望收此中麋鹿亦千秋臺高合有神人駐寺圯  
空悲帝子游洞口桃花雲氣護巖傍萃草露光淨何時也續  
興公賦瀑布峰南好泊舟

詠西山夜氣

但培良

西望岩堯夜合山宵征忽阻燕旗關奧區未許開三徑浩氣  
真能塞兩間暮雨纔收遊客跡春雲不捲擁仙鬟搜奇縱使  
廣順州志

卷十一 藝文志 詩

七

逢靈運險絕終難秉燭攀

詠玉屏擁翠

但培良

端凝秀整玉屏風九疊匡廬景畧同過雨山多春夏氣穿雲  
人立綺羅叢幽深摩詰詩難寫蒼翠徐熙畫未工拄頰朝來  
餐秀色佳哉鬱鬱復葱葱

詠靈龜獻瑞

但培良

蜃洞熬磯僅賦名龜山起伏幻成形漫云地脈通龍井遮莫  
天文應鶴星此里居民多得壽當年頑石本通靈岡陵自是

含生氣林竹岑苔不斷青

詠唐帽巍峩

但培良

唐帽峰頭思渺然昔人於此避烽烟游攜袞屐追羊傅拜蕭  
衣冠學米顛入谷民風虞夏上題崖詩格宋元前他年若出  
名公輔笑指巍峩繪進賢

廣順州志

卷十一

藝文志

三

廣順州志卷十二

雜記

國朝康熙二十九年秋九月二十九日戌時地震

康熙三十三年秋八月隕霜禾穀半壞斗米四錢三十四年四月山竹結實徧山皆有形似豆而稍長州民得以度饑平壩清鎮爭採不絕又城南有杉樹二株腰大七圍七月十四日忽天雷三震霹靂前一株烟熾兩月根株悉成灰燼至康熙六十年而後一株復然

廣順州志

卷十二

雜記

一

康熙四十七年秋七月有羣蛇由文昌隄銜尾逆流而上其色青黃紅黑白不以數計

康熙四十九年春三月有白蝴蝶自南飛北暮山寨野凡三日而後止

雍正七年八月嘉禾一穗三歧

雍正十二年瓜茄一帶雙實

乾隆三十五年庚寅歲大饑斗粟銀一兩二錢

乾隆四十二年丁酉冬旱至戊戌秋始得微雨斗米銀一兩

嘉慶六年春三月二十三日戌時有星大如斗光如月其後  
微星不以數計自北飛南鏘然有聲後聞天鼓大震同時而  
見聞者數省

嘉慶十三年夏四月朔日大雪初三日止早秧俱壞

嘉慶十六年秋七月彗星見於西北其躔及河至冬十月始  
沒

嘉慶二十四年五月初九日天旱至六月十五日始雨

嘉慶二十四年七月二十五日寅時地震是日申時又震

廣順州志

卷十二 雜記

二

道光二十三年葵花一莖花開四十六七朵之多又番椒有  
一蒂三椒者又改窯場有一雞三足者咸以爲異送至寺中  
飼養

右祥異

廣邑來籠乃枝中之幹自葦菜沖與大龍分特起天馬掛鈴  
金星作祖高岡形由西南而轉東北峰巒數里其右翼在上  
水內有井口寨一帳作護帳梢至馬房坡止帳上皆帶木火  
貴人旗山並天倉地庫外有大龍圍繞作羅城城上擺列水



土聯屏極其週密至西門撞駝坡起沖天木乃大龍龍星至  
上夜合山乃大龍帳角旗鎗皆係州城上手催貴文峰左翼  
自燕旗關開帳分枝走新莊起排山成攢鎗列戟之形翅稍  
盡於白巖皆此主龍之遠翼旺氣也近如白虎山麥蔗壩獬  
老寨長河長巖平橋皆州城左翼羅城城上陳設掛榜天梯  
官墳山洪唐壩楊柳塘粟木羅朗曹擺等處皆州城下手城  
角中龍行至土地關起帳下貴人潤壩起雙腦金星婆婆跌  
下連過二峽皆雙龍合氣後頭壩微起寶蓋三臺卽穿田沒

泥老滿坡揀銀關微起平岡石灰坡小有峰巒重重開帳連  
連度峽起伏曲折勢若走馬拋梭石人坡父母山突起雙腦  
文峰復跌平陽成人首束氣峽細嫩工巧回轉橫結特起天  
馬大金星作真龍正結穴居衙署本身護穴兩抱肥厚膏也  
氣足豐圓文昌閣鎖水週密王道巖力量重大成展翅之形  
皆父母山所出隨龍水右翼由鷓子巖之野鴨塘發源過來  
遠里夢成橋至瓦礫會合大龍之隨龍水至上橋成玉帶水  
繞過州城至下橋作九曲流去左翼自燕雞關發源過麥蔗

壩獐老寨至下橋會合右翼之水上橋關右翼之水平橋關左翼之水南湖塘內有平沙寨水外有營上一層係大龍分來作入懷之案鹽井蓮花塘大關花洛坡孫家山爲內羅城農官廟羅星水口馬橋大墳腳麥綠關口寨牛丫營等處之水外城角皆借大龍護峽之迎沙作用爲外羅城長沖頂文筆沖霄係借大龍之龍星作朝白巖哨龍樓鳳閣木老壩鼓角旗旌白水河數峰插天野鴨塘母牛寨排班執笏海馬塘人形侍立隔浪壩寶蓋遮圍係借大龍入帳之迎沙作用州

廣順州志

卷十一 雜記

四

城主山正居西北惟正西正北二方係主龍山水所占西南東北二方乃大龍山水與主龍所共占其正南正東二方又大龍山水所獨占也所謂主龍出半局合成一圈此廣邑來龍之全局形也

舊志稿載入形勝按此爲形家言故移入雜志

道光十七年四月擺所場蔡萬有孫六歲隨其母往山工作適遇豺伸足抓兒之臉勢將攫去忽其家養之黃牛奮力將角觸豺豺左右衝突欲取兒牛力拒之卒以角傷豺豺始奔逸兒獲全至今臉角猶有疤痕方牛拒豺後不數月夜爲賊

竊去比天明行十數里矣牛認牽者非其主也以角觸傷賊賊不能牽牛遂奔回至今尙存夫牛以蠢然之物而竟若有知也可以風世人爲人僕隸而不顧其主者

回龍寨旁龍牙洞在城西十里與大麥播相連洞在半山潭水常盈不涸亦不溢逢吉日浪湧作潮遇大旱則於此禱雨每有奇應相傳嘉靖年間有人於洞中釣獲金魚誌其尾放之水中復釣數次仍獲是魚其人遂入之竹籠中依然再釣忽潭水沸騰湧出其人懼而奔逸水隨人湧至寨前約半里廣順州志

卷十二 雜記

五

許其人始憶籠中之魚疑未可取連籠拋棄水自退回潭中是寨因之得名曰回龍寨至今無敢於洞中垂釣者

淮南子曰東南有反舌民注云語不可知而自相曉呂覽云反舌殊鄉之國東京賦重舌之人九譯僉稽首而來王王民彙苑云反舌之國其人反舌元覽云軒渠之國其人四舌而三瞳通攷謂之三重國舌尖處倒向喉內亦曰兩舌重舌金筑苗狃之巢穴余代庖之日苗有訴牒者令伸舌視之宛如王子年所說蓋舌主心苗火旺於巳巳爲蛇故蛇歧舌南方

歧舌之民其亦火旺之象也

張澍續黔書

黔南各郡民苗牒訟中多俗字亦有字書所載而音迥不類

者詢之亦有解如奞讀爲卡言指勒不與也奞讀爲擺亦行

止動搖也夔讀爲戀言婦之善淫也又奘讀爲扭言以蟲置

火上狀紐動也

集韻遶員切音權蟲入火貌

鳴讀爲刁言人形矮短也

集韻音

有爲字音爵與雀同

說文依人小鳥也 卦讀爲絡言剛晦之斜側者也

集韻音

淮南子說林訓土勝水非一卦

孖讀爲鴉言水之分流者也

廣韻集韻類篇並音滋玉篇云生子也黔之古州城南有孖

江車溶兩水將合處形如八字有寨焉亦名曰八字○同上

廣順州志 卷一二 雜記

六

廣順州志卷末

政蹟備采錄

金鼎壽字子齡戊辰進士補官廣西富川縣知縣以愛民著  
丁外艱服闋後署任羅城清潔自守遷補北流甫莅任邑有  
火燒麻瘋八命之案有盧遇龍者其子亦患麻瘋以爲燒斃  
其中遂指告廩生梁某謀燒蓋以梁某家道殷實且其爲人  
樸懦可啖也梁某聞控自縊幾斃其家人解救後商之於學  
師願以三千金爲饋獻求訪正凶冀可免刑求也壽曰訪正

政蹟備采錄

卷末

一

凶原邑令分內事厲色却之密訪得正凶梁保正等首夥六  
人按如律而梁某得免冤獄於是一邑競頌廉明以北流倉  
儲缺穀一萬二千餘石上臺分限三年買補邑人皆曰有此  
賢使君何待三年爭輸赴倉一月而畢邑書院膏火未充爲  
之勸捐不數月而購千五百金之產嗣丁艱歸里士民兩立  
生祠以祝之服闋後揀發安徽歷任蒙城桐城及懷遠歙縣  
廣德六安均有青天之頌惟在歙之時最久歙邑素多攬客  
猶貴州之有紅尙黑尙也照凶惡棍徒例辦七八人其風頓

斂有猾賊姚大奎者肆竊無忌黨羽最多兼有淫人婦女之事邑人痛恨而莫敢撻其鋒壽履任後密飭拏到案立斃村下羣賊聞風遠遁廣德文風未振三十年來無人中式壽至公餘講學培育英才建奎閣修聖廟遂連年科第不絕士林亦爲祠以祀六安有積匪張四一條肆行竊奪歷拏未獲到任後購綫查緝適御史汪已

奏奉

上諭嚴拏甫奉

政蹟備采錄 卷末

二

論旨三日首夥並獲十餘人分別懲辦經兩江總督陶澍以居心平恕慈惠之師密保安撫鄧廷楨以鋤莠安良政聲卓著給咨送部奉

旨召見欽承

溫諭嗣經安撫色 復保薦卓異奉

旨准其卓異候升旋以諸弟行疊逝絕意仕進告歸士民固留

不允祖饑詩畫冊以千計凡所至之處造就人才登賢書者不下數十人舊所從游士子至今有綴巍科者

但明倫字天敘號惇五一字雲湖嘉慶己卯進士改庶吉士授編修擢御史奏牘十餘上不事彈劾所議皆當世之務有關於國計民生者

籌辦貴州黨匪編查苗疆保甲二疏已見州志苗防內

道光辛巳戊

子典湖南浙江鄉試癸未分校禮闈校閱時嘗書曾是當年辛苦地七字於壁以自勉所得多知名士躋顯秩著勲勞者甚衆尋以京察授湖南岳常澧道釐案牘理冤抑嘗微行訪察洞知民間疾苦作禁示十八條通飭所屬遵行民皆便之請勒石垂後者數百處庚寅洞庭湖異漲漂沒沿隄居民廩

政蹟備采錄

卷末

三

舍不可勝記親乘小舟所至履勘舟屢瀕於危而明倫弗恤也災黎賴以獲安者幾萬家治有兄弟爭產搆訟多年明倫導以至性之言兄弟相泣於庭和好而去旋丁外艱去任癸巳服闋入都授山西河東道地故產鹽運山西河南陝西三省有奸商欲於正額外謀私利明倫燭其奸剔除之鹽池至王官峪百二十里山石崎嶇鹽車恒苦傾覆捐廉鏟除道路砥平商民稱便姚暹渠有障水隄每夏霖雨積潦卽潰決爲鹽池害明倫議籌款十萬修築之未果而以事去先是山西

趙城縣有奸民勾引直隸鉅鹿縣教匪傳習九蓮經教卽白蓮之更名也曾於嘉慶年間犯案遺孽未盡殲除明倫赴任道出趙城以邪教餘匪詢縣令力言其無未幾而戕官焚署劫獄拒城之事起警報至刻卽傳集文武諭以防堵事宜遂襍被就道此三月初六日卯刻事也初七日巳刻抵平陽府一晝夜已馳四百餘里其時總鎮某在平陽距趙城僅八十里聞明倫至謂其飛來乃倉皇出北門而城中謠言四起哭聲盈耳諸官皆失色不知所爲明倫乃易馬而輿從容過

市以示無恐紳民皆曰本道無憂色必確知賊情我等無懼矣一面傳紳耆慰之並剴切示諭以爲賊不過百餘人官兵一到立時撲滅可無憂爾居民只須謹守門戶勿爲搖動致遭土匪劫掠協同文武登陴守禦是夜民乃安復於次日清晨馳至洪洞仍慰諭居民教以防守之法遂馳至趙城而賊聞明倫至已望風先遁矣乃分派兵勇四路堵緝獲賊甚多祇賊首曹順張文斌先期逃出境內未獲爰親詣各村捕其餘黨而撫其良民越三日撫軍至縣大兵齊集餘賊皆全獲



無遺奉撫軍檄總理營務軍皆嚴肅審辦凌遲者十餘名梟首者數十人發遣者百餘人其被脅而全活者七百餘人事平撫軍以勞績

奏聞

恩擢山東鹽運使旋以失察被議鐫級以知府發湖北補用歷署荊州襄陽鹽法道補鄖陽府黃州之武穴鎮爲私鹽出沒之所奉大府檄飭緝私梟匪聞明倫至皆斂跡去襄陽舊有教匪傳牛八清茶大乘諸色目官莫能治在任三月擒獲按治

政蹟備采錄

卷末

五

自梟示以次罪各有差人皆讐服荊州萬城隍袤沿一百數十里庚子夏江汛甚漲水漫隄數寸或尺許明倫先期駐隄防護聞中方城隄內潰馳馬而往至則民已奔逃且勸速走明倫坐於隄上曰隄決則荊州城不保吾以身殉之矣爰鳴鐘集衆搶護民皆奮力以從閱三日搶成而隄復陷三尺長十餘丈幸此三日內江水消退所陷隄適與水平皆以爲神助也隄成建關帝真武廟於上制軍以已潰復堵入

奏莅鄖陽甫四月而民風一變旋擢江蘇常鎮通海道去之日

大雨紳耆軍民跪送於泥淖中謂公宜早升去特恨吾郎無

福耳解纜後猶以舟隨至襄陽者數百人斯時嘆夷擾粵窺

浙沿海戒嚴明倫於嚴寒霜雪中躬歷海壖得大江險隘處

曰鵝鼻嘴是長江第一重門戶以置礮添兵請於大帥廣凡

五上卒不見用二十一年十月初六稟督撫二院略曰職道

練義勇並即馳赴圍山關各處相度形勢設法防堵以固藩

籬至於濱海地方更宜嚴密巡防查得江陰縣所轄黃田港

東之鵝鼻嘴形勢突出緊對東來舟楫下游即昭文境所轄

之福山口口以外即內洋地面以地勢而論鵝鼻嘴實爲洋

面入江之要隘自應設立大礮重兵常川駐守並備輕舟在

於山脚晝夜偵探庶足以壯聲威而杜杉板小船之竊發乃

政蹟備采錄

卷末

該處移駐守兵僅二十名礮僅二位不足以資抵禦現經飭

查並通行各廳縣一體查明所轄邊境要隘若干處現在巡

防何處應添礮位詳細稟辦容俟覆到再行酌議稟請核示

遵行合將現在勸諭捐資以團練義勇緣由先行稟陳所有

應添礮位如俟各縣稟覆核實再行鼓鑄未免稽遲查上海

縣現在設局鑄礮合無仰懇檄飭該局預爲籌鑄銅鐵大礮

各數十位俾得迅速領運安設防禦云云 十月 日  
稟督撫二院略曰前將相度沿江濱海形勢設法防堵飭屬  
查復籌議稟辦在案隨於十六日前赴圍山關查該山離鎮  
江五十餘里坐落大江南岸自東迤西高峰疊起江濱一峰  
蜿蜒突兀形勢高聳西北岸之爛泥套恰與此處對峙實爲  
大江門戶扼要之處現設弁兵十三員二千斤重大礮四位  
一千斤重者七位六千斤重者一位所設礮臺前後兩層礮  
位排列並未錯綜不能連環施放且地勢過高礮子冒過桅  
頂不能及舟查礮臺之下地勢平衍可以移置應請將二千  
斤重大礮四位一千斤重大礮四位移下安設其餘大礮四

位移於爛泥套安設該兩處均須木椿堅築土台四五尺高  
以免漲水浸漫且令地勢與行舟平等施放之時可期得力  
并請圖山關添撥兵丁五百名分駐防守以固藩籬又查得  
江陰縣所轄之鵝鼻嘴居君山之東斜出江中北與靖江之  
劉閘沙尾正對中洪約寬四五里水深十五丈可行外洋大  
船水勢急溜實爲扼要係常鎮兩府第一門戶過此則江面  
寬闊直至圖山關方有鎖鑰下游卽福山口口以外卽內洋  
地面是鵝鼻嘴實爲洋面入江之要隘必須重兵駐守現據  
江陰金令稟請稱該處原設大礮二位兵丁八十名該縣恐  
礮力不足已會營商酌將舊存磨盤礮揀選四位安設停妥  
并請將君山原設大礮五尊內酌撥二尊於該處安設并起  
造房屋俾兵駐守等語查得君山本歷朝重鎮現雖沙漲離  
江稍遠而江形遷徙靡常所設礮位未便移置應請於鵝鼻  
嘴另行添設六千斤礮四位四千斤礮八位二千斤礮十位  
應添撥兵二千名日則操演鎗礮軍械夜則提鈴喝號以壯  
聲威并備輕舟數隻派撥兵丁在於山腳晝夜偵探巡緝以

政蹟備采錄

卷末

防米麥硝磺之偷漏及杉板小船之竊發方爲嚴密又通州  
所轄之廖角嘴居新港潑水港之中約離六七十里卽深水  
大洋實爲海口要隘地新港潑水港共設有兵丁一百名大  
小礮二十三位而該處并未安兵礮殊難防堵應請於廖角  
嘴添設六千斤及四千斤大礮十五位并新港潑水港廖角  
嘴三處請撥兵二千名駐守庶該二處聲勢聯絡足資捍禦  
云云 十一月十一日稟督撫二院略曰前因圖山關及鵝  
鼻嘴等處應請添設兵礮以資防堵蒙將多派發回之京口  
左營兵二百名撥回鵝鼻嘴駐守所請礮位行司議復當經  
分別移咨隨卽親詣江陰縣會同京口林協鎮勘得君山在  
江陰之北離城五里舊設礮五位兵五十名距君山里許有  
山突峙江面卽爲鵝鼻嘴舊有礮二位兵八十名從前君山  
之下江水漫溢可通舟楫是以設礮駐兵於此歷有年所今  
君山之下漲起沙洲與鵝鼻嘴接連就江形而論君山已退  
處於鵝鼻嘴之後所設礮位施放祇及沙洲未能及江甚屬  
無益鵝鼻嘴則峙立江濱北與靖江縣緊對靖江江面曾於

嘉慶初年漲起沙洲數十里綿亘江心曰劉閘沙隔鵝鼻嘴僅四五里江洪至此一束其溜甚急行舟必由劉閘沙轉經鵝鼻嘴方可溯流而上此處江陰最扼要處爲常鎮大江第一門戶而圖山關猶其次也故欲守京口必先守圖山關欲守圖山關必先守鵝鼻嘴先經該縣稟請移君山舊礮於鵝鼻嘴職道以君山置礮由來已久未便更張今親履其地乃知今昔地勢情形不同君山之礮直同虛設若移置鵝鼻嘴不過稍挪向前并非更換遠處而得力何地何止倍蓰應請將君山舊礮五位兵丁五十名并舊營房三間全移於鵝鼻嘴惟查此項礮位重一千斤者僅一位四位止重五六百斤難資抵禦請再爲添撥五千斤礮二位四千斤礮二位三千斤礮二位其有應添礮房兵房飭縣勘估詳請籌款建蓋礮鼻嘴舊有兵八十名現奉撥兵二百名又君山移駐兵五十名共兵三百三十名查附近之黃田港有兵五十名其地與鵝鼻嘴地勢相接倘有警報一呼卽至是合計共有兵三百八十名若得於陸路營汛再撥兵一二百名卽可藉資防堵

政蹟備采錄

卷末

八

云云 十一月二十二日稟督撫二院略曰職道請添設礮位批據總礮局員議復現在廠中並無餘存礮位卽使陸續鼓鑄亦須先儘揚威將軍調撥實屬無從撥解等因竊職道稟於鵝鼻嘴添設大礮係掛酌情形從簡請撥實爲萬不可少該局現奉揚威將軍調發應用無從撥解且因吳淞口爲海疆重地現又需礮孔多爲鵝鼻嘴實爲常鎮兩府大江門戶不能不爲思患豫防之計該逆等現在復打造小船並招集閩省釣船無數其心叵測設春夏湖生乘間駛入兵礮不敷堵禦職道職任監司實難當此重咎因於萬不得已之中就輕重而酌權宜應請以圖山關大礮四位暫移鵝鼻嘴再以鎮江東門馬頭大礮四位移置圖山關所謂守京口必先守圖山關守圖山關必先守鵝鼻嘴也仍祈檄飭總局陸續鑄造迅速撥解五千斤礮二位三千斤礮二位前赴鵝鼻嘴俾將圖山關及鎮江馬頭各礮仍還原所如此一轉移間似輕重皆得其宜而舊制亦不至於偏廢如鎮江東門礮不能移置則祇可將圖山關大礮四位移置爛泥套之議暫行停

止云云 十二月十五日稟督撫二院略云奉抄摺行知復奏豫籌防護重運江海情形責成職道督同文武於重運經臨時於京口瓜洲一帶江面上下巡防務期漕運利速不得稍有遲誤等因惟查職道所轄之通州海門臨江濱海港汊紛歧處處可通在在可慮通州設兵七百名加之團練鄉勇甯丁共止一千四百名分港駐守仍屬無多至海門廳縣屬二十八港僅設兵二百一十名團練鄉勇六百名前經檄飭籌議添撥據克丞稟稱毋庸添派在該丞或有把握而自職道視之實形單弱論者皆謂礁沙暗結可以無虞不知沙線可阻逆夷之四桅三桅等大船不能阻其火輪杉板小船我之江船既可以出入無阻何獨於彼之杉板而謂其不能深入蓋暗沙之上水深一丈餘尺小船既可通行湖水長發大船亦可駛進一入大江則達福山白茆等口江面寬闊中無阻隔必至鵝鼻嘴圖山關方有鎖鑰而鵝鼻嘴圖山關雖蒙添撥兵丁鵝鼻嘴僅得兵三百名圖山關僅得兵一百名詰添礮位又未准總局撥解今該夷造小船極多並鎖住閩省

政蹟借采錄

卷末

九

釣船蒙以牛皮裝以大礮其心正不可測上年秋間潑水港外曾有夷船游奕該夷目曾語人有業經議和不去揚子江之語是逆夷久有窺伺沿江內地之心設使以大船游奕上游牽制我師而以杉板釣船竄入通州海門復於有兵之處分船牽制使我不能兼顧乘間直入大江殊屬可慮轉瞬重運經臨責成防護設有疎虞何能當此重咎若能於通州海門各海口設立重兵多備礮位責成狼山鎮就近駐守防堵大張聲勢俾逆夷知有備禦可以絕其窺伺之心并於鵝鼻嘴添撥大礮數位精兵數百名卽或豕突入江而兵力足資攻擊庶幾逆夷不致猖獗而漕運方保無虞云云

光二十一年冬也次年二月授兩淮鹽運使莅任卽設立公

局首先捐廉以爲紳民倡修城浚池團練鄉勇亟亟不遑如

寇將至時夷船猶在乍浦吳淞游奕也旁觀或議其張皇乃

布置粗定而六月八日夷船卽由鵝鼻嘴揚帆直上陷鎮江城距揚僅四十里居民聞江上礮聲不絕人心驚恐遷徙紛紛揚州夙稱繁華且運庫爲財賦所聚慮逆夷垂涎乃遷庫帑數百萬於清江河庫及淮安府庫復遴委幹員率所練義勇并募回僇數千人密爲巡邏移城外鹽義倉穀於城中賑貧窮全活億萬因典鋪皆閉乃自捐貲萬金易錢分給各典以濟貧人俾登陴堅守每親騎馬歷各城門妥爲安撫凡民間日用必需如鹽米柴諸鋪皆令勿閉而城內以安夷船

政蹟備采錄

卷末

十

塞瓜洲踞由關大江橫梗乃於三岔河以漕艘數十隻載土石沉之排釘大椿作梅花狀埋鐵貓以鉤其船岸左右伏鄉勇地中暗設地雷地礮而城外堵禦之具亦備又復開放人字等三壩河水陡落數尺而夷果以杉板船數百隻來犯至三岔河阻淺却退運籌決策悉如所料當夷陷鎮江時請河帥來揚鎮守河帥以方防夏汛

奏稱明倫紳民共戴可保揚州奉

旨加按察使銜揚州至清江一帶責成防堵准單銜具奏事件爰

將揚州防堵情形具

奏

略曰伏查逆夷猖獗揚州爲國家財賦之區該逆垂涎已久守禦尤關緊要臣前在常鎮道任內勘得江陰鶴鼻嘴爲天生要隘稟請督臣添兵添礮自夷船游奕福山海口窺伺長江當飭委署淮南監掣陳延恩等會同現經督臣奏留之福建泉州營遊擊馬辰馳往查勘購買大木鐵練鐵貓并擬於丹徒屬之圖山關一併堵截一面將上年設局團練之鄉勇督同府縣委員日逐操演委員收買硝磺製造火藥火箭購覓大小船隻裝載蘆柴桐油松香等物預備火攻又以儀徵老河影地方爲鹽梟聚積之區人皆精壯強悍慣涉風濤其中不無技藝出衆之人深慮被逆勾誘轉爲賊用密飭設法招募給以重賞許以顯榮統計先後招集三千餘人分撥揚州儀徵防堵復收集沿江划船并諭商人包振興等不惜重費一律收羅廣爲設備其城廂內外及沿江洲地亦諭居民各分段落自相保衛所有庫存銀兩亦先移貯河庫

政蹟信采錄

卷末

七

詎截江料物甫經運至三江口夷船已駛過鵝鼻嘴圖山關直入金焦山攻陷鎮江佔據瓜洲封閉由閘搶奪三江營軍器揚城相距咫尺礮聲震耳閘郡驚駭而存城守兵僅止百餘名調到河漕兩標兵丁亦止一百五十名各處土匪又乘間竊發劫掠民財城內錢鋪米鋪均已關閉居民買食無資人心益加洶懼外敵當前內患倏起保此危城心膽俱碎因思攘外必先安內派委妥員帶領鄉勇分投彈壓查拏擇其重者飭兩縣杖斃數人一而委員設法四路買米賑濟窮黎始覺稍安夷船雖游奕不定沿江五十三洲俱經勸諭團練於濱江一帶蘆葦重密洲民互相守望四路暗插旌旗時隱時現或多或少每一鳴鑼同聲吶喊遠近相應頃刻聲聞十餘里聚集數千人該逆疑爲伏兵未敢遽犯故處極危極險之際尙得盡力支持至通江各口均經用大船載土沉塞或暗拋石塊或鎖練大木以阻其船陸路亦已多掘陷坑暗置地雷防由旱道闖入三汊河爲揚州門戶先經委弁帶領義勇防堵又經撤回調防上海之揚州營參將繼倫派令帶兵

駐札三汊河督防其三江口係揚州後路原派河漕兩標兵  
丁分段設伏茲將現到狼山鎮兵丁並泰州營兵丁俱派赴  
仙女廟駐札防守仍俟徐州山東河南各路兵到再行擇要  
分駐自可益昭嚴密現在夷船陸續向西行駛赴六合省城  
一帶金焦山江面尚有夷船八隻不時游奕並開放空礮已  
督飭文武員弁加意防範臣以菲材渥荷 天恩畀以重  
任誓當竭力保守以全江北數郡生靈倘該逆竟敢直入內  
河當飛稟河臣啟壩洩水膠滯其舟一面用預備火攻船隻  
縱火焚燒務加痛勦以快人心云云 七月十六日奉  
上諭但明倫奏籌辦防堵情形一摺俱悉著隨同麟慶認真  
辦理防勦事宜其摺內所稱多掘陷坑暗置地雷等語尤應  
密爲布置方可於事有濟所有揚州府地方著但明倫妥爲  
撫輯以安衆志而固疆圉將此由六百里諭令麟慶李  
湘芬傳諭但明倫并諭令都勒豐阿順保知之欽此 又將

### 招集梟徒情形具

## 政蹟循采錄 卷末

三

奏

略曰逆夷恃其船堅礮利肆意侵擾若全軍排列江干誠如  
聖諭後路少援孤軍無助不可不慮臣前以瓜洲內之

三汊河正當要衝爲揚州之前路門戶先經用大船大木沉  
塞水口可資堵禦并飭派兵勇及瓜洲營退回弁兵暗伏於  
此以備逆夷闖入卽乘機奮逐其三江口仙女廟等處爲揚  
州後路亦經酌派兵勇堵截現又將陸續調到之徐州及狼  
山兵分別派撥各要隘臣仍居中策應雖兵數尙少而前後  
聲勢均已連絡現在城內紳民多有急公好義分段捐設柵  
欄其無力捐辦之處亦經委員勘估一律給項全修輸流支  
更柝聲徹夜奸匪無從混跡其遷徙舖戶亦已設法招徠各  
復舊業安堵如故惟江路梗塞礙運行旅尙未流通至儀徵  
濱臨大江爲揚郡右臂前此夷船在逼近縣城之老河影地  
方停泊開礮轟擊延燒民房旣懼外敵當前又慮梟徒竊發  
其勢十分危急經臣飭署監掣同知陳延恩設法招集梟徒  
一千八百餘名嚴密防守局中商董亦奮勉從事遂得轉危  
爲安所招梟徒其中有老大大名目卽係仗頭別稱若輩非啗



賞不能招致所請飯食較團集土著鄉勇加一  
各皆應募而至聽受約束事平之後似不難設法散去無  
後患沿江洲民經臣佈委江都縣知縣彭以竺試用運判  
士彥鹽經歷武祖德等親往勸諭團練除前奏明五十三  
洲之外又有裡河之仙文廟宜陵鎮孔家酒霍家橋等處共  
三十餘村并甘泉縣所屬之邵伯鎮一帶地方均自團練一  
氣聯絡互資捍衛較之客兵鄉勇似爲得力臣復飭委該員  
等前往周歷稽查分別犒賞并酌量津貼以示獎賞而助其  
不及并飭通泰海三分司所屬之濱海各場商甯亦均飭仿  
照辦理莫不戮力同心互相守望匪徒無所容身不致釀成  
心腹之患臣仍當遵 旨帶領兵勇隨時稽  
查彈壓以期內地肅清上慰 聖廕云云 七月夷船

### 出江口收復瓜洲復將情形馳

口自逆夷佔據瓜洲卽飭委員星夜用大船大木堵塞河  
口分投暗伏并諭各洲居民團練外設疑陣內聯聲勢嚴加

### 政蹟備采錄 卷末

三

防禦惟以逆勢鴟張大兵未集飭令兵勇非遇夷人內竄不  
得冒險輕動一月以來時有黑白夷人持械擺隊上岸然僅  
行至三汊河以外之八里鋪而止似未知我兵虛實有不敢  
深入之意嗣聞夷船大幫駛往江寧仍留大船一隻小船十  
餘隻攔截瓜洲口其餘大船皆附近金山停泊臣以夷情叵  
測船雖漸少安知非誘我兵弛防冀可內竄隨督同文武員  
弁及練董等嚴密扞禦不敢稍存大意茲於本月十六日突  
添三桅大船一隻停泊瓜洲口門卽有黑白夷二三百人仍  
前擺隊上岸行過八里鋪將近三岔河經兵勇望見鳴鑼齊  
起各洲義勇亦聞聲遠近相應該夷見兵勇向前聲勢甚衆  
遂回船飛駛出口停泊南岸該員等卽率領兵勇乘勢移駐  
瓜洲當將瓜洲收復仍嚴飭員弁兵丁加倍小心以防逆夷  
復來不得稍有疎懈一面招徠逃散居民妥爲撫輯云云  
七月二十九日奉 上諭但明倫奏收復瓜洲招集匪徒  
各一摺夷船退出江口瓜洲業經收復著招徠居民妥爲撫  
輯仍飭員弁兵勇小心守禦毋得稍有疎懈至儀徵濱臨大

江梟徒乘簡竊發現招集頭目尙聽約束仍當妥爲彈壓毋任滋生專端其事平以後應如何設法解散之處著樹酌妥辦慎勿稍留後患其餘沿江各村自相團練均著照所議妥爲辦理將此由四百里諭令知之欽此 九月初

一日夷船全數退出圖山關外復以水陸肅清人民安堵情

形馳

奏

略曰欽奉七月二十三日

諭旨當即督率揚州府知府

晏曙東等將五洲招回難民查明實在乏食戶口備買米担運往賑濟并妥爲彈壓招集之梟徒大幫夷船已於九月初一日全數退出圖山關外大江南北運道肅清淮揚一帶人民安定惟鎮江僅一水之隔自遭噴夷荼毒道殣相望所遺困苦窮黎亟須賑卹臣不敢稍分畛域已稟明督河諸臣動碾鹽義倉穀二萬石交該地方官督同商董分別散給貧乏及招回難民俾救目前之急至儀徵鹽梟頭目熊有成等

政蹟備錄 卷末

四

業經河臣麟慶 奏蒙

賞給頂戴頗知悔罪可望自新

即使故智復萌姓名籍貫有案可稽無難立拏懲辦其餘夥黨亦經馴伏聽受約束惟此等犷悍之徒宜散而不宜聚臣擬飭員逐詢願在儀居住者取具不再販私切結備案聽其另謀生計仍編入保甲隨時稽查其願回原籍者開具花名清冊逐程資送遣回原籍責令各原籍州縣嚴加約束不得復任外出滋事如潛回儀境嚴拏究辦正在飭行間接據儀徵縣知縣陳文恭稟稱會同奇兵營游擊芮永森陸續將盜無梟徒多方開導僉稱情願各回原籍安分謀生似不難於遣散容臣督同營縣各員妥爲辦理不使稍留後患其各州縣團練之義勇并 子告大學士 臣阮元捐資招募團練之鄉勇現當驚惶甫定之時巡緝未宜少懈臣仍督飭營董事照前防範其沉堵大船木石錘練全行起除以通舟楫現在揚城民情漸與舊時無異自揚達淮律來行旅亦皆安帖云云 九月十三日奉 上諭但明倫奏夷船全數退出圖山關外淮揚水陸肅清一摺覽奏均悉大幫夷船已於九

月初一日全數退出大江南北運道肅清瓜洲招徠人民業經撫卹所有鎮江被難窮黎著麟慶等卽飭但明倫勸賑倉穀交該地方官分別散給毋令一夫失所鹽梟頭目既知悔罪卽著曉諭夥黨改過自新仍暗爲防範潛消反側其編入保甲者當隨時稽查毋令游手滋事其情願回籍者卽逐程資遣交原籍州縣嚴加約束不得復任外出至外省調防官兵均卽陸續撤回江都甘泉兩縣所屬及北鄉等處所募鄉勇如果得力可資巡緝現當驚惶甫定之際自應暫留驅使事竣設法遣散所有善後一切事宜著但明倫隨時稟商麟慶李湘芬等次第興辦其揚州儀徵防堵出力文武員弁及紳商局內董事出力各員名著麟慶李湘芬核實保奏候朕施恩將此諭知麟慶李湘芬並傳諭但明倫知之欽此揚城自夷船入江相距僅數十里已倉皇播遷人無固志迨鎮

江陷瓜洲失夷至三空河賊鋒近在肘腋而土匪四起劫掠

政蹟借采後

卷末

五

內外交急危如纍卵賴明倫坐鎮從容聲色不動安內則撫民以恩懲暴以猛禦外則明阻其路暗防其攻自六月八日夷入江迄九月一日逆船全數退出五十餘日逼近兵鋒而卒安堵如故揚之民感再造之德獻聯額者紛紛初拒却之而來者益衆并繪八圖紀德政而名之曰淮南輿頌潯石垂

久遠淮南輿頌圖一曰海壩籌防序云公在常鎮觀察任值嘆夷告警周巡江上以鵝鼻嘴圖山關爲江海門戶請增兵嚴扼險守禦事格不行既而夷船果由此入人咸服公先機料敵之哲贊曰大江鎖鑰圖山鵝鼻欲鎮天吳先籌地利防忠未然設險有備豈使鳥艘長驅亭芻曲突空憂補牢宜計請鐵甕勒之金寺二曰林鴉懸服序云儀徵老河

注鹽鴟藪窟燬於夷船公招撫用之防其走險下令如民  
擅擄掠者格殺勿論並獲土匪之尤者次殺數人境內肅然  
逆夷知已有備不敢深入贊曰風濤盜賊藪茲澤國緩蠹靡  
艘急通夷舶聚等揭竿散同暴客病以毒攻面隨心革瓜步  
戈艇鑿江畫戟孰鴟孰良惟視驅策 三曰城雉興修序云  
揚州城修自 國初閱百餘年公莅任之始卽籌帑興築迄  
夷船入江保障屹然江北恃以無恐贊曰南北咽喉淮海重  
鎮不有金湯孰障鯨獍崇墉百雉深濠十仞舟沉鐵鎖礮伏  
震震義櫓信胄魚麗蛇陣衆志成城非徒修濬 四曰蜀岡  
練勇序云公兵備常鎮時曾著團練論嚴檄所屬防海嗣移  
節兩淮復立平安局募勇籌備壬寅仲夏京日失守淮揚大  
震公分扼蜀岡親督團練兼防陸路贊曰寓兵於農五家爲  
伍懲彼烏合節以金鼓有勇知方選徒講武長兵短兵赤羽  
白羽旣攘外夷亦禦內侮烽烟旣靖各返亞旅 五曰篝燈  
起草序云自嘆夷入江 聖主念重防淮 特加公按  
察使銜專摺奏事公感激 知遇運籌起草恒至夜分凡

敢蹟備采錄

卷末

其

所陳奏 溫綸報可贊曰羽書絡繹南北中梗防江防河  
惟淮孰領簡在 帝心事許專請胸羅萬甲慮周四境鑿  
盡夜闌風鶴宵警焚草拜章依然薇省 六曰廩粟賑飢序  
云揚城旣戒嚴公卽移城外鹽義倉粟貯城內以固民心隨  
張米賑飢自本城以至瓜洲全活無算復於京口收復後撥  
米十萬石往濟雖常鎮已 公所屬而民猶被其惠贊曰閉  
關罷市城烏剝啄空室罄懸斗米珠握何以調之倉毋閉粟  
何以通之市無閉齏作千丈裘爲萬間屋民不知兵易呻爲  
祝 七曰百廛安堵序云城民聞警紛紛遷徙百廛將罷市  
公輕輿簡從徧歷街衢撫慰勸諭由是民復其居市不易肆  
雖咫尺烽燧而人心安堵贊曰維揚富庶東南之冠戎馬在  
鄰倉皇雨散中林有鹿中澤有雁晨夕噢咻爭還里閭恃有  
長城爲我衛悍恃有泰山爲我屏翰 八曰萬性躋堂序云  
揚州賴公保全事定後衢歌巷祝旣爭製堂頌聯衣繳送  
峇復供長生位於郡廟稱曰萬家生 九曰九月十九日爲公  
六旬誕辰爰仿張益州畫像舊事繪圖八章同紓愛戴之誠

恭祝綿長之慶贊曰城闔肅矣郊野復矣士民嘯歌綏多福矣匪公之德其孰我郵扶杖稱航題楹載筆綵葢飄揚香花芬苾稽首祝揚郡紳士復公繪雪舟籌海圖冊一時揚之同公萬家生佛

官寓公耆紳多士以及都中士大夫爭題詠紀其事且惜其策之未果行也初任御史時稽查戶部銀庫以庫丁自嘉慶五年至道光二十三年歷久侵帑失察案發凡曾任稽查者皆落職責賠如數繳完蒙

恩賞員外郎膺此賞者同案中僅三人後遵

旨捐復道員

政蹟備錄卷末

七

特賜召見

溫諭諄諄曰爲移晷揚民間復來迎至黃河北岸者以千計旣至揚焚香羅拜者夾道歡呼婦孺咸歌舞於途謂重覩再造之天士紳更繪邦溝遮道袁浦迎旌圖爲詩詞志喜并泐石於湖中名勝處二十五年 月復履鹽運使任因鹽義倉穀自二十二年撥碾放賑後尙未買補適值秋收豐稔亟宜儲備防患未然爰諭衆商乘時買補并裁陋規減浮費以歸核實議上大帥准行商民悅服不數月倉庫充實如故先是揚州

城久失修聞夷警始倉卒補葺而內城皮馬道皆未議及乃復委員遴董勘估計需十萬餘千又護城河淤墊尤甚所關於文風民用匪細亦須數千金方可鳩工皆先捐廉俸爲倡擇要興修挑出沙礫用船剝載出江以填瓜洲崩岸瓜洲故濱江近年坍塌殊甚人心惶惑寢食不安及舉斯事不逾月而岸不傾卸民賴以安瓜洲至揚城水路四十里陸行僅十餘里地故平坦瞬息可達故防堵時首先設伏事後詳請添設兵礮俱未准行乃仿粵東蠻船式樣造船六隻並製西瓜礮火箭等物無事則緝私梟有事爲後路接應募水勇駕駛之至是又請添建都司衙署及守備等官添兵丁數百名俸餉皆由外支不請正項詳上大帥據以入

奏奉

特旨交

欽差大臣查驗情形復

奏相度形勢俱以爲可并試驗水勇西瓜礮等均極合式

奏入奉

旨俞允回任未及二年而於倉廩城垣防江緝匪諸政次第講求其竭忠殫慮不遺餘力又如此

臺旣刻志稿畢其中採輯事蹟不無望漏欲補無從且一鄉人物尤爲山川生色而志載僅此豈非歷年旣多遂有失傳者乎因取現在諸公事蹟載之另附一冊於後且願來者凡此州公事善政隨時附載以待將來續修不至如今時之難則幸甚矣金臺謹記